


Зоя Рогова

ОВ, ПРИДАШОЙ!



Зоя Рогова ОВ, ПРИДАШОЙ!

ВИСЬТЪЯС

ПЬЕСАЯС

КЫВБУРЪЯС

СЬЫЛАНКЫВЪЯС

ЧАСТУШКАЯС

БОРДОДЧОМЪЯС



Сыктывкар
Коми книжнӧй издательство
1993

84 2Рос-Ко
Р 59

ISBN 5-7555-0425-3

© Рогова З. И., 1993

ПРИДАШ СИКТ

Эжва дорсянь абу ылын,
Оз ков мунны дыр.
Пожог пӧлӧн, гӧра йылын
Сикт тыдовтчас пыр.

Тайӧ Придаш, дона сиктӧй,—
Сэн уна бур йӧз эм.
Тайӧ менам чужанінӧй,
Быдмывлі ме сэн.

Сэні менам быдман ёртъяс,
Коли тан том кад.
Ставыс быттӧ меным чойяс,
Ме аддзысьлывны рад.

Гажайсь рытъяс вӧвліны,
Юргис гудӧк гор.
Гортаныс вӧлись пырлісны,
Шонді петліс кор.

Гудӧкасьысь зонъяс вӧлі,
Кӧть ӧні лыддя пыр:
Степӧ Ваньӧ, Ваньӧ Тоне.
Евлаш Ваньӧ — гудӧкаыд тыр.

Лои война — шудтӧм вояс,
Торкис олӧм лад.
Рӧдинаӧс врагысь видзны
Мунны воис кад.

Придашысь сэки мунісны
Сё ветымын морт,
Ылӧ туйӧ мӧдӧдчисны,
Эновтісны горт.

Налысь уджсö ставсö вöчид,
Дона аньяс, ті.
Лун и вой ті уджалінныд,
Эз и мудзлыв ки.

Война вывсьыс бöрсö эз во
Öкмысдас вит морт.
Зэв уналөн батьныс эз ло.
Эз и адззыв горт.

А кор лои Победа лун.
Начкид ыджыд öш.
Ыджыд радлуныс мед эз вун,
Сур юин дзонь көш.

Радла бöрдөм сорөн сыліг,
Мый враглы воис пом.
Коді ловъя — виччид гортö,
Радліс пöрысь и том.

Война важөн нин помасис,
Вежсис олөм лад.
Оланногыс выль-ног вежсис,
Муніс сьöкыд кад.

Ставыс тырмö, нинөм шуны,
Бура олад ті.
Мед нин сэтшөм лёк олөмсö
Эг нин төдлөй ми.

ОВ, ПРИДАШОЙ!

(Олӧмысь серпастъяс)

*Эжва юсянь абу ылын,
Оз ков мунны дыр,
Пожӧг пӧлӧн, гӧра йылын
Сикт тыдовтчис пыр.
Тайӧ Придаш — дона сиктӧй,
Сэні уна бур йӧз эм.
Сійӧ менам чужанінӧй,
Быдмывлі ме сэні.*

Придаш сикт чужлӧма XVIII нэмын на. Сикт ӧтар бокас Пожӧг ю, мӧдарас — Позялӧм ю. И Эжва абу ылын. А мыйла сиктсӧ шулӧмаӧсь Придашӧн? Ӧтияс висьталӧны, мый овмӧдчысьяс пӧвстын унаӧн вӧлӧмаӧсь пришлӧй — воӧм — йӧз. Мӧдъяс шуӧны, зэв пӧ важӧн сиктсӧ сетлӧмаӧсь кодлыкӧ приданнӧй пыдди. Придашӧн и ӧні шуӧны татчӧс йӧз, кӧть сиктыслы XIX нэмын мӧд ним сетлісны — Слудка.

Сикт шӧрӧ кыпӧдӧмаӧсь каменнӧй вичко. 1860 воын сійӧс вежӧдны волӧма архиерей, ськӧд уна попъяс. Каменнӧйыскӧд орчӧн бӧрынджык нин кыпӧдӧмаӧсь пу вичко. Сӧрӧнджык сиктса олысьяс вичкояскӧд орчӧн лэптасны ӧти судтаа пу школа.

Вичкоясыс вӧліны еджыдӧсь, мичаӧсь, кыз быттӧкык еджыд юсь лэбзьӧны сикт шӧрӧдыс. Тані жӧ зымвидзисны озыра олысьяслӧн гырысь керкаяс — поплӧн, дякӧнлӧн, мельниклӧн.

Гражданскӧй война дырӧн Пожӧг вожӧ еджыдъяс эз пыравлыны, но сиктын муніс ёсь классӧвӧй тыш. Пияныс батьяслы паныд сувтлісны, семьясын вокъяс вензисны: ӧтиыс вӧлі гӧльяс дор, а мӧдыс — озыръяс дор.

Сиктын выль олӧм панысьяснас лоисны революционнӧй видзӧдласьяса салдат-фронтовикъяс. Придашын медводдза партийнӧй да комсомольскӧй ячейкаяс кытытысьяс лыдын вӧлі батылӧн воыс — Егор Григорьевич Доронин.

Коллективизация дырӧн Егор Доронинӧс ас сиктсеяс бӧрйисны колхозса председателӧн. Асланыс медводдза артельнӧй овмӧслы придашсаяс сетісны нимсӧ «Коммунар».

Сельхозартельӧ ӧтувтчӧм крестьяна вылӧ букуша видзӧдісны озыръяс, кулакъяс да подкулачникъяс,

кодъяс лӱгалісны Сӱветскӱй власть вылӱ. Кулакъяс быд ног торкалісны да вредітисны колхозлы, жугӱдлісны инвентарь, сотлісны воӱм нянь тыра рынышьяс.

Ӑти арся рытӱ, колхознӱй собрание водзын пӱръялӱмӱн кулакъяс корисны сикт помӱ Егор Доронинӱс да колхоз правлениеысь счӱтоводсӱ. Нуӱдисны найӱс, медым кыкнаннысӱ вины. Но колхозникъяс казялӱмаӱс вӱрӱгъяслысь лӱк зільӱмсӱ да мунісны дорйыны ассыныс зурнуӱдысьяссӱ. Пансис кось, война вылын моз лыйсисны ружьясысь ӱтарсянь и мӱдарсянь. Ӑти мортӱс виисны да некымынӱс ранітисны. И та бӱрын на унаысь Егор Доронинлӱн керка дорын пемыд войясӱ ветлывлісны ружьяа йӱз, грӱзитчисны.

Выль олӱм тӱчысьяс чегисны кулакъяслысь водзасьӱм. Воськов бӱрся воськов, пыр водзӱ, пыр зумыдджыка выльыс пырис сиктса йӱзлӱн олӱмӱ. 1929 воӱ Придашӱ воис радио. Первой репродуктор дорӱ, колхоз правлениеӱ, рытъясын воывлісны семьяясӱн. Сӱні пыр вӱлі уна йӱз. Сы бӱрын регыд Придашӱ воліс немӱй кино. Сиктса йӱзлы вӱлі зӱв дивӱ, и быдӱн кӱсийсны видзӱдлыны, мый сӱтшӱм киноыс.

Медводдза трактор

1930 воын Придашӱ воис первой трактор. Сылӱн шыыс полошитіс став сиктсӱ. Муніс сійӱ сикт кузя, мургӱмсьыс таркакылісны ӱшинь тасьяс. Шум вылӱ петісны керкаясысь став йӱзыс, медым видзӱдлыны «кӱрт вӱв» вылӱ.

— Трактор! Трактор!— горзісны том и пӱрысь. Челябинд чукӱр кӱмтӱг кӱтӱртісны трактор бӱрся.

Сӱрнитӱны, ӱта-мӱдыслы кыв шуны оз сетны:

— Ачыс мунӱ... Ӑтнас мунӱ...

— А плугйыс, плугйыс кымын?!

— Господьӱй енмӱй, воис тай му вежӱмдырйыд,— юрбитісны пӱрысь бабаяс.

Марья тьӱт тракторлы паныд ӱобразӱн петіс, уськӱдчис, пидзӱсчаниясис, зіля кутіс юрбитны да молитваяс лыддьюдлыны. А трактор, кыдз шуӱны йӱзыс — ыджыд «кӱрт вӱв», мургигтыр муніс сикт помӱдз, пурысьті лӱччис пӱскӱтинаӱ да нӱмӱвӱйся эжасӱ мӱдіс путкылявныгӱрны.

Челядь трактор бõрся котралісны, а мужикъяс чукõрõн сулалісны да шензисны:

— Вот и бур добра... Вот и лõсьыда гõрõ...

— Қымын вõв пыдди õтнас путкылялõ?!

Сійõ жõ онас, арланъяс, придашсаяслы лои мõд ди-вõтор.

Аэроплан

Сентябрь тõлысса первой лунъясõ, рытладор кор колхозницаяс чарляясõн вундисны на сю, мужикъяс тэчисны да чумалитчисны, кутіс кывны мургõм шы. Сэсса енэжын вõръяс йывті тыдовтчис аэроплан, коді пыр матыстчис да ыдждіс. Лэбис сійõ сиктлань, и пыр лэччис и лэччис мулань да Керõспом йõрõ муяс вылõ воши.

— Ероплан! Ероплан пуксис!— шызисны йõз да, коді вермис, ставõн котõртісны Керõспом йõрõ.

Бабаяс чарласõ абу удитõмаõсь шыбитны, кузь юбка бõждорсõ кутõмõн котõртõны. Челядь коді кõмтõм, коді котõртігмозыс пасьтасьõ. Õти нывка пельпом вылас кагасõ лёк ногõн нõбалõма да, лёзь юрсиа, котõртõ, кагаыс бõрдõ. Зонка кõм пõла котõртõ, абу удитõма мõд пõвсõ кõмавны, йõзыс бõрся горзõ:

— Еро-о-оплан пуксьõма!

Пõрысь дед со беддя чотіктõ, тшõтш жõ мунõ Керõспом йõрõ. Õти здукõн Керõспом йõрын чукõрмисны сиктса став олысь — пõрысь и том мужикъяс, бабаяс и челядь чукõр, быдõн тэрмасисны видзõдлыны «кõрт лэбачõс».

Аэроплан сутшкысьõма нырнас му бõрõздаõ, а бõжыс вывлань. Кык лётчик гõгралісны усьõм самолёт дорын, йõзсõ эз сибõдны матõ локны, õлõдісны:

— Нельзя! Нельзя! Не подходите!..

А йõзлы вõлі окота кõtь кинас инмõдчывны аэроплан бердõ, мõда-мõдсõ тойлалігтыр матыстчисны бордъяса машина дорõ. Õти лётчыкыс петіс йõз водзõ да шыасис:

— Кто здесь предсельсовета или предколхоза? Подойдите к нам поближе.

— Я предколхоза!— шыасис, йõз пõвстысь петіг, Егор Доронин да мыйкõ дыра рочõн сёрнитіс лётчикъяскõд.

Лётчикъяскõд сёрнитõм бõрын Доронин висьталіс, мый аэропланыс, вõлõм, Сыктывкарсянь лэбõ Архангельскõ да виччысьтõг ковмõма пуксьыны — жугалõма

пропеллерыс. Лётчикъяс шуисны узъмодчыны да виччысьны мёд самолёт, коді ваяс колана частьяс. Корисны кык либө куим мортос стөрөжитны войнас аэроплансө.

— Ме! Ми!— горзисны мужичөйяс да зоньяс.

Лётчикъяс кольөдисны куим мортос, а асьныс став йөзкөд мунисны сиктө. Пыр жө юөртисны Сыктывкарө лоөмтор йылысь.

Мёд луннас колхозникъяс отсөгөн аэроплансө йөтка-лөмөн нуисны видз вылө, кытчө вермис пуксьыны локтысь аэропланыс. Придаш сиктса йөз лунтыр вөліны видз вылын. Праздник дырйи моз вайөмаөсь аскөдныс сөян и юан, виччысисны мёд аэропланлысь пуксьөм. Велөдчысьяс зэв унаөн школаө эз мунны. Уджалысь йөз уджсө эновтөмаөсь.

— Бөрас лун и вой көть уджалам!— сьөлөм сетөны өта-мөдлы колхозникъяс, бурөдөны бригадирьясөс.— А талун видзөдам аэропланлысь пуксьөмсө и лэбзьөмсө. Коркө и пуксис мёд аэроплан. Первойыслысь вежисны жугалөм пропеллерсө. Качөдчөм водзын первой аэропланса лётчик сьөлөмсянь аттьөалис сиктса йөзөс отсөгысь да жалитыштис, мый оз вермы некодөс сөлөдлыны аэропланас да катайтыштны. Пуксян местаыс тани зэв омөль пө, бара вермас жугавны...

Бать

Котлассянь катысь пароход, свисток сетөм бөрын, сувтис берег дорө, көні пристань пыдди вөлі ичөтик банька. Берегө чеччис военнөй паськөма, латшкөс тушаа морт, кодлөн шуйга кыс вөлі көрталөма бинт вылө. Воськыд киас сийө кутис шпагатөн көртыштөм сундук. Тайө локтис Иван Доронин госпитальсянь гортас, сизим во ветлөм бөрын. Салдатын служитис да воюйтис.

— Перевозчик! Вай вуджөд Эжва мөдарас,— шыасис служивөй перевоз кутысь дорө.

Перевозчик тэрмасьтөг лэдзис берегысь ва вылө пыжсө да, пашкыр тошсө малалигтыр, юасис:

— Дыр-ө ветлин? Кысянь локтан? Ачыл Придашысь? Кодлөн лоан?

— Придашысь Доронин Гришалөн шөркост пиыс. Война вылын вөлі, дорйим сарөс да Отечествоөс, германечөс нөйтим,— тадз сөрнитиг воисны мөдар берегө. Служивөй сетө вөлі сьөм, но перевозчик эз босьт.

— Но ыджыд аттьö сідзкö тiяны!

— На здоровье, öдйöджык бурдöй!

Иван мöдöдчис гортлань да мөвпаліс: «Кыз нин олöны гортын? Мöдöд во нин некутшöм юөр эз воы гортсянь...

Ставныс-ö ловьяöсь...»

Тыдовтчис Придаш сикт — керкаясыс омöликöсь, важмöмаöсь, выль керкаяс абу. Коді нö выльсö стрöитас?! Вермана йöзыс война вылынöсь, а пом оз тыдав, кор сійö помаяс.

Со и чужан керка. Мамыс кильчö вылын нин.

— Иванушко, дона пиöй, ловья?— уськöдчис мамыс пыс сывтырйö да лыддьöдлөмөн бöрдіс.— Господьöй ен-мöй, ловья синмөн аддза, а батыд, коньöр, эз и вермы вичысьны — куліс.

Иванлысь воём öдйö тöдмаліс став сиктыс. Керка тыр чукöрмисны йöз, рöдвуж и бокöвöйяс. Служивöйöс видлыны локтісны пöрысь мужичöйяс и бабаяс, юасьöны. Ставлы быдторсö окота тöдны: кызди вöйүйтис? кызди ранитчис? кызди йöзыс олöны роч муын? Быдөнлы телепит: эз-ö Иван аддзыв кодöскö ас сиктса йöзöс?

Иван быдөнкөд кнасьліс, пуксьöдаліс паськыд лабич вылö, сёрнитіс, висьтасіс. Воисны и Öндрей да Елизавета чойыс семьянас. Эз вöв Егор вокыс, коді көнкö во-үйтис на.

Мамыс да чойыс лöсьöдісны пызан, сувтöдісны самовар.

— Иван дядь, висьтав, кызди ранитчис кийд?— юасіс Гриша, Öндрей вокыслөн пи.

— Зэв страшнö война вылад, племяш,— заводитіс висьтавны племянникыслы Иван.— Оборона дырйи окопын квайт морт куйлім. Наступайтөм водзас враг мян вылö снарядьяс шötіс... Пусь-пасьмуніс мян окопным! Ме сэсса немтор ог помнит. Садь вылö вои госпитальын, шуйга пельпомöй дрöбалöма, шуйга бок черлы вöлі чегöма. Бöрыннас нин тöдмалі, мян окопсьыд, вөлөмкö, нельыс дзик пыр кулöмаöсь, а менö да мөд салдатöс перйöмаöсь... Но ёртöй сутки тыртöдзис и кулöма госпитальын нин. А ме вот öтнам со ловйөн коли. Абу, буракö, шуöма мем сэтчö кувны, гортö вои.

Тулыснас Иван Доронин гөтрасіс. Вайис авья да уджач нылös — Егор Аннаös. Овмöдчисны. Иванлөн кыыс омöля бурдіс. Луннас уджаліс му да видзьяс вылын, войнас войбыд ойзö, кинас öвтчö.

Анна зіля уджаліс, но и семья öдйö кутіс содны. Во

мысти чужис ныв, сэсса пи, сэсса бара ныв. Семьялөн муыс вöлі этша да омöль, няньон олісны дзескыда. Придашса мукöд мужикъяскöд Иван куимысь нин ветліс Богословскöй заводö пес пилитны, но вайом нажöтка зэв регыд бырлі.

Иван Доронин да сы кодь жö салдатъяс-фронтовикъяс, гöля олысыяс сёлөмсянь чолөмалісны Октябрьскöй революция йылысь юөр, ошкисны Сöветскöй властьюсь Мир да Му йылысь декретъяс. Регыд фронт вылысь локтіс и Егор вокыс.

Проньдор сиктын котыртчис коммуна. Пырис сэтчö сизим челядя семьянас и Иван Доронин. Но öти во мысти коммунаыс киснис, и Доронин аслас семьяон бөр локтіс Придашö.

Медводдзаяс лыдын Иван да Анна Доронинъяс пырисны колхозö. Некутшөм уджысь эз öтдортчыны.

Дружнöй семьялөн олөмö ыджыд шог вайис скарлатина, кодөн висьмисны сизимнан челядыс. Челядсьö больничаö водтöдісны, а керкасö дука лекарствоон киськалісны-резісны. Анна бөрдігтыр кевмис енлы: «Господьöй енмöй, видз менсьым челядсьö кулөмысь...» Но енмыд эз видз — пи дай ныв кулісны. Тöлысь чöж керкаын вöлі чöv-лөнъ. Быд вой бөрдіс Анна, сэтшөм жаль вöлі öтка Егор пиыс да нылыс.

Тöлысь мысти Иван да Анна вайөдісны асьыныс бурдөм-справитчөм вит нывкаöс. Но шулөмаöсь важ йöз, шогыд пö оз öтнас ветлы. Бара лон ыджыд неминуча.

Тулысьявылыс, лымъя на вöлі, коркö Анна эз мун удж вылө. Колö вöлі шабді няръявны да трепайтны, коді вежон нин косьмис паччöрын.

Бать ыджыд нылыскöд мунісны вөлөн колхозлы турунла. Шөркост нывкаяс мунісны школаö, а ичöt нывъяссö мам петкөдіс Егор дядь ордö. Ачыс петіс сарайö шабді трепайтны.

Друг кутіс тшын дук кывны.

— Мый нö тайö? Кутшөм тшын дук?— шензьö Анна. Эновтіс уджсö да чепөсйис керка öдзöслань.

Восьтіс öдзөссö, керкаыс сьод тшынөн тырöма, нинөм оз тыдав. Паччөрвывса шабдіын ыпъяліс би. Анна повзис, оз тöд мый керны. Кильчö вылө петіс да горзыны кутіс:

— Пöжар! Пöжар!.. Отсалöй!.. Спаситöй, бур йöз!..

Ачыс пырö биас да петкөдлө öзйөм көлуйсö ывла вылө, шыблалө кусөдчыны локталысь йöзлы. Кутісны звөнитны жыннянö, чукөрмис йöз... А Анна век на биас пы-

раломён петкөдліс сотчөм көм-паськөм. Став паськөмыс ас вылас нин сотчис, чышъянас ыпъяліс нин би. Петіс кильчө вылө да швач уси сотчысь көлуйнас лым вылө. Чеччынысө сэсея эз нин вермы кок йылас, но бауасьомён бара на көйис пырны биө, да йөзыс кутісны, эз лэдзны.

Керка помөдз эз сотчы, бур йөз кусөдісны. Аннаөс нунсны больничаө. Иван семьянас дзонь төлысь оліс Егор вокыс ордын. Быд рыт удж бөрын лөсьөдіс керка-сө: лөсасис, стружитіс, штукатуритіс, мавтіс. Больничасысь Анна воигкежлө семьянас бөр петісны гортас.

Қор мам воис больничаысь, челядь радлісны, кутлісны да окавлісны мамсө. Мам бөрдіс да радліс, мый бөр на воис аслас дитяяс дорө. Но ачыс пыр на висис, вөлі блед да омөльтчөма, быдлаын төдчис сотчөм местаяс. Недыр олөм бөрын бара ковмис мунны больничаө. Сэсея эз нин аддзыв нывъяссө, куліс, колины сирөтаясөн вит ныв. Ставныс бөрдісны, жалитісны мамсө, бать шогысла места оз аддзы.

— Қыз нө ме кута овны посни челядьнас?— шогсис дөвеч.— Қод нө мем отсалас тайөясөс кок йылө сувтөдны?

Олөм торксис. Қык ыджыджык нылыс гортысь мунісны: өтныс вөр пөрөдны да кыскавны, мөдыс — карө велөдчыны.

Өтчид бать и шуө челядьыслы:

— Дона нывъясөй, ме көсья вайөдны тіянлы выль мам. Мый ті шуанныд?

Нывъяс чөв олісны. Медбөрын ыджыджыкыс шыасис:

— Бать, оз ков мянлы тьөтыд. Ме кута ставсө гортын вөчны, мый тшөктан.

— Сэки мян лоө йөв,— водзө сёрнитіс бать.— Тьөтыд өд мөс вайөдас.

Бать вайөдіс нывъясыслы выль мамөс. Тьөт эз радейт нывкаясөс, быд ног кедзөвтіс, омөля вердіс. Зэв дурк нывбаба вөлі.

— Мыйла төлын джодж мыскавны да новлан көлуй пєславны?— асьыс дурклунсө правдайтөмөн шуасьліс тьөтыс.— Гөжөм воас да сэк ставсө мыскалам.

Тайө дурк нывбабаыс асьыс шушунсө первой вөлі банөн новлас, а сэсея өна сьөдасяс да, гугөдөмөн новлө.

Батьлы тайө эз кажитчы и во джын олөм мысти бара нывъясыслысь юалө:

— Нывъясөй, кутанныд и водзө ва сора йөв панявны али тьөттө бөр ыстам гортас?

— Оз ков мянлы йёлыды! — нимкодя горёдісны нывкаяс. — Ми чай юам!..

— Сідзкё, мунёй картасьыс мёссё бёр вётлөй мамыс ордё, а тьотыд ас кокнас мунас, кыв көрталіс бать.

Куим чой босьтісны кузь ньёр да гёнечён вётлісны мёстё сикт кузя, сэтчё, кытысь вайёдліс мустём тьотыс.

Мёс вётлём бёрын батысь бара сөветуйтчё нывъясыскөд:

— Дона нывъясёй, вай пуксялөй лабич вылас да сёрнитам, кызд мянлы водзё овны. Ті тёданныд, мамныд тіян вёлі зэв уджач, зіль, керка пыткад пыр вёлі пёрадок, паськөмыд — сөстём. Ёні ставсё ковмас аслыныд вёчны.

— Вёчам, батьё! — вочавидзёны збодермыштём нывкаяс. — Ставсё вёчам, сёмын висьтав.

Пач да пывсян ломтыны, ва пыртлыны да пусьыны бать көйысыс ачыс. Медся ыджыдлы индіс новлём съёд көлуй пеславны, мёдлы — джодж мыськавны, а ичёт Анналы урчитіс мыськасигён отсасьны, ёшинь вывъяс да лабич мыськавны. Тайёс колё вёчны вежоннас ётчыд. Ставлы вичмис и быд лунъя удж: ётилы сёйём бёрын пызан идравны, мёдлы — пес пыртлыны, коймёдлы — джодж чышкыны.

— Мед быдён тёдіс асьыс удж да вёчис менам тшөктытөг, — помаліс сёрнисё бать.

Уджсё медпервойысь вёчигён ичөтик Анна кутіс няргыны:

— Ме ог мыськы лабичсё, ветьёкыс из кодь сьёкыд, ваыс йи кодь көдзыд...

— Ветьёкыс кө сьёкыд — ичётёс босьт, — бурён кутісны велөдны ыджыдджык чойясыс. — Ваыс кө көдзыд — шоныдджыкёс босьт. Уджалём бёрад ёд сёйны кутан?

— Сёя!

— Но вот! Көді пё оз уджав — сійё оз сёй...

Нывка кывзис чойяссё и зэв зіля заводитіс лабич мыськыны. И та бёрын керкаын пыр вёлі пелькөдчёма. Воласны кө суседкаяс, дивуйтчёны:

— Вот и дона нывъяс ті, пыр ставыс тіян вёчёма и пёрадок.

Рытъяснас нывкаяс радейтісны сылыштны. Гожёмнас ветльвлісны колхозё уджавны, трудодень босьтны. Градъяс вылысь ёг турун нетшкисны. Турун пуктігкежлө батьныс нывъяслы вёчис ичөтджык куранъяс, и найёбыд лун ветлісны видз вылө. Сэні куртісны кос турун, а шойчигён челядь чукөркөд купайтчисны визув юын.

Мамтөг олігөн быдторйыс вөвліс. Бөрдлісны-шванит-
чисны, а, гашкө, и висисны нывкаясыс. Бать эз төд,
кызди найөс бурөдны. Сэтшөм здукъясө вөлі босьтчас
медся нчөт нывсө ки вилас да кутас джоджті сьылігтыр
ветлыны өтарө-мөдарө. Тшөктас нывъясыслы кутчысь-
ны да ас бөрсаяс сьылігтырйи жө ветлыны. Рыт-чөж
сьылісны, кытчөдз нчөт чой эз унмовсь.

Миян бать төдіс зэв уна сьыланкыв рочөн и комион.
Бура сьыліс, гөлөсыс мича вөлі. И ми ставным сьывны
велалім.

Великөй Отечественнөй война ыпнитан кад кежлө
ставным нин быдмим. Клавдия чой верөс сайө нин вөлі
мунөма. Ме лои учительницаөн да куті велөдны чужан
сиктын — Придашын.

* * *

Придаш сиктысь война вылө мунісны 155 морт. Армияө
нуисны жө и медбур вөвъяссө. Олөм сиктын торксис.
Колхозө колисны бабаяс, пөрысьяс да челядь. Буретш
тайө сьөкыд кадө менө бөрийсны парторгөн.

Сиктса аныяс уджалісны лун и вой, колө вөлі став
уджсө бергөдны налы колхозын, быдтыны челядьөс, от-
савны фронтлы. Эз тырмы нянь, өна тшыгъялісны йөзыс.
Унаөн кулалісны, война кадө жө куліс и миян батыным.

Фронт вылө мунлөмъяс лыдысь Рөдиналөн мездлун
вөсна тышын усисны 95 морт. А кодъяс воисны, унджы-
көныс вөліны ранитчөмъяс. Тайө некор оз вун йөз
паметьысь.

Победа бөрын первой воясянь кыптыны-ловзыны
кутіс олөмыс и Придашын. 1948 воын татчө воис элек-
тричество. Ичөтик школа пыдди стрөитісны ыджыдөс.
Колхоз кыпөдіс вьль скөтнөй дворъяс. Аслыныс вьль
керкаяс кутісны лэптыны сиктса олысьяс.

Вежсьө, бурмө чужанінөй и вежөны сійөс сэтчөс бур
йөз, кодъяс вужъясисны татчө, да эз эновтны чужан
сиктсө.

Ов, Придашөй!

ВАСИЛЕЙ ЛУНЛЫ ПАНЫД

Висьт

Недель кымын нин сулаліс мороз, кӱдзыдысла ывла вылыс пыр вӱлі руа. Сиктса олан керкаясысь рытын и асылын трубаясысь петіс сьӱд тшын, и веськыда кайис енӱжӱ.

Дарья тьӱтка асывнас ломтыліс ыджыд пач, а рытланьыс ломзьӱдіс кирпичысь тӱчӱм ичӱтик пач, мед лои керкаыс шоныд, ӱтносӱн олӱ да. Пыраліс гӱбӱчӱ и ропкигыр петіс...

— Аттьӱ дивӱ, тайӱ тай шыръяс гӱбӱчӱ овмӱдчисны, нинӱм он лысьт пуктыны, весиг кын картупельсӱ йирӱны.

— А кань вот со ог видз, вӱлі кӱ аслам кань, куталіс эськӱ шыръястӱ. Лоӱ, тыдалӱ, соседкалысь вайӱдлыны некымын лун кежлӱ каньсӱ.

Дарья тьӱт толькӱ на кань йылысь мӱвпаліс, и друг посводзсянь кутіс кывны каньлӱн нявзӱм шы...

— О, господьӱ, мый нӱ тайӱ, кань нявзӱ...

— Аски Василей лун, мем кажитчӱ али мый?

— Василейкӱд паньд кывзысьлӱны, а ме кывзысьтӱгыс кыла...

Полігыр муніс керка ӱдзӱс дорӱ, чӱвтіс пернапас, востіс ӱдзӱссӱ... и окнитіс.

Керкаӱ пырис кань, ставнас йизьӱма, кынӱм улас ӱшалісны йинӱньяс.

— Господьӱ, енмӱ, тайӱ нӱ ваӱ усьлӱма али мый?— Дарья зӱв ӱдйӱ босьтіс каньӱс, вайӱдіс пач водзӱ и заводитіс йинӱньяссӱ кынӱм увсьыс перъявны, а сӱсся вердіс йӱлӱн и катӱдіс шоныд паччӱр вылӱ, а ачыс пыр мӱвпаліс.

— Мый водзын тайӱ?.. Василейкӱд паньд...

— Ме толькӱ мӱвпалі кань йылысь и воис ачыс, мый тайӱ — бур водзӱ-ӱ, лӱк водзӱ?..

Кыліс кильчӱ ӱдзӱс востӱм шы, керкаӱ пырисны соседка Матрена Нина нылыскӱд.

— Видза олан, пӱдруга, ме мӱдӱдчи тӱ ордӱ и нылӱй со тшӱтш вӱтчис. Ме пӱ тожӱ ветла Дарья тьӱтка ордас...

— Лок, пӱдруга, петалам миянӱ, ми тӱнӱ корны воим.

— Аски Василей луныс важ ногӱн Выль во. Январь

14-өд лунö. Мый кылан да мый гадайтан — сійö и лоö выль во вылын.

Сёрни торкис паччөр вылын куйлысь кань. Кутіс лёк ног нявзыны-омлявны, кыз каньяс гуляйтігөн лёкысь горзöны...

— Мый тайö?— шуис Матрена.— Кутшöм кань нин тадзи тэнад паччöрад горзö, тэнад эз вöв да.

— Да тайö талун воис, ог төд кутшöм кань, ставнас вöлі йи, ваö усылöма али мый. Ме только мөвпышти кань йывсьыс, көсйи тиянлысь корлыны, шыръяс овмөдчöма-ось гөбөчө да, а сійö со ачыс воис.

Кань лёкысь нявзіс, горзіс, омляліс.

— Тайö абу бур кань — еретнической кань... Вөтлы бөр... Мыйла тайö видзан?

Дарья пасьтасигкості Матрена нылыскөд кутісны каньöс да петігмоз шыбитісны ывлаө. Дарья керкасö томналіс, ключсö зэптас суйис и мунісны найö Матрена ордö гадайтчыны.

Гадайтчысны картіөн, кутшöм олөм лоö выль воö, сотісны кабала лист да, пурт вылө пуктöмөн, видзөдісны сылысь вуджөрсө, вуджөр вежласис, то вöла доддя кодь лолө, то морт кодь лолө... Сэсся гадайтчысны блюйдөн. Қолө сизим блюд. Öти морт мөд комнатаö муно и оз адзы, а блюд улас пукталöны: 1) чунькытш — свадьба лоö, 2) мелочь (сьöм)— озыр лоан, 3) ключ — көзьяйка-өн лоан, 4) нянь тор — бура кутан овны, 5) сунис — туй лоö, 6) шом тор — шог лоö, 7) истөг тув (горт)— кулан. Гадайтчысьыс кор пукталас и корас, мед сійö кутшöмкө öти блюд осьтас, и мый лоö блюд улас, сійö и сылы лоö. Тадзи вөчöны куимысь. Став гадайтчысьяс куимысь осьтлісны блюд.

Сэсся самөвар дорын чай юигмоз сёрнитісны кывзысьöмьяс йылысь. Қывзысьны колө или öткөн, или куимөн, кыкөн оз позь. Қывзысьлöны öшинь увьясын Василейкөд паньд рытын, кутшöм сёрни кылан, мый йылысь сёрнитöны керкаас — сійö и лоö. Либö куим туй-вежын, öткөн или куимөн, шалльөн вевтгысьöмөн, лым вылө пуксьöмөн.

— Ме коркө зэв нин важөн, ныв дырйи на,— заводітіс висьтавны Дарья,— вöлі Василейкөд паньд рыт, талунья кодь жö көдзыд, ме бельеөн да тазйөн мөдөдчи пывсьыны чой ордö, муна туй вывті и мөвпала, мый тайö рытнас кывзысьлöны,— колө кутшöмкө керка öшинь улө сувтлыны... Некод некөн оз тыдав, оз кыв. Только мөвпышти и друг...— менö быттö бөрсянь вöла

доддя кутіс талявны, доддыслөн дзуртөмыс кылө и вö-
лыслөн кок шыыс. Ме весиг бөрвыв бергөдчыны эг удит,
мед вöлаыс менө оз таляв, ме тазйөн уськөдчи туйбокса
лым пиö. И аддзи: некод абу некөн, некутшөм вöv ни
додь. А сэссия ачым повзи, мед көть некод жö эз аддзыв,
кызд ме уськөдчи лымъяс, эськө серавны кутісны ме вы-
лын. А сэссия муні да ыджыдджык чойлы ставсö висьта-
лі, мый кылі и кызди уськөдчи лымйö. И чойö мем шу-
ис: «Вот, дона нылöй, таво виччысь жöникöс и сійö сто-
ронасянь, кысянь вöлі локтö вöлаыс». И збыль вылө,
регыд и муні верöс сайö, и сійö сторонасянь воис жöни-
кö.

— А ме висьтала,— шыасис Матрена,— ме коркө
соседъяс öшинь улын кывзысьлі, и пыр сёрнитісны иг-
насьöм да томнасьöм йылысь. А сэссия менö сійö воас
ыстісны вөрö уджавны, и керкаö пыр вöлі игана да то-
мана.

— А мөдысь, ныв дырйи на жö,— водзö висьталіс
Матрена — Василейкөд паныд, клубын вöлі, рытйысим
нывьяскөд и локта гортö öтнам, тожö думышти, мися,
колö эськө кывзысьны да, но некодлөн нин эз вöv биа.
Мир туй вывсьыс кежи, горт дорö воны куті, кильчö до-
рö, а туй шöрас сулалö пес чурка. Ме сэтшöма повзи да
лымйöдыс келі, а пес чуркасö эг вөрзьöд...

— А сэссия мый лон?— юалис пöдруга.

— Мый лон, сійö воас чурка вайи, верöс сайö мун-
тöдз, но регыд и кулі, дитяйöй... Но сёр нин лон, миян
сёрниыд оз помась, а мем колö мунны гортö.

Дарья пасьтасис, сылөн пöдругаыс кольöдіс, толькө
аслас кильчö дорöдзыс.

— Он пов, мунан?

— Муна, муна, ог пов. Мыйысь повнысö, кымын во
нин öтнам ола да ветла.

Дарья воис гортас, восьтіс томан, пырис, пөрччысис,
и көсийс кайлыны паччөр вылө, шонтысьны. И друг
сэтшöма повзис, да ыджыда ойöстіс. Паччөр вылын куй-
ліс кань, кодöс Матрена муніганыс шыбитіс ывла вылө.

— Кызд тайö пырис? Ключыс ме ордын, некод эз
пырав, кильчö дорын пыригөн эз вöv. Гөбöч öшиньяс
ставыс пöдса, весиг йизьöма, лымйөн да ваөн, мед көдзы-
дыс эз пыр...

— А, гашкө, посводзын вöлі да ме эг аддзы, мекöд
пырис и менам биасьтöдз кайис паччөр вылө,— асьсö
такöдіс Дарья, но сьölөм вылас мыйкө эз вöv лөсьыд.
Водіс крöвать вылас да ды-ыр эз унмовсь. Кань вöлі

сьод нисьо руд, толькө кык водз лапаясыс вöлины лым кодь еджыдось, а синмыс пыр югъяліс.

Кань кутіс овны Дарья ордын, кыйны шыръясөс, узьліс шоньд паччөр вылын, и коть коді керкаө пыравліс, бокөвöй морт ли, кань пыр лёкысь нявзіс...

Отчыд рытын пырисны керкаө Матрена пöдругаыс мөд суседкакөд.

— Дарья, тарыт клубын концерт, ми со Марьякөд мунам концерт вылө, и тэнö тшöтш корам. Ветлам клубас мянжкөд... рытъясыс öткөнтö зэв жö кузьбсь да гажтөмось,— корис пöдругаыс.

А кань паччөр вылын бара мөдіс лёкысь горзыны, нявзыны-омлявны...

— Тэ нö, пöдруга, век на тайö еретнической каньсö видзан, тайö абу бур кань, вöтлыны, шыбитны колö...

— Марья, вай кутам,— Дарья кутіс пасьтасыны клубö мунны, а бабаяс котралісны кань бöрся. Матрена кутіс каньöс, кань парсасис и горзіс-нявзіс... Каньöс бара шыбитісны ывла вылө, Дарья керка томналіс, ключсö эптас суйис, и босьтіс ещö истөг көрöб зептас. Бабаяс мунісны клубö. Сэні вöлі гажа, концерт бöрын йöктісны кадрилль, сьылісны-гажөдчисны став йöзыс. Дас öти часын вöлись разөдчисны йöзыс. Дарья воис аслас керка дорö, а ачыс поліс, гөгөр видзөдаліс, абу-ö каньыс бара керка дорас, томан восьтіс, пырис посводзö, истөгөн биасис, абу-ö каньыс посводзын. Кань некөн эз вöv.

Пырис керкаө, öзтіс би, пөрччысис, видзөдліс паччөр вылө. Ой! И чуть юрыс эз бергөдчы. Паччөрын куйліс кань и очсалис... Дарья ёна повзис. Кыис и кокыс дрөжжитіс, сьөлөмыс кутіс чеччавны, вот морөс пытшсыс чеччыштас.

Мый нö тайö? Тайö тай збыльысь еретнической кань, кыті да кызди нö бöрсö пырис керкаас? А сэсся кор водіс крөватяс, некыз эз вермы унмовсьны, кымынысь чеччыліс да водліс...

— Талун вой нин да ог вөрзьөд, мед узьö паччөрас. А аски бара мөдöда, мед мунö бөр, кыс локтіс.

Асьявылыс нин вöлись унмовсьліс, да друг садьмис повзьöмысла, аддзис вöт... Быттьökö, сійö видзөдліс паччөрö узысь кань вылө, а сэні быттьö куйліс Ёма-баба кань пыдди, кузь пиньяса, лёзь юрсна, көсийö быттьö горзыны, а гөлөсыс оз кыв. Садьмис да кодзыд пöсьö шыбитіс Дарьяöс. Асывнас чеччис, ломтіс пач, ачыс сёйыштіс, каньöс вердіс йөлөн, чериөн... Кутіс нин юг-

дыны ывла вылыс... Дарья пасьтасис, каньӧс босьтис моздорас, малалігтыр кильчӧ помын шуаліс каньлы:

— Ме тэнӧ шонті, йитӧ сывді, кор тэ локтін ме дорӧ, верді-юкталі, шоньд паччӧрын узьтӧдлі. Ме тэньд лёксӧ немтор эг вӧч, бура видзи, тэ шыръяс кыялін. А ӧні бӧр мун сэтчӧ, кытысь волін. Мем лёксӧ немтор эн жӧ вӧч, жалит менӧ. Мун бӧр, мун, кытысь локтін, эн нин ме дорӧ лок, ме сьӧлӧмсянь кора.— И малалігтыр, морткӧд моз сёрнитӧмӧн, лэдзис каньӧс лым вылӧ...

Кань котӧрӧн муніс трӧпинкаті кильчӧ дорсянь мир туй вылӧ и саялі-воши. Та бӧрын сэсся некор кань эз вола Дарья ордӧ, и сійӧ некор эз аддзывльв сьӧд нисьӧ руд, еджыд лапаяса каньӧс.

Но Дарьялы унаысь на дум вылас усьлі каньыс... Но мед, шуам, кань ненавидитіс йӧзӧс сы вӧсна, мый кодкӧ сійӧс тӧв шӧрын шыбитіс ваӧ, а сэсся вӧтліс мороз вылӧ, сы вӧсна сійӧ нявзӧ и горзӧ йӧз вылӧ... А кызд пырӧ керкаӧ? Игана-томана сайӧ. Тайӧс Дарья некыз эз вермы гӧгӧрвоны...

Да, дерт кӧнкӧ, сійӧ еретнической кань вӧлі.

АРСЯ ПЕМЫД ВОЙЫН

Висьт

Кор Егор Минин служитіс салдатын царлы да отечестволы, лои ыджыд вежсьӧм властьян. Лои революция.

— Гӧль, уджалысь йӧз кутасны веськӧдлыны властьян, озыр эксплуататоръясӧс бырӧдӧны,— шуалісны салдатъяс.

Каръясын, сиктъясын — быдлаын кыптис ыджыд кось. Озыръяс эз кӧсйыны сетны асьыныс власть, фабрика-заводъяссӧ рабочӧй да крестьяна киӧ. Россия заключитіс позорнӧй мир Германиякӧд, а ас костаныс Россияын лои ыджыд война, белӧйяс-краснӧйяс костын. Гырысь косьяс бӧрын Сӧветскӧй власть победитіс. Озыръяс унаӧн пышйисны граница сайӧ, и рубежсайса интервентьяскӧд ӧтвыв быд боксянь усьласисны том Сӧветскӧй страна вылӧ, но, чорыд косьяс венӧмӧн, и миян Коми муын, лои Сӧветьяслӧн власть. Колӧ вӧлі быд районӧ и сиктӧ мӧдӧдны революционер-коммунистьясӧс, медым лӧсьӧ-

дісны сәні пöрадoк, кöни пыр на ыджыдалісны озыръяс — кулакъяс да попъяс.

Коммунист Минин Егорöс районсянь мөдöдісны аслас чужаніö, Ягдор сиктö, котыртны колхоз. Воис районсянь уполномоченной и школаö чукöртісны собранной. Дыр сёрнитöм бöрын колхозö гижисны кызь вит крестьянин, ставыс гöляджык олысьяс пиысь, кыз шулісны — беднякъяс, а середнякъяс мөвпалісны на — пырныö абу:

— Час, видзöдлам, кыз кутасны овны колхозын?

— Пырныд некор оз ло сёр...

Но лои ичöтик колхоз, колö бöрйыны председательöс. Кодöс?

— Мининöс! — горзісны выль колхозникъяс.

Гөлöсуйтісны. Ставыс кисö лэптісны, паныд абу.

Председательöн колхозын лои Минин Егор Иванович, и колхозлы ним пуктісны «Югид туй».

— Сетам кыв, мед сёрнитас выль председатель.

Егор сувтіс пызан дорö: кузь тушаа, паськыд пельпомъяса, сьöдіник юрсна:

— Но, дона ёртъяс, зөв ыджыд аттё тиянлы менö пыдди пуктöмсьыд да эскöмсьыд. Дерт, первой кадö мянлы лоö сьöкыд, ковмас ёна уджавны. Первой ковмас öтувтны скöt, уджалан инвентарь, чукöртны кöйдыс, медым кодзны. Воö тулыс. Район кöсийö отсавны кöйдысөн — асланым кö оз тырмы, кöсийö гожöмнас сетны трактор. Муяс ставыс лоö öтлаын, медбуръясыс. Кутам бура уджавны, кутам бура овны.

Сиктö воöм бöрас Егор регыд гöтрасис: вайис асланыс Ягдорысь Гришö Аннаöс — мича да уджач нывбабаöс.

— Радейта ме тэнö, Анна, ми бура кутам овны, — шульвліс Егор.

Во бöрын чужис налөн пи Илья, пöра муніс, мөдöд во вылас Анна бара кöсийс рöдитны мөд кага.

Колхозын удж муніс бура, середнякъяс унаөн пырисны колхозö, колхозлөн нин вöлі асланыс трактор, бур вöвъяс... И арнас воис бур урожай.

Егор организуйтіс колхозной партиячейка, том йöз пырисны комсомолö. Озыръяс заводитісны ёна мешайтны колхозлы, и, кызди и быдлаын, сэтшöм йöзсö семьянас выселитлісны Уралöдз. Но... врагъяс колины на. Öтчыд, арся пемыд войын, колхозлөн сотчис куим рыныш, сү тыра, кодöс асывнас вöлі кöсийöны вартны, да няньсö юклыны колхозникъяслы. Недель мысти арся

пемыд войын Егорлы лон мөд ыджыд шог... Анна гөтырыс лөсьөдчис чужтыны кага, кага некыдз эз чуж. Анна мучитчис. Фельдшер вөлі орчча сиктын... Арся пемыд войө Егор доддяліс вөв телегаө и гөнитіс орчча сиктө фельдшерла. Но кор воис фельдшер, Анна куйліс садьтөм, а дінас бөрдіс ичөтик ловъя кага — пи. Егор кага-сө босьтіс, мыськис-чышкаліс, тубыртіс рузумө, а кага пыр бөрдіс, корис сөйны. А Аннаөс фельдшер некыдз нин эз вермы спаситны — асьявыв гөтырыс куліс. Егор коли кык кагаөн, өтиыслы арөс, а мөдыс — пузчужөм.

«Кыдзи кута овны,— мөвпаліс Егор,— кык посни кагаөн, мед көть нин тайө ичөтыс кулі, а Анна мед жө эз жув. Но мый вөчан. Он тай веж...»

Рөдвуж и суседъяс, ставныс тшөктісны:

— Гөтрась Егорий, гөтрась, Егор дядь...

— Да, шуныд лөсьыд, а коді нө локтас кык посни кага дорас. Лөксө ог көсйы, а бурыс оз мун ме сайө жагаяс вөснаыс.

— Кывзы, Егорий,— Марья тьөт висьталө,— эм невеста орчча сиктын, зэв авъя ныв. Аннаөн жө шуөны. Олө зэв юысь батькөд, олөм ладыс сьлөн гортас абу, батыс пыр вина юө, косясьө. Корасьламө, гашкө, мунас.

И Егорий вайөдіс гортас выль гөтырөс — Аннаөс, ичөтик, косіник да томиник нывбабаөс. Овмөдчисны. Егор шульвліс:

— Мусаөй, дерт жө лоө сьөкыд, кык ичөт кага, но мый вөчан, колө овны. Ме ачым ставсө кута отсавны, кыдз позьө и кыдз верма.

Регыд мысти ичөт пыис кувсис, но во тыригкежлө Анна Егорлы чужтіс ичөтик ныв, овмөдчисны бура. Колхозын олөмныс бурмис, йөз уджалісны зіля. Воис ар, бур урожай, ставсө идралісны. Регыд кутісны трудо-день вылө юкны нянь, лөсьөдчисны отчөтнөй собраннө кежлө.

Кор Ягдор сиктысь выселитісны кулакъясөс и мөдөдісны Урал-заводө, кулак Максе Петыр аслас пияныслы мунігчөжыс долис да велөдіс пиянсө:

— Ме пөрысь нин, но тіяны, дона пиянө, колө сетны водзөс мянөс вөтлөмысь. Бөр на воланныд татчө коркө, арся пемыд войясө, да мынтад водзөс ставсьыс.

И вот, некымын во бөрын, самөй сійө кадас, кор колхоз «Югыд туй» 7 час рытын көсйис нуөдны школаын отчөтнөй собраннө, самөй сы кежлө Уралсянь воисны Максе Петырлөн кык пи мынтыны водзөс. Собраннө-

өдзис воддза войнас вок гусьон, дзебясигтыр, воиснь сиктө. Вөвліны налөн сиктын важ другъяс косясьысьяс да вина юьсьяс: Кузьма да Тима, збойөсь. Кык вок кык другөс юкталісны нин дзонь лун дай и рыт, и висьталісны, кутшөм делясөн воисны сиктө. Код юрөн кык друг көсьысисны отсавны вөчны кык воклы, мый найө тшөктасны. «Вины кө — вины, лыйны кө — льям, мый тшөктад, сійө и вөчам». Сёрнитчисны собранньо рытө вины куим мортөс: колхозса председатель Минин Егорөс, счетовод-комсорг Петров Иванөс и, ковмас кө, бухгалтер Епим дядьөс, коді вөлі инвалид, чотіс кокнас да гортас өтнас оліс.

Рытнас, мыйөн пемдыштны мөдіс, колхозникъяс кутісны локтавны собранньо вылө. А морт виысьяс лөсьөдісны асьыныс план: первой, мыйөн пемдас, бухгалтер Епим дядь аслас отчөтөн — папканас — кутас мунны собранньо вылө, сійөс керка пельөссянь кыйөдны-кутны, вомас сюявны тряпка, өдеялаөн быдмовтны и вайны Кузьма ордө. Кыдз шуисны, сідз и вөчисны. Регыд мысти и Епим дядь вөлі Кузьма ордын.

— Эн чужъясь... воим нин...— Кузьма пельпом вывьсыс швач шыбитіс джоджө өдеялөө гартөм бухгалтерөс.

— Ым-м-м,— ымзіс да чужъясис джоджын Епим дядь, ичөтик да косіник.

— Разьөй, вомсьыс тряпкасө перйөй,— тшөктісны вокъяс. Тима ноксис Епим дядькөд, разис өдеяласө, вомсьыс перйис тряпкасө, и чужъяліс Епимлы, медым эз ойзы да ымзы. А сөсся пуксьөдісны Епимөс пызан сайө, кисө мышкас көрталісны, а кокъяссө көрталісны пызан кокө.

— Но вот өні сёрнитыштам, Епим дядь,— шуис ыджыдджык вокыс — уралса гөсть.— Ті миянөс выселитід-вөтлінныд, а ми со бөр воим водзөс мынтыны. Ті миянөс — Урал-заводө, а ми тіянөс — мөдар югыдө мөдөдам. Тэно виччысьөны собранньо вылө отчөтөн? Ноно, вайлы мем отчөтсө.

Кузьма папкаысь перйис отчөт и мыччис сылы.

— Со тіян отчөтыд. Видзөдлөй,— и посни торйөдз косявліс колхозлысь отчөтсө.— Со... со... и тіянөс, колхозса юралысьясөс, тадз жө косявлам, и тіянысь немтор оз коль, и кок улын таялам.— Отчөтлысь посни торъяс шыбитіс джоджө и таяліс.

Епим дядь гөгөрвоис, кодъяс воөмаөсь и мый ськөд вөчасны, пукаліс чөв, юрсө лэдзөмөн, да пиньсө йирис.

— А ӱни колӱ вайӱдны татчӱ Егор Мининӱс, мед локтас отчӱтысла, а кыззи? Да вот тадз вӱчамӱ,— командуйтис ыджыд вок.— Кузьма, тӱ петав суседка ордад. Сийӱ кӱ эз на мун собраннӱӱ вылас, то висьталӱӱ сылы, мый, быттьӱ, Елим дядь, собрание вылӱ локтигмоз, пырӱма Кузьма ордӱ и висьмӱма, да оз вермы вайны отчӱтсӱ, мед председатель Минин волас Кузьма ордӱ отчӱтысла. И тан сылы лӱ пом.— Нокӱ, Кузьма, петав соседад.

Кор Кузьма петис суседка Марья ордӱ, сийӱ самӱӱ вӱли мӱдӱдчӱ мунны собрание вылӱ.

— Марья тьӱт,— шыасис Кузьма суседкаыслы,— ти собрание вылӱ мунанныд?

— Да,— вочавидзис Марья.

— Висьталӱӱ, мунанныд да, Мининлы — колхозса председательдыдлы,— мед волас пыр жӱ мянӱ. Бухгалтер Елим дядь мянӱ локтис да друг висьмис, собрание вылӱ мунны оз вермы, а отчӱтыс ас ордас, сьӱрас.

— Вай ме нуа,— шуис Марья.

— Оз, оз некодлы сет. Мед пӱ волас ачыс председателыс, и киас пӱ сета,— шуис Кузьма.

— Но ладнӱ, пыр жӱ муна висьтала,— шуис Марья.

Кузьма локтис гортас.

— Но кызз? Предыд воас и, гашкӱ, счетоводыс тшӱтш волас.

— А мянлы колӱ ӱдӱӱнджык гӱтӱвитчыны — воасны гӱстьяс... Зарадитисны кык ружье, лӱсьӱдӱсны коса гӱрбуш и финской пурт. Кильчӱ ӱдзӱсӱ лӱсьӱдӱсны крепыд иган. Вонгкежаныс кык вок петисны сарайӱ, ӱтиыс босьтис коса, мӱдыс — пурт. А Тима да Кузьма гӱтӱвитисны асьыныс ружьесӱ, гашкӱ, ковмас и лыйсьыны.

Марья воис собрание вылӱ, ывлаыс вӱли сап пемыд, буситис арся зӱр.

— Егор Иванович,— шыасис Марья,— тӱянӱс пыр жӱ корисны Кузьма ордӱ, бухгалтер Елим дядьыд пӱ сы ордын, локтӱма и висьмӱма, оз пӱ вермы локны собрание вылас, а отчетыс и документъясыс сьӱрас.

— Мыйла тӱ локтигмозыд эн вай?— юалис Егор Иванович.

— Да мед пӱ асьныд воланныд, колӱ пӱ и кывӱӱн ещӱ мыйкӱ висьтавыны,— вочавидзис Марья.

— Но ладнӱ. Иван!— горӱдӱс Егор счетоводӱс.— Ветлы Кузьма ордӱ отчӱтысла.

— Но, ветла,— сӱгласитчис Петров.

— Эны!— бӱр сувтӱдӱс счӱтоводӱс Минин.— Ветлам кыкӱн, керкаыс абу ылын. Но мем мыйкӱ подозритель-

нө, мыйла Епим муніс Кузьма ордө, сійө жө некор на ордө оз ветлыв. Тан мыйкө мөдтор....— И тадз, сёрнитіг-тыр, матыстчисны Кузьма керка дорө. Пырисны керкаө, пызан вылын öзійис керөсинөвөй лампа, пызан сайын пукаліс Епим. На керкаө пырөм бөрын сарайысь сразу лэччисны кык вок, крепыда игналісны кильчө öдзөс, пырисны керкаө. Ыджыдджык вокыслөн киас вөлі коса.

— Но, сюринныд ставныд?!— матыстчис косаөн пызан дорө.— Öнi öти макөн куимнанныдлөн юрныд гөгыльтчас джоджө.— И лэптис косасө. Егор Минин кучкис пызанвывса öзійысь лампаө, керкаын лон сап пемыд.

— Пышйöй! Коді верманныд, пышйöй,— горөдіс Минин, и ачыс уськөдчис паськыд лабич улө, мед не веськавны коса улө, и кыссис гөбөчө. Öшинь стеклө зильзельмуні, и öшинь пыр пемыдас чеччыштіс-воши Петров. Сы бөрся пемыдас лыйлісны ружьеысь Тима да Кузьма öшинь пыр. А кулак пиян öвтчисны пемыд керкаын косаөн да пуртөн, корсисны Мининөс да Епимөс.

Иван, керка сайясті дзебсясьөмөн, котөрөн, лолыс тырөма, воис собраннө вылө:

— Ёртъяс, кыланнуд лыйсьөм шы — тайö кулакъяс дзонь шайка Кузьма ордын. Ме öшинь пырыс чеччышті-пышйи, со коли ловъя, а сэтчө, надейнө виисны Мининөс и Епимөс... Мужикъяс, кодлөн мый эм, кутшөм öружие, вай мунамө Кузьма ордө, гашкө эз на вины кыкнансө...

Мужикъяс-колхозникъяс да том йөз, вооружитчөмаөсь, пыр жө чукөрмисны школа дорө и мунісны шайкалы паныд. Керка доръясті, сайласьөмөн мунісны Кузьма керка дорө. Заводитчис лыйсьөм: керкасянь лыйлісны, öшинь пыр... Дзонь час муніс чорыд кось, колхозник Степанлөн ранитчис киис, сылысь ружьесө босьтіс Иван. Керкасянь лыйсьөм кутіс шочджыка кывны. Кымынкө матыстчисны керка дорө, кильчөыс вөлі игана. А карта öдзөс вөлі осьса, некымын колхозник пырисны керкаө карта пыр. Керкаын, öшинь пырыс, лыйсис Тима, сійөс кватитісны мышсяныыс, ружьесө мырддисны. Биасисны да аддисны: джоджын ставыс вир, куйліс Кузьма — кулөма, пуля инмөма юрас. Пызан сайын көрталөмөн пукаліс кулөм бухгалтер — юрас керыштөмаөсь косаөн. Тималысь кияссө көрталісны-арестуйтісны.

— А көнөсь кык вокыс? Кытчө пышйисны?— тракийгыр юасис Тималысь счетовод Иван.

— Тю-тю... Найö пышйисны... Ылынөсь нин... Карта пыр пышйисны...

— А кӧні Минин Егор? Кӧні? Висьтась!

Егор петӧ гӧбӧчысь, ловъя и дзоньвидза:

— Ме со, ловъя, гӧбӧчас и спасайтчи, а эськӧ Епим моз кулӧма куйлі...

Вот татшӧм кось муніс Ягдор сиктын арся пемыд войӧ. Кык морт кулі, куим морт — колхозникъяс — ранитчӧмаӧсь. Тимаӧс арестуйтісны, а сэсся судитісны дас во кезлӧ. Шайкалӧн отсасъясъяс колины на сиктӧ: Егорӧс унаысь на кыйӧдлісны, ветлӧдльвлісны керка гӧгӧрыс ружьеа йӧз. Егор Минин вӧлі повтӧм революционер-коммунист, парторг, колхозса председатель. А врагъяс, кызд вермисны, торкалісны сылы, и пыр грӧзитчисны вины. Но Минин уджаліс, бурмис да быдмис и колхоз. Ставыс вӧлі бур и тырмымӧн некымын во.

Война

Но вот лои война. 1941 вося июнь 22 лунӧ Гитлер-фашист война объявиттӧг уськӧдчис Сӧветскӧй Союз вылӧ, а кор нин босьтіс Украинаысь уна кар, вӧлись объявитіс война. Пыр жӧ заводитчис мобилизация. Фронт вылӧ нуисны став томджык мужичӧй-колхозникъясӧс, том йӧзӧс, нуалісны и нывъясӧс. Сідзжӧ нуисны колхозысь дас вит медбур вӧв. Минин Егорлы нин вӧлі ветымын арӧс сайӧ, колхозса председателътӧ эз нуны. Война воясӧ олӧм лои сьӧкыд, уджалысьяс эз вӧвны. Нывбабаяс да челядь тшыгӧн сорӧн уджалісны муяс да видзьяс вылын, водз асывсянь да сӧр рытӧдз. Районсянь воис приказ: мӧдӧдны нянь фронт вылӧ колхоз нимсянь, а колхозын лишнӧй нянь эз вӧв, йӧз тшыгъялісны, и Егорлӧн семья тшыгъяліс. Анна гӧтырыс частӧ кутіс висьӧдчыны: гортын сӧян эз вӧв. Егор дас вит арӧса Илья писӧ шуис мӧдӧдны карӧ, ремесленнӧй училищеӧ, сәні, велӧдчысьясӧс вердісны-юкталісны. Колхозысь сэтчӧ мунісны кык зонка. Недель мысти Егор аддзис сійӧ зонкасӧ, коді мунліс пыскӧд карӧ велӧдчыны, да кутіс юасыны:

— Мыйла бӧр воин? Кӧні Илья?

— Миянӧс училищеӧ эз босьтны, наборыс тырӧма. Ме бӧр гортӧ локті, а Илья кольччис карӧ: ме пӧ кытчӧкӧ пыра удж вылӧ, корся пӧ аслым кынӧмпӧт и кольччис. Менӧ колльӧдіс пристаньӧдз. Но Илья сідз эз и во гортас, ни тӧлысь мысти, ни во мысти. И некутшӧм юӧр.

Егор ачыс ветліс карё корсьны писё, но кысь корсян... быттьо ваё вöйи, некод оз тöд, некод абу аддзылöма ни кывлöма. Сідзи и воши Егорлөн Илья пиыс.

Петров Иван

«Югид туй» колхозын бухгалтер Епимöс виöм бöрын бухгалтерөн лои Петров Иван, налөн нин быдмис кык ныв. Ягдор сиктын жö олісны Кузьмалөн кык вок, и найö пыр лöгалісны Петров вылö, и код юрөн кутчысь-лывлісны спорö:

— Тэ виин миянлысь Кузьма воксö,— и грöзитчисны.— Но тэныд — сійö жö туй. Помнитлы...

Петровлы воис повестка районсянь, корöны отчётөн, а сэсся делöяс сдایتны и мунны фронт вылö. И Иван мöдöдчис районö. Вöлі арся пемыд вой, кор сувтлö вöлі пароход берег дорö и босьтö йöзöс. Берег дорын пристань эз вöв. Пароход виччысьсысьяс пукалісны зэр улын, берегын, но вöлі зэв кодзыд и, мед не изöймитны, пароход виччысьсысьяс ветлöдлісны берег пöлöныс. Кузьмалөн кык вок мöдöд вой нин виччысьöны Петровöс, кор кывлісны, мый Петров кутас мунны районö и кутас виччысьны берег дорын пароход. Найö пыр кыйöдісны Мининöс да Петровöс, мед мынтыны водзöс, но öнöдз на ладыс эз лöсяв. Öні найö быттьо зэрысь да кодзыд тöлысь тупкöмабсь шарпөн чужöмнысö, мед найöс эз тöдны и, быттьо, виччысьöны пароходлысь воём. Петров эз куж мöвпыштны, ни эз тöд, кутшöм кык морт ветлöдлісны берег пöлөн тупкөм чужöмөн. Иван öзтіс чигарка и берег пöлөн вөрлань надзöник довзöдіс куритчигмоз. И друг кыліс бөрсьыс локтысьясöс, бергöдчис и цап...— друг, нем виччысьтөг юр вылас шыбитісны пальто, уськөдісны лыа берег вылö и вомас сюялісны тряпкаяс, мед эз горзы. Көть кыз эз чужъясь, кыкнад кöртавлісны Петровлысь ки-коксö, дасьтөм гез помъясөн. Пароход виччысьсысьяс ещö вöліны морт-мöд, но найö, пемыд вöснаыс, немтор эз и аддзывны.

— Но вот и сюрин! Ми дыр нин тэнö кыйöдім! Уна во чöж...— И чужъялісны сапöга кокнас Иванлы кытчöсюрö, юрас и чужöмас.

— Öні тэнö ми мöдöдам миян Кузьма вок дорö — мöдар югидö. Тэ сійöс виин, тэ лыйин... Висьтав вокнымлы, мый водзöс мынтім. Вот кыскам ылöджык, катам

вõрас и сюям сэтчõ, и некод некор оз тõдны кут, кытчõ воши Петров Иван, мед корсьõны, мед виччысьõны... Свидетель абу, некод эз аддзыв. Арся пемыд войыс мянõс дзедис, а тайõ гырысь пожõмьясыс оз кужны сёрнитныс, кõtь и аддзыласны.— И кыскисны кык вок кõртавлõм Петровõс эз лыа вывтõыс, а ляпкыд ваõдыс, мед эз коль налõн кок туйыс. Ывлаыс пемыд, зэрõ, сõмын кылис гырысь пожõмьяслõн шувгõм шы, да Эжвалõн гыясыс швачкисны берегõ.

— Но вот и воим... Кõни мян кодйõм гуным? Вай сюям ыджыд пожõм вуж улас — гуас...— А асланыс киясыс дрõжжитисны, то ли полõмнысла, то ли кыммõмнысла.

— Кõн пуртыс,— юалис ыджыд вокыс,— гуас лэдзтõдз сутшкы веськыда сьõлõмас, мед вирыс лэччас гуас, и шыбитам сэтчõ.

— Ме ог лысьт,— дрõжжитис нчõтджык вокыс.

— Но и трус. Вайлы мем пуртсõ,— босьтис веськыд киас пурт, шуйганас кыскис Петровõс. Иванлõн синмыс югьялис пемыдас, чужьясис, медбõрьяысь сьõлõмыс тиралис морõс пыткас, и думайтис: «Вот кызд лоõ кувны... Сволочьяс, морт виысьяс...»— И друг став тушаыс дрõгмуні, кор кузь пурт пырис веськыда сьõлõмас и сразу, сыркмунигмозыс, увлань юрõн шыбитисны кык вок Петровлысь шойсõ джуджыд гуõ. А сэссея тэрыба заводитисны тыртны гусõ, тыртõм бõрас, мед эз тõдчы местаыс, шыблалисны лыс рос Петров гу вылõ.

Минин виччысис Петровõс районысь, гõтырыс кык челядьõн виччысисны верõсыслысь воõмсõ гортас. Но сідз Петров и воши, некод абу аддзылõма ни кывлõма, и некод оз тõд, кытчõ воши колхозса бухгалтер, муніс и воши. Минин тõдмаліс, районõ воліс эз. Районõ абу волõма. «Сідзкõ, сійõс виисны кулацкõй врагьяс, кодьяс пыр на мешайтисны колхозьяслы. Егорлõн гõтырыс Анна висьмис ёнджыка, сылы колõ спокойнõй олõм, бур сёян-юан, а кысь сійõ? Война... Став йõзыс тшыгьялисны, некор пõtмõн эз сёйлыны Анна ни кык нывкаыс и быдмисны õдва ловьяõсь. Колхозлõн эмышт сю, но тшõктõны сдایتны ставнас поставкаõ, верман кõtь он, эм кõtь абу, õти килограмм он лысьт сетны некодлы. Мян районын райком партияс пукалõ вõвлõм белогвардеец, революционер-коммунистьясõс виõдалõ, а колхозын уджалысьяссõ тшыгла виõ. Тõдіс кõ эськõ та йылысь Сталин, эг жõ тадз олõ, но врагьяс суйсисны

руководительясö и вредитöны». Унаысь тадз шульвліс аслыс и ёртъясыслы Егор Минин.

Гортас нин Мининлөн куим лун нянь крöшки абу, гöтырыс вот-вот кулö. Егор муніс складö, корис кладо-
вщицалысь öти кило сю, быдмовтіс чышъянö.

— Тайöн көть Аннаöс вердышта, изышта да рок пуа. Туй вылын Егорöс паныдалісны куим нывбаба, ставныс тшыгöсь и челядьныс гортас тшыгöсь.

— Мый тан, чышъянас, сю? Сю аслыс нуö. А ми... Ми тшыгла долженöсь кувны?

— Менам гöтырöй кулö... Анна кулö...

— А ми огö кулö!— горзісны бабаяс.

— Но, на, босьтöй.— И сетіс Егор асьыс ёкмыльсö бабаяслы, тшыгъялысь колхозницаяслы. Кор воис гортас, Анна нин кывтöм, войнас и кулі. Егор бара коли кык ичöt нылөн. Нывкаяс бöрдісны мамыс горт дорын, и Егор бöрдіс: «Анна, тэ мунін лёк олөмсьыс, миян дорысь, спокойнöя узь, ми кызкö тані бара, көть лёка, но колö овны, нывкаястö колö быдтыны. Быдмасны да, гашкö, оз ми моз кутны овны, а бурджыка, миян дорысь. А коркö, гашкö, и казтыштласны, помнитны кө кутасны».

Посни челядь дорö Егор бара на вайöдліс челядя дöваöс гöтыр пыдди. Гашкö, бурджык лоö челядьöйлы. Но выль гöтыр кедзовтіс Егорлысь нывкаясöс, кор Егор эз вöв гортас, эз и вердлыв найöс, пыр вöліны тшыгöсь и бöрдісны. Егор гöтырсö бөр ыстіс. Асьным нин кызкö олам...

Воны кутіс ар. Колхозын лоис бур урожай, но идралысьяс эз вöвны, вермана йöз вöліны ставныс война вылынöсь. А кодъяс вöліны сиктынöсь — пöрысьяс, бабаяс да челядь,— и найö öдва ветлісны, слабджыкъяс мунігкостіыс усьліны му вылö и куліны, татшöм йöзөн колö уберитны воём нянь. «Мый вöчны?»— мөвпаліс колхозса председатель Минин. Юасис районысь, неунаөн көть сетыштавны выль воём нянь, мед вермисны идравны урожай.

Но воис öтвет. Первой пö колö мынтыны нянь поставка выль воём урожайысь. Ни öти кило оз позь сетны колхозникъяслы.

Кык лун нин му вылö оз пет ни öти морт, ставныс вöліны тшыгöсь, а нянь вөлöма му вылын. Минин Егор эз тöд, мый вöчны. Воём урожай он кө уберит — судитасны. Колхозса уджалысьяслы сетышта нянь — судитасны. И решитчис Минин: войын склад дорын колхоз-

никъяслы сеталис өти килоон уль сю, быдөн кёсийсны войнас косътыштны уль сю, изны, пуны рок, либө пöжавны лепёшки и асывнас петны идравны урожай. Но кулацкөй врагъяс век на вöліны Ягдор сиктын, найö дыр нин кыйöдісны, мед мыйкө лёк вöчны Мининлы, и найö войнас жö мөдөдісны районö мортöс, мый колхозса председатель Минин нарушитіс приказ и сеталис войын гусьөн колхозникъяслы нянь. А райкомса юралысь — вöвлөм белöй офицер, кулак пи — Сöветскöй властылы враг. Тайö унаөс нин пöгубитіс, кодъяс ставынсö сетлісны колхозöс ёнмөдны. Сійö пыр жö районсянь мөдөдіс кык милиционерöс, медым арестуйтісны колхозса председатель Мининöс, кызди закон торкалысьöс, и тшөктіс вöчны примернöй суд. Кор колхозын уджалысьяслы сеталисны войын выль воөм сю, кöзъякаяс некод войсö эз узь, косътісны уль сю, изісны асланыс вöчөм изкиөн, пöжалісны, коді кызди кужис, содталісны, кодлөн вöлі картупель, коді турун пызь, мед унджык лоас, а мукөдъяс пунсны пызя рок, сёйисны и петісны водз асывсянь колхознöй муяс вылө чарлаясөн вундыны выль воөм нянь.

Луныс лои зэв мича, августовскöй шонді петіс асъя кыа улысь и кыпөдчис енэж шөрлань, шонтіс ставнас мусö и воысь няньсö, быттьö радліс тшөтш, мый талун сёйыштөмөн нывбабаяс петісны вундыны. Егор ачыс талун эз на сёйлы, вайис жö эськө өти кило уль сю да тшөктіс нывкаяслы мыйкө пöжыштны да сёйны. А ачыс шондікөд тшөтш петіс колхознöй муяс кытшовтны да любуйтчис воөм урожайнас. А кор кутісны колхозницаяс чарлаясөн локтавны вундыны му вылө, Егорлы лои сэтшөм рад, быттьö эз мун му боръясті, а быттьö бордъясөн лэбис да радліс... Оз кувны йöзыс тшыгла, урожай воис бур. Идралам ставсö, государстволы став поставкасö мынтам, трудоденьяс вылө юклам, и сэтшөм вөлі любö... И друг адзис сю борйөд Егорлань матыстчысь кык милицейскöй паськөма мортöс. Егорлөн сьөлөмыс ёкмуні, син водзис быттьö пемдыліс и син увсыс вошліны сыланьö локтысь кык морт.

— Мый тайö? Збыль өд кык милиционер?.. Мела локтöны, да, көнешнö, мела локтöны. Ме мыжа... Ме вöчи ыджыд мыж. Спаситі йөзöс тшыг кулөмысь, сеталі өти килоон уль сю. А врагъяс удитөмаөсь нин юөртны районөдз.

Кык милиционер воисны Минин дорö. Егор ыджыд кинас шамраліс воөм нянь шеп.

— Ми локтiм тэла. Тi Егор Мининыс?— шыасис милиционер.

— Да, ме. А мый тiянлы колö?— воча юалис Минин.

— Вот приказ, тiянöс арестуйтöм вылö.

— Мыйысь?.. Кутшöм мыжысь?.. Ме некор некодöс эг öбöдитлы, ни лёктор некодлы эг вöчлы. Немтор эг гуся, некодöс эг ви...

— Ми немтор огö тöдö, ми подчиняйтчам начальство-лы.

И ыджыд шагөн Егор кык милиционер костын вось-лалiс сиктлань. Весиг гортас пыравны эз лэдзлыны — ну-сны пыр жö арестөн районöдз.

Тöлысь мысти Егорöс конвойөн вайöдисны асланыс Ягдор сиктö суд вылö. Суд судитiс кык во пукавны тюрьмаын, кызд законлы не подчиняйтчысьöс. Конвой-лысь Егор корис медбөрря корöм: узыны медбөрряысь аслас посни нывкаясыскöд öтилаын — гортын. Егорлөн сьöлöмыс пуис, сэтшöм вöлины жальöсь сирöта челядь-ыс.— «Мый лö тiянкöд? Аддзыла-ö ме коркö ассым челядьöс? Вола-ö бөр гортö?» Конвой эз лэдз Егорöс гортас, но челядьсö тшöктiсны лэдзны батыс дiнö вой-быд кежлö колхоз правлениеö, көн мунiс судыс. Сэн, конвой сайын, оліс Егор дзонь арся пемыд вой аслас до-на нывъясыскöд — дитяясыскöд. Пуксьöдiс аслас джу-джыд пидзöс вылö кыкнан нывкасö, найö вöлины жебы-никöсь-омöликöсь. Да первой дыркодь ставныс öтлаын бөрдiсны.

— Дона челядьöй менам, вайö сэсся огö бөрдöй, ланьтыштöй нин, дугдöй.— А ачыс малалiс ыджыд ки-нас нывкаяслысь юрсö:— Дона дитяясöй, тöдöй, ме нем-торйөн абу мыжа, ме вöчи сöмын йöзыслы бур, сетавны тшöктi килоөн нянь и вот... Ме бөр воа, виччысьöй менö, бөр локта... Олöй бура, быдмöй, крепитчöй, мунöй кык-нанныд детдомö, сэн, гашкö, онö кулö, гортын куланныд тшыгла...— И дыр сёрнитöм бöрын нывкаяс унмовсисны батыс сывтырйö и войбыд узисны батыс пидзöс вылын, а ачыс, Егор, синсö эз куньлы, видзöдiс и малалiс, кут-лiс да окалiс узысь нывкаясöс, и сьöлöм потмöныс вö-лины жальöсь аслас челядьыс. Асывнас Егорöс нуисны. А нывкаясöс сельсöвет мөдöдiс детдомö. Война пыр на мунiс, и тюрьмаын олöмыс вöлі вывтi омöль. И Егор Ми-нин эз и во бөрсö гортас, сэтчö тюрьмаас и куліс. А ичöt нывкаяс пыр виччысисны и виччысисны батысö гортö, а батыс эз и во.

ВАЛЕНТИНА

Висьт

Валентина аслас мам-батькөд да ичөтджык чой Нинакөд олісны сиктын. Велөдчис нин 8-өд классын, лоис невеста кодь, кузь тушаа, батыс моз кудриа сьөдіник юрсиа, сьөд синъяса, раминик да бур нывка, и велөдчис школаын бура, горт гөгөр бать-мамлы быдтор отсасис. А сиктса том зонъяслөн уналөн вежныс петліс мича да авья ныв вылө. Валентина бөрся важөн нин ухаживайтис Вася, коді небылын оліс бать-мамыскөд и тожө велөдчис 8-өд классын. Ичөтдырсянь өтлаын моз быдмисны-ворсисны, школаө котралісны. Отчyd гожеся рытын, сикт кузя гулайтыштөм бөрын, Вася колльөдіс Валентинаөс кильчө дорөдзис и янсөдчигөн окыштіс нывлысь банбоксө, а кильчө дорын вөлі Нина чойыс и аддзыліс.

— Валя, тэ окасн, ме аддзылі... Висьтала мамыдлы, зонкөд окасян.

— Но... он жө өд, Нина, висьтав, мамыд сэсся менө видас, и рытъясын оз кут лэдзны. Он висьтав?— корис Валя.

— Но, ладнө,— шуис чойыс,— ог висьтав. А мөдыськө аддза и висьтала...

Помалісны сиктса школа, Валентина муніс карө, велөдчыны пырис медучилищеө.

А Васяөс нуисны армияө — служитны. Валентина виччысис Васяөс, найө өта-мөдыслы частө гижисны письмөяс и көсйисны лоны вернойөн мөда-мөдыслы.

Өдйө колисны вояс. Вася воис армияысь, и Валентина помаліс медучилище. Бөр өтлаынөсь и радейтөны мөда-мөдеө. Отчyd рытын шуө Валентина:

— Вася, менө ыстөны уджавны больницаө мөд сиктө, а сиктыс Эжва ю сайын. Ми кутам аддзысьлыны сөмын шойччан лунъясө...

— Нинөм, Валюша, регыд ми сөвсем өтлаын лоам. Вот ме помала курсьяс, лоа шофёрөн, тэ — фельдшерика. Овмөдчам сэтчө, көн кыкнаннымлы лоө уджыс өтлаын.— Кутыштіс Вася нылөс и окыштіс.

— Регыд, донай, ми лоам өтлаынөсь.

Воны кутіс тулыс, локтө Май празник. Валентина мукөд лунъясө уджаліс кык сменаөн, медым празник лунъясө дырджык овны гортын, мунны рөднөй сиктө. Удж вылын шуисны:

— Валентина, 1-й майтö верман кунм лун празднуйтны, верман ветлыны гортад.

— Аттьö тiянылы бур вöчöмсьыныд,— радліс ныв. Вöлі апрельлөн медбөръя лун, аски 1-й май.

А Эжва юыс! Кыптöма йныс, лöзöдöма, ратшкакылöчегъясьö, вот-вот вөрзяс да кутас кылавны. Ю вомөн коймöд лун нин некод эз вуджавлы. Валентина дыр сулаліс Эжва берег дорын, көсийс вуджны да эз лысьт, полö...

— Энлы, ме телефон пыр звöнитла ас сиктö Васялы, мед волас ю мöдарас, или менö мед вуджöдас.

Мöвпыштіс — вöчис. Котöртіс телефон дорö, звöнитіс да корис телефон дорö Васяöс. Регыд мысти кыліс зонлөн тöдса гөлöс.

— Ало, коді корö! Ало!

— Ме, ме тайö,— радліс Валя.— Вася, ме кунм лун ог кут уджавны, көсья волыны гортö. Но самöй йныс вөрзыны көсийö, и вуджнысьö Эжва юсö ог лысьт, пола. Волы ю дорас, вуджöд менö, ёна кора. Волы...

— Валентина, донаöй, мый нö тэ лоин, юсö жö коймöд лун некод оз вуджав. Вöян. Кыкнанным вöям. Сэн празднуйт, воссяс юыс да волан унаысь на. Унаысь на ми тэкöд, донаöй, öтлаын лоам. Эн дур. Юртö эн суй.— Тайö кывъяс бöрын ныв скöрысь зэв трубкасьö пунктіс и бöрдзис:

— Трус! Повзис вöйöмысь. Эз лок да оз и радейт менö. А сэсся дыр пукаліс телефон дорын да мöвпаліс:

— Звöнита Сандрöлы, сійö локтас и вуджöдас, сійö радейтö менö, тövбыд нин вöтлысис ме бöрысь. Ме пöлюбита тэнö... Сандрö на сиктысь зэв збой зон, уджалö колхозын.

И звöнитіс Валентина Сандрöлы.

— Саша, ме көсья волыны гортö, да ог лысьт Эжва юсö вуджны öтнам. Волы мела берег дорас. Вуджöд.

— Виччысь, виччысь, донаöй, ме пырысь-пыр воа тэ дорö. Ура! Локта!

Недыр мысти Эжва берег йывсянь Валентина аддзис: Сандрö котөрöн локтö береглань. Сійö вуджис ю вомөн, көн сулаліс, кыт котöртіс, кыті чеччаліс...

— Лок öдйöнджык, йныс потласьöма нин, мед уди-там вөрзытöдзис воны мöдар берегас.

Сандрö кутіс Валентинаöс киöдыс да кутчысьöмөн найö кутісны вуджны, йныс лайкъяліс, потласис, вот-вот кыкнанныс вöясны йи пöвстас. Валя лолавнысьö поліс, дрöжжитіс, и берег дорын нин чеччалісны йи

пластьяс вылысь мөдө. Но вот и воисны. А сэсса бытбө ловзис йныс — потласис, и ыджыд зыкөн кутіс кывтны.

— Вот и эгө вөйө, воим,— радліс ныв и эз төд, бөрдны колө или серавны.

Валентина кум лун вөлі гортас, и ытъясын пыр вөліны өтлаынөсь Сандрөкөд. Вася унаысь көсйис матыстчывны — сёрнитны нывкөд. Но Валя быд раз пыркнитчыліс, тракнитчас и пышъяс, дажө эз и көсйы сёрнитны Васякөд. Та бөрын регыд Сандрө и Валентина гөтрасисны-свадьбуйтисны. Вася переживайтіс, инас эз өшйы:

— Кыдз тайө артмис, мыйла Валентина вөчис тадз, муніс мөд сайө верөс сайө. Став олөмөс торкис, сьөлөмөс менсьым орөдіс. Ме жө сійөс радейтілі сьөлөмсян.

Верөс сайө мунөм бөрын Валентина кутіс овны Сандрөкөд асланыс сиктын да уджавны кутіс матынджык — больницаыс вөлі кык километра сайын. Но Валентина регыд гөгөрвоис, мый Сандрө зэв омөль морт, частө юис, быдөнкөд ревнуйтіс, зыргис и косясис нинөм абуысь. Валентина войясын гусьөн өтнас бөрдліс, мый олөмыс лөк лои, жалитліс Васяөс, асьсө мыжаліс...

— Ачым ставсьыс ме мыжа, мыйла тадзи вөчи. Ме тайө Сандрөсө ог радейт, синмөн видзөдны ог вермы. Ме радейтілі и радейта толькө Васяөс.

Өтчыд магазин дорын луннас паныдасисны Валентина и Вася, недыр и сёрнитисны, йөз висьталөмаөсь Сандрөлы и сійө жө ытгнас лөк морт дурмис, юис да кутіс косясьны. Валентиналы ковмис гортсьыс пышйыны да йөзын узыны. Тайөс кывліс Вася и локтіс Валентина мам дорө.

— Ивановна, ме кывлі, Валентинатө пө Сандрөыс бара нин нөйтөма. Ме сиктсьыс муна сөвсем, кытчө син видзөдас. Но, Ивановна, разрешит мем тіянөс нэм чөж шуны тьөщаөн, көть Валентина эз ло гөтырөн, но ме некодөс нин сэсса ог вермы радейтны сідз, кыдз сійөс ме радейті, ме некор ог гөтрась, Валя кө эз ло менам.

И Вася муніс сиктсьыс дзыкөдз...

Но Сандрө бара на вежөгтіс и косясис. Өтчыд косясьөм бөрын Валя пышйис гортсьыс и көсйис пырны ваө. Лэччис ю дорө, пемдө нин, некод абу некөн. Дыр пукаліс крут берег дорын да бөрдіс...

— Көн тэ, Вася, донаөй менам?— И чеччыштис визув көдзыд ваө. Но эз вөйтчы, бөр варччис берегас.

— А, гашкө, Васякөд коркө аддзысьла на, кувныд пыр на вевъяла... Менө кө эськө кылісны, ме эськө став

йöзыслы висьталі, мед оз некод ме моз вöч, мед мунасны да гöтрасясны том йöз, кодöс радейтöны. Ок кутшöм сьöкыд радейттöгыд лёк мортыдкöд овны.

Вöлі вöскресенньö лун, Валентиналы асывсяньыс колö вöлі мунны больницаö дежурство вылö, сійö гусьöник пасьтасис.

— Тэ кытчö?— лёкысь равöстис Сандрö.

— Мем талун дежуритны больницаын черöд.

— Некытчö он мун!

— Кыдзи ог мун, мем быть колö.

— А мем гажтöм öтнамлы. Он мун и всё!

Валентина петис нин, Сандрö вöтöдис сійöс кильчö дорын и чашнитис-мырддис пальтосö. Валентина пышйис пальтотöгыс, но Сандрö бара вöтöдис, косявлис гöтыр вывсьыс платьöсö, кучкаліс кытчöсюрö. Валентина воис удж вылас бöрдöмön, ставыс вир, улыс дөрöма, орласьöм платьöсö кутис киас и бöрдис.

Удж вылас лунтыр мөвпаліс: «муна, муна тайö зверь дорсьыс, сөвсем муна, водзö ог вермы терпитны. Қайла карö, сэн жö менам тётя олö, двоюродной чой-вокъяс эмöсь. Корся удж и сэнi кута овны». Валентина мөд луннас жö воис карö тётя ордас, бöрдигтыр висьтавлис ас-лас олөм йывсьыс.

— Тырмас тадз овны,— шуисны став рöдвужыс.— Овмөдчан карö, оланін уналөн эм, көн көсьян, сэнi и ов, а уджыд сюрас, талун жö корсь. Ветлы гортад, көлуйтö мамыд ордö ну, чемоданö ассьыд новлан көлуй и татчö,— стрöга шуис тётя.— Тадзи олан... Торйöдчы — абу первой тэ, ни абу медбөръя, мыйта торйöдчöны.

Влентина сетис кыв локны карö. Корсис удж и гортас мунис көлуйла. Но... Валентина пыдди воис юөр: «Валентина кулі. Локтöй гуалөм вылö».

И вот Валентина абу... ставөн бöрдисны-жалитисны... Сентябрь кызьöд лунö дзебны шуисны. Асывсянь киссис арся зэр. Воис машина, медым гортсö нуны кладбище вылö. Мыйөн Валентиналысь гортсö петкөдисны машина вылö, зэр дугдис и петис шонді. Сиктсьыс став йöзыс — кодi вермис — петис колльöдны Валентинаöс медбөръя туйö. Шондіалис, йöз бöрдисны и прöщайтчисны, а мыйөн лэдзисны гуас да тыртисны, кутис локны кымөр, гожся моз гымалөмön. Йöз эз удитны мунавны гортаныс, зэрмис, ведра дорысь моз кисьтис, став йöзсö көтöдис.

Мөд луннас Валентина мамлы висьталіс соседыс.

— Ивановна, тiян понийд кладбище вылын омлялӧ и кодйӧ лапаяснас Валентиналысь гусӧ.

— Ой, ой, дитятӧ менсьым понийд жалитӧ, сийӧ вӧд нутӧдзыс горт улас пыр куйлис, тӧдтӧмджык йӧзсӧ вӧли горт дорас оз сибӧд — эргӧ... Со и гуалӧмтӧ приметитӧма — видзӧдӧма, кытчӧ дзекисны, да бӧр кӧсийӧ лӧптыны сӧтысь. Сийӧ вӧд, миян Альмаыд, зӧв ӧна лӧсявлисны Валентинакӧд, пыр ӧтлаын ветлисны и удж вылас колльӧдлис.

Кор Валентиналӧн мамыс воис кладбище вылӧ, Альма пон вӧли гу вылас омлялӧ и мусӧ гу вывсьыс парсалӧ, а синваыс понйыслӧн бан кузяыс лӧтчӧ. А кор аддзис кӧзьяйкасӧ, зӧв дыр нораа никсис, а сӧсся ӧтлаын мунисны сиктӧ... Но сӧйыштӧм бӧрын пон бара мунис гу вылӧ и заводитис омлявны да кодйыны. Тадзи недель чӧж, и ковмис кӧзьяйкалы тшӧктыны соседсӧ лыйны понсӧ.

И Альмаӧс гуалисны матӧ Валентина гу дорӧ.

ВАЛЕНТИНА ГУ ВЫЛЫН БӐРДӐМ

Мича и нимыд, ас кодъыд.

Валюша, Валя, Валентина.

А тушаыд, модаыд, статьяд —

Кыз шуласны, быттӧ павлина.

Кудритчӧм юрсныд батыд моз,

Лада да тшӧкыд и мича.

Сьӧдиник синъясыд меліӧсь,

А чужӧмыд йӧзсьыс на мича.

Сӧрнитны йӧзкӧд тӧ кужлин,

Тӧлкыд и сямлуныд тырмылис дыр.

Йӧзлы тӧ бур вӧчны вермин:

Уджтӧ ӧд сьӧлӧмсянь вӧчлывлін пыр.

Уналысь сьӧлӧмсӧ мичлуннад вӧрзӧдлин,

Радейтны тӧнӧ быдӧн вӧли рад.

Мукӧдлӧн тӧ вӧсна олӧмыс торксис,

Код эз куж донъявны олӧмлысь лад.

Ми мӧвпалам, тӧ радейтны кужлин,

Радейтин ас ногыд, и сетин тӧ дон,

Кор йи вывтӧ, ва вомӧн, киӧдыд кутӧмӧн,

Вуджӧдис мӧдарас тӧнӧ том зон.

Тӧ радейтӧм венин, тӧ олӧмтӧ сетин,

Бур вӧчӧмысь тӧ мынтин дон.

Радейтин ӧтиӧс, а олин тӧ мӧдкӧд,

А олӧмыс лоис, кыз олӧ лӧк пон.

Олөмтө, гажлунтө тэ эн и аддзыв.
Син дорыд бөрдөмла пыр вөлі гөрд.
Өтнадөн войясын пышйин да дзебсясин,
А йөз дорын некор эн бөрд.
Кор юрад тэн лёк мөвпыс пырис,
Колі вөтлыны сійос сэк бөр.
Мыйла нө шогтө тэ йөзлы эн висьтавлы?
Мыйла нө кодлыськө совет эн кор.

Тэ вөсна медьёна шогсис да бөрдис,
Чужтіс да быдтіс и велөдіс код.
Мыйла нө, Валя тэ, ас дона мамыдкөд
Аслад сьөлөмысь шогтө эн юк.

Мыйла нө мөд ногөн овны эн сяммы,
Мыйла нө олөмтө мөд ног эн веж.
Мыйла лёк мортсьыс эн вермы мынны,
Мыйла нө лёк туйсьыс мөдө эн кеж?
Тэ вөсна пөрысь мам дугдывтөг бөрдө.
Чойыдлөн дум вывсьыс некор он вун.
Став рөдвужыд, төдсаыд жалитө,
Көть ылө, көть матө оз мун.

Олөмнад, томлуннад радлыны колө,
Му вылас сы мында олө бур йөз.
Шондіыс радлө и ломалө-өзйө,
Енэжыс мича да лөз.

Эз өмөй жаль ло тэн свет вывсө кольны —
Олөмыд өтчыд, бур ныв.
Эн өмөй вермө ті йөз ногөн овны,
Өта-мөдыдлы шуны бур кыв.

Нинөмөн, донаөй, эн вөв тэ мыжа,
Кольөдны петіс быд морт.
Медбөрья туйтө, кор му вывті нуисны,
Став йөзыс бөрдис, кор аддзисны горт.
Енэжыс донъяліс тэнсьыд бурлунтө,
Дугдыліс арся крут зэр.
Шондіыс югдөдіс сэк тэнсьыд туйтө,
Медбөрьяысь югөрсө петкөдліс тэд.

Узь жө тэ долыда, узь, дона нылөй!
Миян тэ некор он вун.
Кор олөмыд помасис, сьөлөмыд сувтіс,
Ми ог вунөдөй сентябрь 17-өд лун.

НАЧАЛЬНИК-БЮРОКРАТ

Висьт

Вера Павловналөн нылыс да пиыс быдмисны, помалісны сиктса восьмилетнѳой школа. Челядьлөн мамыс и батыс мѳвпалісны сідз, медым налөн челядьыс водзѳ велѳдчисны, мый колѳ найѳс мѳдѳдны велѳдчыны карѳ, мунны мам-бать дорысь.

Вера Павловна верѳсыскѳд дыр мѳвпалісны, мый вѳчны, медым челядь век вѳліны накѳд ѳтилаын и шуисны: став семьяѳн овмѳдчыны карѳ. Қарын батылы регыд «юрис шофѳрлѳн места, а Вера Павловна сиктын пыр велѳдіс школаын, а карын учителяслы места эз вѳв, быд школаын тырмымѳн велѳдысьяс эмѳсь. Нылыс эк-заменяс сдایتіс медучилищеѳ, пиыс пырис 9-ѳд клас-сѳ. И Вера Павловна кутіс корсьны аслыс удж места.

Ветла чѳй дорѳ, сійѳ уджавліс госстрахын, тѳдмала, кутшѳм сэн уджыс.— И муніс.

Чѳй висьталіс, мый уджавны позьѳ, аслад вѳля, кѳть рытын сѳрѳдз уджав, либѳ шѳйччан лунѳ, а он кѳ вевъяв, кѳть луннас гортад ов. Удж вылад эн ветлы... Сѳмын плантѳ тырт, кодѳс квартал кежлѳ сетѳны, и сѳѳмтѳ ас жадѳ сдایت. Госстрахад пѳ эм местаыс, босьтасны... Но, дона чѳйѳй, сэн начальныкыс зѳв вреднѳй, пыр ас ногыс вѳчѳ, кѳть и абу прав, агентъяссѳ ѳна нартитѳ, командуйтѳ. Выль уджалысьтѳ босьтас да сылы кыткѳ оз кѳ шогмы, кѳть и бура уджалѳ, удж вывсьыс вѳтлас дай, ачыс мѳвпыштас сы вылѳ кутшѳмкѳ мыж. Ми уджалігѳн ськѳд нѳѳти эгѳ лѳсялѳ. Ме вѳлі сійѳс частѳ критикуйта партсобрание вылын, пыр и волам спорѳ. А сѳся пенсия вылѳ петі да сы вѳсна жѳ дугді удж вывсьыс... Тырмас.

— Но, сідзкѳ абу бур начальник,— шуис Вера Павловна.

— Да, сійѳ начальник-бюрократ,— вочавидзис чѳйыс.

— Қызкѳ, гашкѳ, лѳсялам, ме кута бура уджавны, кывзысьны, планъяс тыртны.

— Но кывзы, Вера, тѳ эн висьтась, мый тѳ менам чѳй, а висьтасян кѳ — оз босьт.

Вера Павловна муніс госстрах начальник дорѳ. Сійѳ документъяс видлаліс и босьтіс удж вылѳ агентѳн, индіс участок, кѳн кутас уджавны, квартал кежлѳ сетісны план.

Вера Павловна съёләмсяньыс босьтчис уджō. Страхуйталіс аслас участокысь гортса овмōс, несчастнōй случайсь, котраліс учреждениеасті, кōні удж вывсянь мынтісны олōм страхуйтōмысь взносъяс. Ōти тōлысьōн нин плансō тыртіс кык тōлысь пыдди, съōм ас кадō сдайтō. Бытьō нин кутіс велавны вель уджō. Ōтчид начальник стрōга шуис: Иванова, пырав ме дорō.

Вера Павловна пырис полігтыр:

— Видза оланнуд, бур лун, Степан Иванович.

— Пуксы, — стрōга шуис веськōдлысь и заводитіс: — Ме вōд тiянос эг постоянно вълō примит, а временнō. Тi мыйла сэк эн висьталōй, мый тэ вōлōмыд Марья Павловналōн чой. Тэ, гашкō, чойыд кодъ жō... сійō тай вōлі быдлаō нырсō суйō-а, колō кōть оз, пыр правда корсьō.

— Чой эськō да, ме чой вōсна ог кыв кут. Ме ачым ас ног, уджала и ола... Ме жō съёләмсянь уджала, ōти тōлысьōн нин кык тōлысь пыдди уджсō вōчи.

— Но ладнō, толькō тōд, тэ временнōй... чуть кыт он бур вōч — марш! Вōтла.

Вера Павловна петіс начальник кабинетысь, чуть синваыс оз пет: — Висьталōма кодкō талы, мый Маша менам чой. Но виччысь, ме кута бура уджавны, планъяс тыртны, нинōмысь лō бōр ыстыны удж вылысь.

И Вера Павловна съёләмсяньыс заводитіс уджавны, сійō гōгōрвоис, унджык йōзōс верман страхуйтны шойччан лунъясō и праздникъяс дырйи: найō унаōн гортасōсь, а абу удж вылынōсь.

Ōтчид шойччан лунō ветлōдліс аслас индōм Киров нима улича вывтi и страхуйталіс. Пырис ōти квартираō, пукаліс сэн томник нывбаба пызан дорас и вурсис.

— Видза олан, кōзiяйка, бур лун.

— Локтōй, локтōй, шойччōй, — шуис кōзiяйка.

— Ме госстрахсянь, страхуйтала олōмъяс, овмōс, нелючкиясысь, сотчōмъясысь...

И дыр сёрнитōм бōрын, кōзiяйка страхуйтис овмōссō. Вера Павловна гижис страхōвōй договорнōй лист, босьтис съōм, эз на удит петны — локтō кōзiяинныс-верōсыс, к-о-д, кок йылас оз ōшйы.

— Но-о, кодi нин тайō? — равōстис кōзiяин.

— Тайō госстрахысь агент, да ме страхуйтi овмōс-нымōс, — полігтыр шуис кōзiяйка и индiс пызан вывсьыс договор вълō. Верōсыс босьтис договорсō, лыддис и посныд торйōдз косявліс...

— Вот на... тiян договоръясуд! А гашкō тэ и абу агент, съōмсō аслыд чукōртан... зептад сюян...

— Мый ті лоннынды? Ме абу агент? Вот на.— Вера Павловна тэрмасигтыр перйис сумкасыыс удостоверение:— Кызд абу агент — лыдды...

Код морт лыддис удостоверенпесө и суйнс аслас зептө.— Ме та вылө ог эскы, вай паспорт. Со ме пукта ассыым паспортөс и тэ пукты,— равзө көзиян, а паспортсө ассыыс шыбитіс пызан вылас...

— Ме сьорысь ог вөдит паспорт, кор эм менам удостоверение. Вай бөр, мыйла суйин зептад, сійө жө документ,— збоя шуалис Вера Павловна.

— Ог сет, вай паспорттө,— горзіс код морт.

Вера Павловна дыр эз мөвпав, босьтіс код мортлысь пызан вылө шыбитөм паспортсө и өдзөсө.

— Милицияын аддзысям и вежам...

И котөрөн петіс ывла вылө, думайтіс, мый код морт вөтчас сы бөрся. Но сійө эз вөтчы, навернө, гөтырыс кутіс. Вера Павловна, нервничайтігтыр, муніс улич кузя мөд ордө, сэсся коймөд ордө. Бөр локтігас виччысис кильчө дорас код мортлөн гөтырыс, киас удостоверение, а ачыс бөрдіс.

— Извинитөй, пөжалуйста, миянөс, сійө юас да дзик йөй... Öнi узьö... Вай вежам, энөй корөй милицияад.

— Но, ладно. Вай, вежам документъяссө.

— А кызд нө менам договорыс. Сійө жө косявліс ставнас.

— Мед, мыйкө лоө кө, мөд экземплярис жө лоө госстрахын. А тиянөс ме жалита, абу бур тиян олөмныд, лөк да юысь верөснад. И Вера Павловна дыр на и унаысь мөвпавліс тайө случай йывсьыс. Госстрахса агентъяслөн сьөкыд уджыс, ковмывлө уджавны и сөр ритьясын. А Вера Павловналы өтчыд узьөмөн ковмис ветлыны. Сетісны плансө страхуйтны аслас участокысь личнөй транспорт — ассыыныс машинаяссө, кымынөскө унаысь волөм бөрын вермис страхуйтны. А өти көзиянөс некызд оз аддзы, сійө пө көнкө ылын уджалө, и аслас машинаөн удж вылас ветлө. Водз асылын мунө, рытын зэв сөр воө гортас. И Вера Павловна өтчыд узыны кольчис олөма нывбаба ордө, орчча керкаас, медым страхуйтны сэсь машинасө. Көзияныс машинанас воис гортас сөмын вой шөр кадын, сэки и страхуйтісны машинасө.

Қолис медводз квартал. Ивановалөн фамилиеыс вөлі өкмысдас агент пнысь водзын мунысь да бура уджалысь радъясын. Мөд кварталын сійө сідз жө босьтіс первой места, тыртіс плансө и вевтыртіс кык тысяча шайт вылө, сылысь портретсө өшөдісны Почёт пөв вылө. Унаысь

планъяс тыртöмысь и вевтыртöмысь бöрынджык сетисны и «Ударник коммунистического труда».

Но начальник, наверно, эз ёна ошкы бура уджалысь-яссö, отсалом пыдди пыр көсейс кызкө вöчны сідз, мед эськө агентыс эз тырт плансö. Сеталисны выль квартал кежлö план. Ивановалы планас начальник сюйис «животные». А карывса улича вылын некодлөн эз вöв некутшöм скöт. Сэк Вера Павловна шыасис Степан Иванович дорö: менам участокын некодлөн абу скöтыс, а ті планö сюянныд.

— Эм!— равöстис начальник.— 25-öд номера керкаын олысьлөн эм мöс! Мый дыра нин уджалан да он тöд!

Вера Павловна мунис 25-öд номера керкаö, юасис кодлөн эм мöс. Юасис быдөнлысь. Тыдовтчис, мый öти семья дас во сайын видзлöма мöссö, а öни некод оз видз некутшöм скöт ни мöс. Локтис да бара начальниклы шуö:

— Степан Иванович, мöскыд сэн дас во нин абу, некодлөн некутшöм мöс абу. Гашкө бөр чинтанныд сійö плансьыс или, разрешитöй да, ме йöз участокысь страхуйта öти мöстö.

— План вежны! Йöз участокысь страхуйтны!— равзис лёкысь начальник.— Йöз участокысь кө страхуйтан, все равно планыд тыртöмөн кутас лыддысьны...

— А кыз нö сэсся,— нораа юасис Иванова.

— Ах-ха-ха! Нинöм! Лоан бөрö кольысь уджалысьөн, плансö он кө тырт... Не век жö медводдзаөн лоны.

Квартал помасис. Вера Павловна тыртіс сетöм плансö, «животнойысь» кум шайт кызди, ставсö дас вит тысяча, да нöшта тыртіс содтöд, кум тысяча шайт дон вевтыртіс. Но начальник лыддис Вера Павловнаöс план тырттöмөн, омöля уджалысьөн. 3 шайт вöсна Ивановалысь шыбитисны «Ударник коммунистического труда», вештісны Почётной пöв вылысь, босьтісны карточкасö. Вера Павловна нервничайтіс, гусьöник бöрдис и шуалис: «Эмöсь жö тай лёк йöзыд свет вылад. Збыль жö тай тайö бюрократ. И ми ставөн чöв олам, а сійö мян вылын издевайтчö... Но ме ог сетчы! Нарочнö кута бурджыка на уджавны, ме петкöдла ачымöс, мый ме эг повзъы сысь, эг эновтчы, а бурджыка на кужа уджавны, унаысь на плантö тырта и вевтырта». А ачыс синвасö чыш-каліс... Вера Павловна бара сьöлөмсянныс кутіс уджавны, öбидасö сьöлөм бердсьыс вештіс да зіль уджнас асьсö быд ног кутіс, радліс, мый бара выль кварталын

став пöлöс планъяссö тыртiс да вевтыртiс, уджын босът-лис пыр медводдза местаяс и бара сылы сетiсны мöд пöв «Ударник коммунистического труда». И бара сылысь портретсö öшöдiсны Пöчөт пöв вылö. Но начальник мыйлакö пыр эз кöсйы, мед агент Иванова вöли бур уджалысьöн, и быд ног мешайтiс. Öтчюд выль кварталын начальник сылы плансö сетiс эз закон серти. Ивановалы вöли укрепитöма стрöительнöй управление, кöни уджалiсны рабочöй да стрöйбаяс вылын судитöм йöз — ветымын морт. Найö торйöн уджалiсны, но на дорö некодöс эз лэдзлыны и закон серти найöс оз позь страхуйтны. Но начальник тайö ветымын заключеннöйсö суйис Ивановалы планö. Кымынысь агент шыасьлис:

— Степан Иванович, стрöительнöй управлениеад ветымын морт заключеннöй. То ме вайи справка конторасьыс. Найöс оз позь страхуйтны. Бөр чинтö плансьыд...

— Мый сетöма, вöч,— бара равзiс начальник, и эз кöсйы чинтыны. Ивановалы ковмис шыасьлыны гырысьджык йöз дорö да вöлись плансьыс ветымын мортсö чинтiсны.

Госстрахö воис выль уджалысь, специалист, помалöма кöнкö страхуйтчöм кузя школа. Но практикатöгьд сьöкьд на уджавныд, ветлöдлöма аслас участоктi, но некод абу страхуйтчöма и пырас начальник дорö норасьны.

— Успокоитчö, вöчам ставсö, отсалам,— шуйс начальник и корис Ивановаöс.— Тi öнi выль агенткöд ветланныд сы участокö страхуйтавны йöзöс, тэ важ уджалысь, кужан, велöдан, кызд колö уджавны, и страхуйтан нефтебаза учреждениеыс уджалысьяссö.

Вера Павловна выль агенткöд мунiсны индöм учреждениеö и Иванова öти часөн кывйö сетiс дас кык мортöс, кодьяс страхуйтчисны «несчастнöй случайысь» и олöмнысö страхуйтiсны. Тайö ветлöм йывсьыс да отсöгсьыс Иванова йылысь начальник гижис газетö «Пыр йöз дорын», ошкис бур уджысь да планъяс тыртöмысь.

...Вера Павловна кöть öнi петiс пенсия вылö, кутiс водзö уджавны. Гортас шуйсны челядьыс:

— Мама, гашкö, шойччан нин, нэмтö уджалiн, миянöс быдтiн-велöдiн. Öнi со пенсия сетiсны, гортöдзыд кутасны вайны. Пукав гортын. И верöсыс шуö, шойчышт пö, гортса уджыд зэв уна.

— Ог на дугды, уджала на, ставсö на вевъяла вöчны гортын и удж вылын,— шуйс Вера Павловна. И бара быд лун котöртiс удж вылö... Уналөн вöли помасьöны

страхөвöй договоръяс аслас участокын, колö найöкöд выль договоръяс вöчавны. Вöли шойччан лун, лунтырнин ветлöдлiс, пемдiс нин, а зэв на уна ордö колö во-лыны. Пырис öти общежитиеö, кöни олисны этша семьяа йöз, кузь коридор, а стен пöлöныс уна комната, и быд жырийын олис торъя семья. Пырис öтияс ордö, а сэни пызан дорын пукалöны кум мужик и юöны вина.

— Видза оланнуд, бур рыт! Кодi кöзяиныс, тiян стра-хөвöй договорнуд помассьöма. Локти выль договор вöч-ны,— шуис агент, а ачыс повзъыштiс код юра мужикъ-ясысь.

— Ме кöзяиныс, час, корсьла важ договорсö.— А мöд мужик кисьтiс ыджыд стöкан тыр еджыд вина и локтiс öдзöс дорын сулалысь Вера Павловна дорö:

— Тайö первой ю, а сэся и сёрнитчам страхуйтчöм йылысь,— и суйны мöдiс мырдөн киас вина тыра стö-кансö.

— Ме ог ю! Мый нö тi лоиннуд. Ме удж вылын... да и ме сöвсем ог юльв...

— Юан микöд! Ю и ставыс!..

И стöкансö сiдз кутiс суйны киас, а стöканыс уси и винаыс киссис джоджö. Вера кöсийс петны, но мужик кутiс киöдыс и эз лэдз петны...

— Нокö, вайöй мöд стöкан вина, юкталам тайöс, видзöдлöй, вом тырыс зарни пиньяс и сумка тырыс, на-вернö, сьöм,— сералöмөн шуалис код морт. Вера Пав-ловна сiдз тракнитчис код морт кнысь, и мый вынсьыс уськöдчис петны öдзöсö, авторучкаыс джоджас уси и ко-ли, но вермис петны коридорö и сэтшöма повзис, став-нас дрöжжитiс, и котөрөн петiс ывлаöдз. «Ой, мыни кызкö, кöть киöй ёна доймис. Сэся сёр рытьяснад ог нин ветлы. Со вöд кутшöм лёк йöз эмöсь, чуть сьöм ты-ра сумкаöс эз мырддыны».

Воис гортас да эз лысьт висьтавыны некодлы сы йылысь, мый лои. Гортсаяс кутасны тшöктыны дугдыны удж вылысь.

Госстрахса начальник вöли оз кöсийы, медым пенсия вылö петöм бöрын уджалiсны, и быдөнöс быд ног кызкö вöчис сiдз, мед дугдiсны удж вывьсыс. Пыр босьталiс выль агентъясöс, на вылын ёна ыджыдалiс и уджöдiс найöс, мый колö вöчны аслыныс контораса уджалысьяс-лы, а не агентъяслы, важ агентъяс тöдiсны правилöяс да законъяс и налысь уджсö эз вöчны, а выльяс эз лысьтны öткажитчыны, ни пануд кыв шуны...

Отчыд начальник корис Ивановаёс аслас кабинетö и кутіс видны:

— Иванова, тэ вылө жалөба. Позоритан мянөс. Со гижöны тэ йылысь. Пенсионерка! А норасьöны тэ вылө! Позор! Лок мунам пырысь-пыр жö горсоветö, мед видзöдлöны тэ вылө!— горзіс начальник.

— Мый ме вöчи? Мый? Мыйысь? Кутшöм мыж?— Чуть эз бöрд Иванова. Горсоветö вайöдіс, кызд арестованнöйöс, и пыртöдіс олöмакодь нывбаба дінö, кабинетö.

— Со жалоба та вылө, уджалысь менам.

— Ладнö, ладнö. Ми разберитчам, верманныд мунны,— шуис нывбаба. Начальник петіс, а нывбаба лыддис сетöм бумага лист и частö видзöдлывліс Иванова вылө и юасис:

— Ті агент госстрахысь?

— Да... А мый, кутшöм жалөба ме вылө? Ме планьяс пыр тырта. Съöм ас кадö ставсö сдайта.

— Ті Кирова улича вылын оланныд?— бара юалö.

— Ог, ог сэн ов. А Киров улича менам участок, сэн страхуйтала...

— Збыльысь, он Кирова вылын ов?— бара юалö нывбаба и зэв ёна видзöдö Иванова вылө.

— Ог сэн ов, а мый?

— А толькö со гижöма жалөбаас, мый мянкöд олö агент госстрахысь и нарушайтö спокой сэтчöс олысьяслысь, мый быд рыт локтöны сы дорö мужчинаяс и зоньяс,— лыддьö жалөбасö нывбаба.

— О, да, сэні мян өти агент олö, томиник нывбаба, меным орчча олысьясыс норасьлісны жö нин... Но и начальник, абу и лыддьöма, а ме вылө горзö, да со вайöдіс горисполкомöдз.

— А ме лыддя да видзöда тіян вылө: неужели пöрысь нывбаба дорö волöны зоньяс,— шензьö нывбаба и сэралö.

— Ме жö пенсионерка, менам гортын верöс и гырысь челядь. Но и морт, но и начальник, быд ног позоритö, а ачыс абу разбирайтчöма, абу лыддьöма жалобасö, а вайöдö.

— Вот тадзи мян юрнуöдысьясыс асьныс тöлкөн оз тöдны, а янөдöны, уничтожайтöны асьыныс бура уджалысьяссö... Мун да шу сылы, мед мөдысь тадз оз вöч!

— Ме ог, ог кöсйы ськөд сёрнитны...

— Но ладнö, ме ачым звөнита сылы телефон пыр и вида, мед тöдмаласны бура, мыйөн мортыс мыжа да

вѳлнсь влдасны да мыждасны. Эн шогсы,— бурѳднсь ныв-баба Ивановаѳс,— мун да уджав...

Вера Павловна бара дзєбнсь ас пытшкас тайѳ ѳбндасѳ и бара босьтчнсь уджѳ. Снйѳ ннсь вѳт внт во лѳѳ пєнсна вылын да уджалѳ, н кѳть уджалас мѳд внтѳс, сьтшѳм радпырысь ветлѳ удж вылас. Но... лѳн немвнччысьтѳм-тѳр. Кыдзн н пыр помаснсь квартал, чукѳртнсь собрание. Начальннк всььтавлнсь кварталса удж йылысь. Внсьталнсь, кодн тыртнсь планъяс, кодн эз, кодн босьтнсь I да II места сорєвнованнєнєн н сєтнсьны налы премня. Но планлысь тыртѳм цнфрєяс нѳтн эз казьтывны, н Вера Павловнаѳс некытчѳ эз казьтыштны. А Иванова тайѳ кварталас плансѳ тыртнсь да ещѳ вєвтыртнсь 3500 шайт, н Вера Павловна мѳвпалнсь ас кєжысь: «А, гашкѳ, кодн I места босьтнсь, вєвтыртнсь план 5000 шайт... Эз тай со всььтавны-а». И сєн шунсьны: лун 3 мыстн лѳѳ ѳшѳдѳма стєнѳ «Доска показатєлєй», бьд агєнтлысь план — тыртѳм н вєвтыртѳм...

Куим лун мыстн, кор локтнсь Иванова н аддзнсь дѳска вылысь гнжѳдъяс, чуть садьтѳгысь эз усь, ѳдва вермнсь сулавны ѳбндасла кок йылас. I места план вєвтыртѳма 2500 шайт, II места — 2000 шайт. А Ивановалысь 3500 шайтсѳ вєснє абун гнжѳмаѳсь дѳска вылас, вєвтыртѳм местаас 3500 пыдннєс черточка внзьннтѳмаѳсь дайн. Иванова дыр сулалнсь стєнас пыксѳмѳн, мєд эз усь.

— Но н бюрократ! Тайѳ, навєрнѳ, начальннклѳн уджысь.— И прєвѳй пырнсь бухгалтернєяѳ:

— Ноко, мєнсьым вндзѳдлѳ, уна-ѳ вєвтыртѳма плансѳ?— стрѳга юалнсь Иванова.

Бухгалтер вѳсьтнсь журнал, корснсь Ивановаѳс: 3500 шайт. Но мнєнѳс начальннк стрѳга прєдупрєднтнсь, мєд мн тнєнѳс эгѳ вѳчѳ I-ѳй места босьтысьѳн. Асьннд пыралѳ сы дѳрѳ, мн эгѳ лысьтѳ сылы паннєд мунны.

Иванова пырнсь начальннк кабннєтѳ н матыстчнсь пызан дѳрас, кѳн пукалнсь начальннк.

— Мыйла мєнам 3500 шайт план вєвтыртѳм местаас чѳрточка? Мыйла мєнсьым уджсѳ дзєбнннєд став агєнтъяс снн водзсьысь?! I-ѳй местатѳ, вѳлѳмкѳ, босьта мє! Мєм оз ков тнєн премнєяд. Мєм колѳ сѳмын прєвда. Тадз абун чєстнѳ, стьд н позѳр тнєнлы! Тн онѳ туйѳ начальннкѳ, тн — бюрократ!— Иванова бѳрднєгыр повтѳг шуалнсь начальннклы.

Начальннк сувтнсь, прєйнсь пызан йѳрысь газєт, кннас швачкнсь пызанѳ да мый внсьысь рєвѳстнсь:

— Тырмас! Тырмас пыр тнєнлы I-ѳй места босьтны-

сө! Тэ пенсионерка — тырмас! Быдлаын тэ! Газетын — тэ! Почёт пөв вылын — тэ! Ударник комтруда — тэ! Водзын мунысын — тэ! Тырмас! Эмось мян мукөд бура уджалысьяс.

Иванова бөрдігтыр петіс начальник кабинетысь: «Мыйла нө абу правдаыс, быдлаын жө соревнуйтчөны — спортын, животноводствоын... А ме сьом чукөртөмөн соревнуйтчөмын сюрс шайт ставсьяс унджык чукөрти — и некутшөм места! Көн правдаыс? Колө гижны гырысьджык начальстволы, гижны газетө фельетон, мед быдөн төдісны тайө начальник-бюрократ йывсьяс, мед вежисны асьсө...»

Иванова татшөм мөвпьясөн, бөрдігтыр, муніс гортас, скөрйивсьяс гижис жалөба, войбыд эз узь. А сэсся мөвпыштіс, жалөбасө косявліс: ог лөсьөд ас вылө врагьяс-сө. И гижис шыөдчөм петны удж вылысь: тырмас, дырнин уджалі. Мем нин 60 арөс, 40 воысь унджык уджалан стаж, гортын ола, шойччышта. Оз тай, вөлөм, ков буратө уджавны лөк начальник-бюрократ дорад.

А во джын мысти вөтлісны удж вывсьяс начальник-бюрократөс.

ЭНЬКА-МАМ

Висьт

Воис тулыс, помасис школаясын велөдчан во. Асланыс сиктын Дина помаліс дасөд класс, экзаменьяс сдайтис ставсө 4 да 5-яс вылө. Велөдысьяс шуисны экзаменьяс бөрын пырысь-пыр велөдчыны водзө, эм пө кужанлуныд, верманныд ыджыд мортөн лоны — врачөн, инженерөн. Мунөй институтө или университетө.

Дина эськө и водз нин мөвпаліс водзө велөдчөм йылысь, и мамыс и чойыс шулывлісны:— Дина, тэ сюсьда төлка нывка, колө кызкө обязательно велөдчыны мунны карө.

Но абу шудыс Диналы вылө...

Мамыс частө кутіс висьөдчыны, а өні со дзикөдз водіс вольпасьө.

Гортас Дина мамыскөд кыкөн и олісны. Ыджыдджык чойыс Лида асланыс сиктын верөс сайын, и быдтө ичөтик

пиос. А батысö Дина помнитö вöтөн моз сöмын, нывкалы вöли сöмын на вит арöс, заводитчис война, сиктысь нуисны став верстыö зонъясöс и мужичöйясöс. А кыз колльöдисны найöс, сикт кузя гудöкъясөн, кодi сьылис, кодi бöрдiс, а йöзыс, став сиктса олысьыс, петiсны коллыны война вылö мунысьясöс. А Динасö батыс пуксьöдiс аслас паськыд пельпом вылас да сикт помöдзыс мунисны сидз, а прöщайтчигас кымынысь кутлис да окалис: быдмы пö, дона нылöй, ло сюсьөн да здоровөн, кывзысь мамыдлысь и виччысьöй менö. Ме бöр регыд воа гортö...

Но Диналөн батыс бöрсö эз во, во кымын гижлывлiс письмö война вывсянь, а сэсся Ленинградскöй фронт вылын геройскöя пöгибнитiс. Сьöкыд вöли мамлы кык челядьöс быдтыны да велöдны, но олисны, велöдчисны чöйяс, мам ёна уджалiс колхозын, а öни со частö висьны кутiс. И öтчюд рытын мамыс корис пукалыштны Динаöс вольпась дорас и, синвасö чышкалиг, шуалис: «Дина, нылöй, дитяöй, ме навернö регыд нин кула, эз ло сила ни эбöс... вольпасьысь нин чеччыны ог вермы. Тэ, донай, горттö эн эновт, тэ ыджыд нин, пыр удж вылö, ов бура, эн бöрд... эн шогсьы...»

И кык лун мысти мамыс Диналөн кувсис. Дзевисныгуалисны и Дина коли öтнас гортас. Карö велöдчыны эз мун. А корисны уджавны магазинö, первой велöдчыштiс, кыз вузасьны, тшöтiөн артасьны, а сэсся лои бур вузасьысьөн. Сиктса йöз уважайтисны бур да тöлка нывкаöс. Пöрысьджык нывбабаяс частö волисны Дина ордö гижны асланыс челядьыслы письмöяс либö кытчöкö шыöдчöмъяс — некодлы ныв эз öткажитлив. Рытъясын пöдругаяскöд ветлисны клубö, пуктывлисны спектакльяс-концертъяс. А зонъяс унаөн вöлины эськö радöсь дружитны Динакöд, но нывлы некод ёнасö эз во сьөлöм вылас, унаөн корасьлисны, но Дина шулывлiс: «Ме ог на тэрмась верöс сайö, том на, вевъяла на челядьтö быдтыны да мужиккöд овны». Диналы нин тырис кызь кык арöс, пыр уджалiс магазинын, öни нин лои заведующöй-өн.

Орчча сиктысь армияысь воём бöрын воис на колхозö уджавны трактористөн Коля Петров. Ыджыд тушаа, сьöд синъяса и заводитiс ухаживайтны Дина бöрся, а нывлы тожö сьөлöм вылас воис том тракторист. И во джын дружитöм бöрын вöчисны свадьба.

Гöтрасьöм бöрын олисны Дина ордын, а Коля шулывлiс: «Тöвйыны, қор лоас миян ичöтик кага, мунам миян сиктö мам ордö. Сылөн мöс эм, и ичöтик кагалы

пыр лоо свежой чоскыд йов. Мам кутас кагасо видзны, и мян мам дорын бурджык и кокныдджык лоо овны. Сийо тэн, Дина, лоо энька-мам. Тэнад мамыд абу жо-а, и вот тэныд сийо лоо родной мамон и энька-мамон.

— Ладно,— шульвліс Дина,— олыштам и адзам: йозыс тай шуоны, тиян сиктса бабаясыд, тэнад по мамыд зэв лёк да пинясысь нывбаба-а. Мем шуоны: отлаын ко по кутанныд овны, кызд кутан овны, тэнад энька-мамыд по зэв омоль баба, пыр по кодоско пиняло да адззо...

— Мед йозыс сорасны. Олам,— шуис Коля.

Воис тов, Дина муніс роддомо каро, и родитчис сылон ичотик пи — Ваня. Дина роддомын олигкості Коля Диналысь колуйсо да эмбурсо нуис чужан сикто мамыс ордо. А мамыс Дина вотодз одий и сеталис мыйсюрю Коляон вайом колуй то вокыслы, то нылыслы.

Дина роддомысь кутіс петны, да Колялон чойыс локтіс нала волон, да Динаос ичотик пинас эз и сувтодлыны родной гортас, сэк только Коля висьталіс: «Мунам мам ордо, гортад кодзыд дай немтор абу. Ме ставсо нуали мам ордо».

Дина ободитчис: «Менсым юасьтог, висьтасьтог ставсо нуин... А ме, гашко, гортын косья воли овны».

Энька-мам встретитіс няньон-солон ичмонь-гозьяос и выль чужом пиос. Бабаясыд лож эз висьтавны... Пызан доро сейны пуксисны, да мам пыр кодоско кутіс суклявны.

— Магазинас по вузасысь бурджык товарсо ставсо гортас нуо.

— Скотной дворын по лыстысьсысьыс йовсо гусявлө.

— Колхозной бригадир по удждонсо неправильно пукталө.

— Мамо, тэ кысь быдтор тодан,— шульвліс Коля.

— Тогда ме ставсо, тэ эн шыась.

А Диналы тайо эз кажитчы, сылон мамыс вовли зэв бур баба, став йозыс ошкывлісны. Дина казьявліс, энька-мам кор ичотик Ванялы суйльвліс йов пожны пачо, пыр суйис торытъя йов да сливкасө куртомон, но шуны немтор эз лысьт...

А отчид Коля удж вылын кості Дина ветліс магазино и ньобис куим метра ситеч, аслыс ковта выло и ичотик пиыслы дором выло. А рытнас энька-мам кыподіс сэтшом зык, кутіс горзыны пиыс выло: «Тэнад ичмоньыд некодлысь юасьтог-висьтасьтог талун ньобасис, менсым эз юав. А важон ичмоньясыс куим во немтор

эз ньоблыны верёс саяс мунóm бёрын. Гортын пукалö — ньобасьö».

Дина бёрддзис: «Мыйкö ньöби кö, ме ас сьöм вылö ньöби, кагасö вöд пасьтöгыс ог видз...»

Рыгнас Дина Колялы шуö: «Ме кытчöкö удж вылö пыра, видзöдтö, мамыд упрекайтö нин, уджтöг пö пукалö... тэ сёрнитлы мамыдкöд, мед кутас каганымöс видзны».

Сёрни бёрын мам шуис: «Ме кага ог видз, босьтöй видзысьöс».

Дина вайöдис öти бабöс, но энька-мам вöтлöма сийöс. Мöд луннас вайöдлисны нывкаöс кага видзны и энька-мам бара вöтлис.

— Мам, тэ мыйла кага видзысьяссö вöтлан?— шуö еныс.— Либö ачyd видз, Дина кöсийö удж вылö мунны.

— Ме видза сэк, кор тi кыкнанныд енлы моз юрбитанныд меным пидзöс йьлö сувтöмөн!

— Мун юрбит, уськöдчы пидзöс вылад, мед мамыд видзас тэнсьыд питö,— синвасö чышкалiг шуис Дина.

— Ме ог, ог юрбит, тэ абу ен, и ме енсö ог верит,— шуис Коля.

— Тэ юрбит,— индис энька-мам Дина вылö.

— Ме тожö ог. Ог кöсийö унижайтчыны, кок улас ог вод...

Мам лөгасис и эз кут некодкöд сёрнитны. Öтчyd ломтiс пывсян и öтнас пывсис и эз шу, мый кöть пывсьöдö кагатö. Энька-мам пывсьöм бёрын Дина ветлис пывсянö, коли эз пöсь ваыс, пывсьöдыштны ичöтик писö. Дина пывсянö пырис да повзис... Лёк энька-мам, мед ми эгö пывсьö, пöсь васö коялöма ставсö да изья горсö кисьтöма, джодж пасьтаыс из.

— Ме сэсся водзö терпитны ог вермы... Ме аски жö кагаöс босьта и муна бёр ас гортö, ас сиктö, ас йöз дорö,— чорыда шуис аслас верöслы Дина.

— Но мый нö тэ лоин, он жö мун,— кевмысис верöс.

— Тэ кызд кужан, кöсьян — микöд мунам, кöсьян — кольччы «бур» мам дорад и ов.

Дина мöд луннас босьтiс колхозысь вöв, сöвтiс ассьыс кöлуйсö, босьтiс ичöтик писö и мунiс гортас.

Верöсыс ёна кевмысис, мед эз мун. Но Дина мунiс.

Куим лун мысти воис Коля аслас чемоданөн гöтыр да ичöтик пи дорас.

ОЛЫШТАН ДА МУСА ЛОӨ

Висът

Кор Панова Тая помаліс карын медицинскöй техникум, локтіс аслас рöднöй сиктö и кутіс уджавны медпунктын фельдшеріцаöн. Дерт, ас сиктад лöсьыдджык и гажаджык, ставыс тöдса, ставыс ас йöз, но Тая ёна гажтöмтчис медсясö сы вöсна, мый дона зонмыскöд торъялісны. Найö öтлаын велöдчисны Васякöд, и дружитісны нин дзонь во. А сөсся со мунісны уджавны разнöй местаö. Первой Вася частö гижліс письмöяс, гажтöмтча пö ёна тэ вöсна. А öні со гежöда нин кутіс гижны письмöсö. А во джын мысти сөвсем дугдіс гижны.

— Навернö, пöдругаöс аддзис, вунöдіс менö,— шульвліс аслыс Тая.

Том нывка став сьöлöмнас кутчысис уджö, зіля уджаліс, сійöс уважайтісны-ошкісны бур уджысь, но сьöлöмыс пыр мыйкö доймис, мөвпнас пыр на виччысис Васяöс, гашкö бөр аддзысясны, гашкö бөр важ моз гажая кутасны коллявны рытьяс. Асланыс сиктын вöліны сыкöд арлыда зонъяс, но Тая некод вылö эз кöсйи вежны Васяöс. И коркö öтчыд öти тöдса баба висьталіс, мый Вася гөтрасьöма сійö сиктса ныв вылö, кöні уджаліс.

Тая дыр шогсис, мукöддырйи гусьöн бөрдыштис и быдöн, но некодлы эз петкöдлы асьыс шогсö, нывъяскöд ветльвліс сиктса клубö, сывльіс-йöктывліс накöд, а кор зонъяс кöсйисны колльöдны гортас — пышйивльіс наысь. Но колхозса шофёр Митя пыр ухаживайтіс нывка бөрся: то танцуйтны первойöн босьтас, то кино вылö билет ньобас. Тая зэв неокотапырысь петліс танец вылö да кино вылö, сылы эз сьöлöм вылас во Митя, зэв эськö туша-мода ыджыд, но Митя радейтіс юыштавны, частö овльвлö клубын гажая юра, а кор юыштöма, зэв придирчивöй, быдөнкöд кутчысьö спорö, а тайö Танялы оз кажитчы.

Найö сиктын вöлі Коля-гармонист, öні сійö армияын служитö, и сійö армияысь частö ыстывліс письмöяс Танялы. Виччысь пö менö, регыд воа гортö, но Танялы и Коля ёна эз воływ сьöлöм вылас, и письмöяс вылö кор öтветсö гижліс, а кор и эз.

Öти рытö нинöм виччысьтөг воисны корасысьяс: Митя мамыскöд да ещö Матрен тьöt, коді уна ордö волö корасыны, кужö сёрнитны.

— Тіян пö бур төвар эм — рочакань, а ми пö купечьяс, воим ньöбны рочаканьсö.

Дыр уговаривайтöм бöрын Тая сöгласитчис, если Митя кö дугдас вина юöмысь.

— Праздникьяс дырйи сöмын кута этшаник юыштны,— кöсийс Митя.

Қор корасьясыяс мунісны, ныв дыр нервничайтіс, мыйла кöсийсис.

— Ог вöд радейт... Абу сьöлöмысь...

А мамыс шуаліс, олыштан да муса лö, дона нылöй. Арлыдыд вöд содö, а кысь сэсся бур жöниксö корсян.

А пöдругаясыс тожö шуисны: мед öні кö он радейт, олыштан да муса лö.

Вöчисны гажа свадьба и том гозья шуисны овны пока Тая мам ордын, а сэсся стрöйтны аслыныс выль керка. Коркö сиктын ветлöдліс чиганка. Ме пö чиганка-молдаванка, гадайт пö ки вылысь и картіön. Висьтала пö ставсö правда...

Тая тшöтш гадайтöдіс аслыс, видзöдö да, бабаяс и нывьяс зэв унаöн гадайтчöны.

Таялы чиганка гадайтіс, важсö ставсö тöдіс — правильнö висьталіс, янсалöмыд пö муса морткөд, торйöдöма пö злодейка... Олан пö он лөка, но тэ пö ачюд зэв недöвöльной олöмнад. Тэнад пö лö кык челядь, пи и ныв. Но верöсыдкөд олан сöмын квайт во, а сэсся торьялан-ныд.

Тулысьявылыс Тая нин мөдöдчис декретнöй отпускö петны, кöсийö лоны мамön.

Сиктад öдйö быдтор кывсьö. Воöма пö армиясьс гармонист-Коля. Сійö абу на кывлöма Таялысь верöс сайö мунöмсö, и рытнас локтіс пукавны Тая дорö. Тая пуктіс самöвар, юисны чай ставныс öтлаын, дыр варовитісны. А Коля мунöм бöрын Митя кутіс придирайтчыны гöтыр вылас, тэ пö пыр видзöдін Коля вылас, да сэтшöм мелі синъясөн, ме вылö пö тадз ньöтчюд он видзöдлыв, тэ пö, навөрнö, век и ёнджыка радейтан Коляöс, а он менö...

— Ланьт, Митя, мый нинöм абусö сöран, коді не-кытчö оз лöсяв.

— Да, збыль, чай юнгад синтö эн вештыв сы вылысь, ме вöд пыр видзöді.

— Но и мед видзöді кö, сэсся и видзöдны оз позь.

— Да, оз позь, ме запретита.

И гозья воисны ыджыд зыкö. Воис нин водан кад, а найö пыр зыксёны. Митя водіс койка вылö, а Тая

пöдушка босьтiс да кайис паччөр вылө и водiс. Митя корис: «Лок лэччы паччөрсьыс, вод ме дорө».

— Ог, ог лэччы, тап узя, ме тэнö терпитны ог вермы, а тэ ещö на менö расстраивайтан.

Митя локтiс паччөр дорө и кöсйис кыскыны Таняöс, а сийö пöдушканас кучкис верöссö. А Митя скöрмис да кучкис кулакнас Танялы чужöмас.

Таня пузис: «А-а-а, тэ тадз? Убирайтчы ме ордысь! Мун!»

Таня лэччис паччөрысь, чукöртiс Митялысь став кöлуйсö, шыблалiс джодж шөрö: «Мун, öнi жö мун! Мун гортад! Ме тэнö ог радейт, ме тэкöд овны и сiдз ог вермы, а тэ косясян, китö лэптiн ме вылө... Мун, убирайтчы. Кагаыд лоö кö, ме ачым быдта, тэ кодь батыыд оз ков!»

— Муна, вöтлан кö, муна...

Митя пасьтасис, кöмасис, а сэссия сувтiс джодж шөрö и кутiс сулавны. Дыр чöv сулалiс.

— Войнас ог мун, аски муна.— И водiс.

Таня войбыд паччөр вылын бöрдiс. А асывнас чеччис да видзöдлiс рöмпöштан пыр да ачыс повзис. Син дорыс ставнас лöза-гöрда вöли.

— Тэ нö век на он мун? Видзöдтö, воис на эз ло, а гöснеч сетiн мем, кыз нö ме талун удж вылө муна. Мый нö йöзыс шуасны? Стыд и срам! Мамö мöд керкаын узьö, а ми со мый керсям тэкöд. Эз и кывлы сийö, а тэ косясян, ме лöз син дора.

Митя чеччис, кутiс кевмысьны гöтырыслы: «Прöстит, эг и тöдлы, кызди кучкыссис, сэссия некор ки ог лэпты. На, мем кучкы жö, мед тожö лоö лöз. (Танялы киас сетö то пес, то укват) На, кучкы мем... Но ме ог мун. Миян регыд лоö челядь.

Кор Танялысь юасисны луннас удж вылас, мый нин лöз син дора, висьталiс: да, пес поткöдiгөн, пескыс чеччыштiс да лöзöдiс.

А пöдругаыслы висьталiс ставсö, кызд лои. А сийö мунома да висьталöма Колялы, Танятö пö Митяыс нöйтöма тэ вöсна.

Удж помасигкежлö медпунктö воис Коля:— Таня, прöстит. Кызд нö сiдз, ме вöсна тэнö нöйтöны, ме лунтыр весиг эг сейлы. Таня, ме радейта тэнö... Эновт, вöтлы Митятö, мекöд öтлаасям. Ме кöть пыр жö.

Пукисны орччөн да дыр сёрнитiсны.

— Коля, донай, тэкöд кö öтлаасьны, мем оз ков вöли мунны верöс сайö... А колö вöли тэнö виччысьны, а öнi сёр нин, менам регыд лоö Митясянь кага.

— Мед, мед. Сійö менам лоö, ме ордын рöдитчас,— кевмысис Коля. Мед ме лоа сылы бaтьöн.

— Сёр нин, сёр та йылысь сёрнитны,— шуис Таня. Эм сылön бaтьыс... то, öш кодь, ме ачым эг куж овныс, оз вöли ков мунны сы сайö.

И дыр на найö пукалісны да сёрнитісны.

А сиктад ставыс зэв öдйö кывсьö сёрниыд. Кор Таня локтіс гортас, рытнас Митя кывлöма нин, мый Коля кöсйö гöтрасьны Таня вылö, жаль лоöма, ме вöсна пö Митяыс нöйтöма.

А Митя шуалис: «Ме некодлы ог сет тэнö, ни ассьым кагаöс. Ме бaтьыс лоа. Ме!»

И бөр миритчисны Митякöд и кутісны овны, регыд налön лои пи. Сійö вöлі ёна мунö Митя вылö. Но Таня-лön сьöлöмас коли быттö кутшöмкö ёкмьль сійö лöзсö новлöдлöмысь да Митялön кучкöмысь. Сідз нин вöлі оз радейт, а öні радейтöм пыдди лои лөг.

«Да,— мөвпнас думайтіс Таня,— пöдругаясöй, дай мамöй шулісны, олыштан пö да муса лоö. Оз, некор оз ло муса, да ещö юö».

Кор Таня вöлі роддомын да рöдитіс, сійö гортас Таня-тöг вöчöма праздник, пиыслысь чужан лун пасйöма, юысь другьяссö юкталöма, кык лун удж вылас абу ветлöма. А кор роддомö локтіс, бара юöма, ньöблöма детскöй приданнöй и воштöма... Но кызд верман сійö ставсö терпитны, и Таня вöлі зэв скөр Митя юёмön. Но мый вöчан, налön эм пи, быдмö, колö овны. Кöсйöны вöлі керка стрöитны, но Митя татшöм ыджыд уджö эз кутчысь, а шульвліс: «Тан зэв лöсьыд, позьö овны!» Öти джынъяс керкаас мамыс Танялön оліс, а мөд джынъяс Таня гозъя, посводз да кильчö торъя, некод некодлы оз мешайт. Мамыскöд мөс öтвыв видзисны.

Воис турун пуктан кад, Митя и Таня петісны отпускö, медым пуктыны тöv кежлö мөсныслы турун. А видз эз сетлыны, кысь кужан, корсь турун пуктан места. Кор на вöлі Танялön бaтьыс ловъя, найö пуктывлісны турунсö вöрысь и Таняöс нуöдлывлісны сэтчö куртны. Дас вит верст сайын ичöтник шор дорын эм видз, кысь позьö пуктыштны турун додь кык ли куим. Танялön бaтьыс да мамыс кык лунön ытшкывлісны сэсь турунсö. Первой луннас лунтыр ытшкасны, а сэсся лун ли кык мысти вöлись волісны куртны-уберитны и коляссö ытшкыны. Öні Митя да Таня косясөн мунісны, медым корсьны сійö местасö вөр шöрысь. Дас вит верст локтісны подön вöрса пода туйті. Мудзисны ёна видз вылö воигön.

Шойчыштисны и лунтыр гөрбушён ытшкисны, шонді кутіс лэччыны да вёлись мёдісны гортас.

Кык лун мысти бара нин мунісны вёрса векныдик туй кузя куранъясён.

Турун косьмёма кык луннад бура, куртісны-юравлісны, и колё бара рытланьыс ытшкыны коляс видзё ставнас.

Шонді кутіс нин лэччыны, а виддзыс оз и помась.

— Ме сэсся ог ытшкы, мудзи, тырмас, мёд лунё волам, эштёдам.— И скёрысь шыбитіс муё косасё Митя.

— Ог пё эштёдё. Мый нё лоин, Митя?! Керка пасьта места нин сёмын коли да. Комын километра бёрё-водзё, огё жё тайё ытшкыны волё. Эштёдыштам нин.

— Ог, шуи ме, ог!— скёрысь горёдіс Митя. Тэ, колёкё, отнад кольччы дай ытшкы. А ме раз шуи — ог! Ме муна гортё. Ме мудзи.

— Тэ мудзин, а ме эг мудз, лунтыр тэкёд радын уджалі да.

Гозья воисны спорё.

— Но сэтшёма кё тэ мудзин — куйлышт-шойччы, ме отнам ытшка, но менё отнамёс эн коль татчё съод вёршорас, то шондіыс нин лэччё, регыд пемдас, виччысьлы менё,— кевмысис Таня.

— Шуи ог, и ог, ме муні гортё.

Митя босьтіс косасё пельпом вылас, киас шамыртіс пинжаксё и ыджыд шагён мёдёдчис вёрса векни туйті гортлань.

Таня измис места вылас, и сёмын скёрмёмйивсьыс шуаліс: «Но и сволочь, но и лодыр, но и дрань!»

— Мун, мун, а ме ог мун, ме помала, ме ытшка.— И зэв яра мёдёдчис мый вынсьыс ытшкыны вёрса кузь турун. Сійё бёрддзис, сёлёмыс быттьё кёсйис чеччыштны морёс пытшсьыс. Ёдзёдчёмён, шойччышттёг, Таня ытшкис дзёнь час и эштёдіс, ытшкис туруна видзё. А ачыс пыр чышкыштавліс чужём кузяыс визувтысь синвасё.

— Ытшкис кё эськё, важён нин мунім гортё-а. Сійё мудзёма, а ме эг мудз.

Таня босьтіс коса-гөрбушёё пельпом вылас, киас сёян ваян сумка, да мёдёдчис вёрса векни туйёд гортланьыс. Шондіыс лэччис, ывлаыс пемдіс, кыптіс ыджыд тёв. Локны кутіс лёзовсьод гымалана кымёр. Шувгис кузь вёр, вёсныдик пуяссё нюкльёдліс муёдзыс. А кор вирдыштліс-югдыліс ставнас вёрыс, а сэсся гымыштліс, Таня став тушанас дрёгнитліс-повзыліс ён гымсьыс. А

ачыс бёрдіс да котөрөн сорён, мый вёлі выныс, пыр му-
ніс гортланьыс, став лунтыръя мудзё вунёдёмён, пыр
водзё и водзё.

— Коть мед дырджык на эз зэрмы.

А аслас сьёлөмыс пуис верёс вылас өбидаясла.
«Кольны татчө отнамёс сьёд вөр шөрө. Но и некытчө
туйтөм морт... лодыр. Да ме тайё сылы некор ог прөстит.
Ненавидита, терпитны ог вермы! Чиганка гадайтис: квайт
во пө олад, кунмсө олі, а сэссия ог ов, ог вермы. Мед му-
нө ме дорысь. Воа гортө да войнас и вөтла. Отнам кута
овны, отнам быдтыся. Оз ков мем татшөм верёсыд. А
шулісны мамө и пөдругаяс, олыштан пө да муса лоө!
Тайё куним вонас менам чукөрмис сы мында лөглун му-
лун пыдди».

Юрас Танялы пыр кутісны воны лөк мөвпъяс, а ачыс
пыр котөртіс и котөртіс, кутіс зэрмыны-войтасыны. А
сэссия ведраысь моз кутіс кисьтны-зэрны. Таня пыр ко-
төртіс. Паськөмсьыс ваыс вияліс сапөг пытшкас, васө
сапөгсьыс кисьтліс да водзё котөртіс. Мыччысис эрд.
Ещё верст куним и воа гортө. И бара зэр увті, ва да няйт
туйөд, котөрөн сорён пыр матысмис гортланьыс. Со и
тыдовтчис батыслөн стрөитөм керкаыс.

— Воа и пыр жө вөтла гортысь, дыш да юысь верө-
сөс. Сытөг ола. Воис керка дорө. Мамыс вөлі кильчө
вылас виччысьө Таня нывсө.

— Но, воин, дитяёй? Мудзин, көнкө, ёна? А ваыс
кыз виялө паськөмсьыд. Вай зэв өдйө пукта пөсь чай.

— Көні дыш лодырыс? Гадинаяс?— скөрысь юаліс
Таня.— Ме өні жө вөтла!

— Гортад узьө. Эн талун пыр, успокоитчы. Аски
артасянныд, коді мыжа, коді прав,— шуаліс мам.— Ме
ёна нин сійөс виді, воис да. Кызд, мися, тэ вермин сійө
нывбабаөс, ассыд гөтыртө, пныдлысь мамсө, кольны
өтноссө ытшкыны сьёд вөр шөрө, дас вит верст сайө
войын да зэр улө! Оліс чөв, мекөд эз пинясь. Аддзө
вөд — ачыс мыжа.

Таня кос платтьө пасьталіс, юис пөсь чай мамыскөд
да дыр на сёрнитісны став ассыныс олөм-вылөмнысө.
А сэссия мамыс лөсьөдіс вольпась. Таня босьтіс узысь-
писө моздорас, унаысь окыштіс да водісны пныскөд ма-
мысөн лөсьөдөм крөвать вылө. Ёна мудзөм бөрад регыд
Таня унмовсис чорыд чөскыд унмөн.

ПИНЬ ВИСЬОМ

Теш

Сандрө Петыр удж вывсьыс локтіг сьөрсьыс вайис сулея спирт да швач пуктіс пызан шөрө.

— Со, Марья-гөтырөй, вайи пинь висьомысь лекарство. А то кык вой нин синмөс эг кунылы пинь висьом вöсна.

— Спирт?! Кысь нө? Магазинас абу да?— чуймис гөтырыс.

— Öнi блаттөг он воськовт. 25 шайт мынти. Вайлы закуска. Кута пинь бурдöдны.

Марья вайис пызан вылө капуста, тасьтi да нянь. А Петыр вайис ыджыд стöкан да пуксис пызан сайö.

— Но, бурдöд менсьым пиньöс,— Петыр босьтис да первой окыштіс спирт сулеясö и стöкан тырыс кисьтіс югыд «лекарствосö», и öтпырйö вомас пөрөдіс. Тшöкмунлі да ды-ы-ыр кывйыс эз шед. А сэсся ёнакодь варовмис.

— Эз тай öти стöканнад дугды. Лоö мөдöс юны.

Мөдöс юом бöрын синмыс дульсмис, дыр лолыс эз шед, синваыс визувтіс бан кузяыс. А сэсся босьтис кызöм. Зырым и дуль лэччис пызан вылө. И мөдіс унмовсьны.

Сотчас öд спиртнад. Лоö коляссö босьтны, мед сэсся оз нин ю,— Марья кисö нюжөдіс сулеялань. Петыр, көть нин юрсö лэптыны эз вермы-а, кыз кватитіс гөтыр кисьыс бутылкасö:

— Кытчö нуан? Висьöмыс эз на дугды!— И бара коляссö бутылка помсьыс глөтнитіс. А сэсся пызан сайысь көсйис чеччыны да джодж шөрö турбыльтчис-уси. И сурсмуніс-унмовсис.

— Бурдіс, буракö, ланьтіс со...

Кадыс вöлі сёр нин, и Марья көсйис водны узыны. Но Петыр кутіс горзыны:

— Ой! Ой! Пиньöй висьö! Коді висьödö менсьым пиньсö?

Усьласигтыр чеччис. Пач дорысь ки улас шеді коколюка, да кутіс öвтчыны. А сэсся стөнын öшалысь асьыс пальтосö адзис.

— Со тай коді, вөлөм, висьödö!— и кутіс кучкавны коколюканас пальтосö, и воротниксьыс гöныс мөдіс лэбны керка пасьтала. Бур мый шатовтіс да бара джодж шөрö уси. Ымзіс-ымзіс дай унмовсис. Но недыр кежлө.

Бара кутіс ош улын моз горзыны-ойзыны. Усьласигтыр чеччис да стенын ошалысь рөмпөштан пыр аддзис асьсө.

— А-а-а! Со тай коді, вөлөм, висьөдө!

Бара кватитіс коколюка да көсйис кучкыны рөмпөштанас. А Марьялы жаль лои приданной рөмпөштаныс да удитіс Петыр кок улысь джодждөрасө мый вынсьыс тракнитны. И Петыр коколюканас швачмуні-уси чужөмнас джоджө. Керкаыс быдөн сыркмунлі. Петыр ойзіс-ойзіс да лөнис. А вирыс джоджті визувтіс жугалөм нырсьыс да потөм синкөршасьыс.

Марья ачыс сэсся повзис. Мед көть оз кув. Но верөсыс эз зөв дыр куйлы джоджын. Бара бан бокас кисө пуктөмөн мөдіс равзыны да чеччыны, пач бокө кутчысьөмөн.

Марья ломтыліс рытнас пачсө да өгыра на вөлі пач пытшкөсыс. Петыр пач бердас бан боксө топөдіс да лөсьыдджык, буракө, лои. Сэсся ымзігтыр матыстчис пач вом дорө да суйис юрсө пачас. И пыр жө звер моз мөдіс горзыны.

Марья өдва шошаөдыс кыкис бөрвыв. Петыр бара гымгысис джоджө юрнас, кутіс ойзыны. Ставнас чужөмыс вөлі са. Юрныс ёнакодь нин удитөма өгырас чиш-касьны. А сэсся бара горзігтыр чеччис да уси пызан вылө.

— А-а-а! Со тай коді, вөлөм, висьөдө пиньөс!

Петыр кватитіс пызансө да, вылө лэптөмөн, нуис өдзөслань.

— Восьт өдзөссө!— равөстис гөтыр вылас.— Шыбытам тайөс керкаысь!

Марья восьталіс өдзөсьяс, и Петыр пызансө и улөсьяссө — ставсө шыблаліс лым вылө. А сэсся уськөдчис крөвать вомөн да унмовсис.

Марья дыр на паськөмөн ветліс джодж кузя и поліс, мед көть бара оз садьмы верөсыс, а сэсся паськыд лабич вылас водіс да ныровмуніс.

Садьмис верөс гөлөс шы вылас. Вөлөмкө, югдө нин, асывводз.

— Марья! Мый нө тэ паськөмөн лабичын узян? Вот тавой менам пиньыд эз вись. Бура узи, эг садьмыв. Ладмис жө тай спиртыд. А көн нө пызаныс да улөсьясыс?

— Бура-а-а, бура узин. И ме со бура узи. Видзөдлы мун рөмпөштан пырыс аслад чужөм-рожа вылад.

Петыр муніс рөмпөштан дорө да чуймис, синмыс паськаліс:

— Марья! Тайё нё мый? Тайё абу жё ме?

Рёмпöштанын тыдаліс дзик тöдтöм вуджөр: чужöмыс ставыс саёсь, юрсыс чишкасьöма, нырыс картупель кодь, ставыс косьмöм вир да няйт, öтар бан боқыс пыктöма. А пиньыс пыр на ёнтышталіс.

— Пыртылы ывласьыс пызансö да улöсьяссö,— тшöктіс Марья,— да мун больничаö.

Петыр кöсйис пасьтасьны да казяліс, мый пальтоыслөн воротникыс ставнас орласьöма. Юрсö öшöдіс да вомгорулас нургис:

— Кыдз нё ме муна татшöм чужöм-рожанас больничаас, и йöз дорас петны он лысьт... А удж вылын? Мый шуасны?..

— Мöдысь он лечитчы, мыйöн оз ков. Сы вылö больнича эм,— ропкöдчис Марья.

— Но, Марья, сёсся ставыс... Кöртала вомöс... Сеті кыв — вöча! Ог кут юны.

И Петыр ассьыс сетöм кывсö кутіс и сэксянь эз юлы вина.

СЕМЕН ЛУН

Серамбана висьт

Кор Дина садьмис, вöлі нин кöкъямыс час асыв, ывла вылыс шондіа да мича. Мамыс пач дорын пуис сёян. Талун шойччан лун, школаö оз ков мунны. И мам удж вылас оз мун — шойччан лун жö.

— Мам, талун ветлам вöрад тшактö вотны. Ставлөн шойччан лун. Соседка тетя Машаыд мем шуліс, ветлам пö вөрö тшакла шойччан лунö и тэнö пö нуöдлам. Тэныд пö нин дас арöс, ёна пö нин öктысян, и вöрсö видзöдлан. Мам, ветлам? А? Петав тетя Машаыд дорö.

Мам петіс соседка дорö и кутіс нуöдны вөрö.

— Анна, кöсйисьлі эськö ветлыны, да талун öд Семен лун. А меным мам и бабö на висьтавлісны, Семен лунö пö вöрад некор оз ков мунны. Сэки пö ошъяслөн праздник, найö пö ставён гуляйтöны и пируйтöны. Верман пö ошкыскöд паныд лоны, и верман пö Семен лунад вошны вöрас.

— Но-о! Сійо важ йёзлөн висьталёмьяс! Кутшөм вер-
мас лоны ошъяслөн празник да пируйтөм? Сійо сөрөм
ставыс.

— Ог мун и ставыс!— шуис Марья.— Унаөн нин па-
ныдасьлөмаёсь ошкыдкөд Семен лунад.

— Но, Маша, ветлам! Дина бёрдигтыр нуөдчө. Тэ
көсийсьлөмыд сылы.

— Но, ладнө. Ёна нуөдчан да ветлам. Мед Семен лун
кө. Ен кө эм, видзас ошкыскөд паныдасьёмысь.

Мөдөдчисны. Шуисны мунны ылі вөрө, «Ыджыд нө-
вина» вылө. Сэні ельдөг ёна петлывлө, гашкө, чөскыд
ельдөг сюрыштас. Мунігчөж Дина юасис:

— Мама, кызди нө ошъясыс чуалөны да пируйтөны?
Ми паныдасям огө ошкыскөд?

— Тьпу, тьпу!— шуйга пельпом вомөныс сьёлыштіс
Маша.— Тэ вомсянь да лөкань пельөдз! Мый нө тэ, Ди-
на, сёрнитан? Мед ог жө көть паныдасьөй ошкыскөд!

Мунігмоз мамыс да Марья Динаөс велөдісны: вөрө
век колө мунны компасөн, но миян талун вуні компастө
босьтны. Но лунвыв да войвыв позьө төдмавны и пу
лапъяс серти: лунвыв бокин лыс лапъяс пыр унджык и
кузьджыкөсь, а войладор бокин нэрджыкөсь. И кодзув-
кот позсө пыр вөчө лунвыв бокө.

Мам шуө:

— Видзөд, нылө, воим прөсек вылө. То ылөдз тыда-
лө веськыд кушин. Тайө лесникъяс юклөны вөрсө квар-
талъяс вылө, и прөсек пыр мунө лунө-войө либө рытылө-
асылө. И вөрын шондіа лунө, часыд кө абу сьөрад, позьө
төдмавны кад вуджөр кузьта сертиыд: лун шөрын
вуджөрыд пыр ас кузяыд, а рытладор вуджөрыд пыр
нюжалө.

Тадз сёрнитігмоз воисны «Ыджыд нөвина» вылө.
Мунны ковмис кузь пуа вөръясті, гажа ягъясті, нюр
бокъясті, волісны лөк тодъяс. Вотісны тшак. Уна сюра-
ліс ельдөг — солалөм вылө. Дона гобъяс — жаритны.
Лунтыр ветлісны, мудзисны нин. Пестеръяс и көрзинаяс
тырисны ставлөн.

— Мунамө нин гортө,— няргис Дина,— ме мудзи
нин.

Дыр ковмис корсьны гортө мунан туй. Рытлань лон,
кутіс кымөртчыны. Кутшөмкө омөлик туй вылө эськө
воисны, да оз төдны, кодарө колө мунны. Өтарө ветліс-
ны — туй помасис, мөдарас — бара помасис.

— Тайө ош туй. Вай выль туй корсямө,— шуис
Марья.

Бара сюри туй. Куим вожа. Қытчө мунны — оз төдны. Кутісны туй вожъястыс мунны, но и быд туй вож помасьліс, и водзын некутшөм кок туй абу.

— Тайө бара ош туй,— ропкис Марья.

Бабаяс и Дина котралісны-корсисны туй.

— Со туйыд! Локтөй татчө!— горөдіс Анна, кутшөмкө ордым вылө веськалөм бөрын. Но кодарө колө мунны гортлань, некод эз төд.

— Со өд Семен лунад вөрад мунөмыд! Ошъясыд асланыс туйөн ылөдісны миянөс,— ропкис Марья.— Вот и важ йөзлөн сөрөм. Вошим. А водзө мый на ещө лө?

Туй кутіс пыр лэччыны увлань и увлань кыр горув, и петкөдіс ичөтик ю дорө.

— Да тайө жө Позялөм ю!— төдісны нывбабаяс.— Ми юсө эгө вуджлө, сідзкө, миянлы колө мунны дзик мөдарө.

Бара бергөдчисны и мөдөдчисны кайны чой паныд. Ывла выв вөлі нин рөмыд. Аддзисны прөсек. Но шуисны прөсекті не мунны: трөпаыс абу дай мир туй вылө сиктсаян ылө петкөдө.

— А тайө туйыс миян сикт дорө вайөдө,— шуис Анна, и шуигмысыс падмис.— Ой! Ой! Мый тайө?!

Друг аддзисны: чой йылын туй вылас (рытъя кыа вылас бура тыдаліс) мыйкө вөрис-катласис и локтіс найөлань. Ставөн сувтісны-повзисны. Дина, мамыс юбкаө кутчысьөмөн, кутіс лимзавны-бөрдны.

— Ой, мама, ошкыд со миянлы паныд локтө!

Ставөн збыль вылө повзисны-шөйөвошисны. Синнысө эз вештывны гөрайывса катласысь вылысь.

— Ош! Ош! Пышйөй! Миян дорө локтө!— Марья равөстіс лөк гөлөсөн да, юбка бөждорсө лэптөмөн, уськөдчис прөсеклань, мөдөдчис кырсыыны-котөртны гортлань. Эня-ныла уськөдчисны сы бөрся жө. Дина бөрдіс, тшөкыда усьласис, понөльясас крукасьліс кокыс. Көрзинасыс джын тшакыс нин гылаліс. Мам, Динаөс ки пөлөдыс кутөмөн, тшөтш котөртіс и унаысь нин уөвтліс понөль-лөп пиө. Көрзинаыс өнакодь жө нин кокняліс. Ывлаыс пыр өтарө пемдіс. И сөмын водзын Марьялөн еджыд чышъяныс дөлаліс-тыдовтчыліс, а сэсся и сійө воши.

— Но и бур соседка! Пышйис! Миянөс коліс. Некөн нин оз тыдав!

Дина гусьөникөн бөрдіс. Мыр вылө усис да плешкас петіс ыджыдкодь йөг.

— Дина, эн бөрд! Регыд воам туй вылө. Сэни шойч-
чам. Ошкыд мир туй вылад оз пет,— бурөдіс нывсө мам.
А ачыс өдва долаліс мудзөмысла.

А Марья нин ы-ылын тыдаліс, кузь кокнас котөртіс
гортлань. Юрас весиг чышьяныс абу. Гашкө, пөсялөма
да пөрчөма.

— Со и туй вылө воим, слабог,— шуис Анна,— өні
сэсса шойчыштам.

Но муртса удитісны пуксыны туй бокө, вөрын бара
рутш-ратш кыліс. Эня-ныла бара ёна повзисны, зэв
өдйө чеччисны и мөдісны котөртны гортлань.

Вөрысь прөсекті петіс пестера мужик, киас кутіс
еджыд чышьян. Адзис бабаяслысь котөртөмсө да ку-
тіс горзыны да өвтчыны чышьяннас, коді сылы сюрөма
локтігас прөсек вылысь мыр бокусь.

— Эй, ті! Энө котөртөй! Ме абу ош! Ни абу шыш!
Ме тракторист Коля! Сувтлөй! Виччысьлөй!

Анна кыліс төдса гөлөс Колялысь. Сувтісны. Дина-
көд радпырысь уськөдчисны Коля дорө.

— Тайө тэ, Коля? Ёна жө повзөбөдін мянөс! Ми чай-
тім тэнө ошкөн, сійөн и котөртім.

— Марья! Марья! Сувтлы! Виччысьлы! Тайө абу
ош. Тайө Коля-тракторист!

Марья кыліс да сувтіс жө туй шөрө. Юрсиыс лэзь.
Тшакыс көрзина пыдөсас сөмын. Пидзөсыс вируля дай.

— Марья, тэнад чышьяныд?— чургөдіс сылань кисө
Коля.

— Менам. А ёна жө повзөбөдін тэ мянөс! Ми тэнө
чайтім ошкөн. Талун өд Семен лун, ош чуалан лун!

— Ме тіянөс некыдз ог вермы суөдны, сэтшөм өдйө
шутөвтід. И горзі, но эн кылөй. Ме тіянөс адзылі туй
вывсьыс и вошти. Кытчө, мяся, лоины? А сэсса прөсекө-
дыс адззи тіянлысь котөртөмтө, и ме тіян бөрся вөтчи.
Ме өд туйсыыс воши жө.

— Да ме вед шулі, мяся, морт локтө паныд! А Марья
горзө: ош да ош. Да лэбө-котөртө прөсек кузяыс. И ми
сы бөрся,— висьтавліс Анна.

— Ме вед эг көсйы тіянөс повзөбөдны,— шыасис Ко-
ля.— Сідз нин лои, и ме ачым тіян бөрся пыр прөсе-
каөдыс котөрті. Но извинитөй! Ме абу мыжа. Мыйыс оз
лолыв да.

— Но, ладнө, ставыс бур,— миритчисны ставөн.—
Нинөм, көть и көрзинаысь тшакным гылаліс пышйгад.
Пестераным ставлөн на коли ельдөгьясыд.

Кывны кутіс поньяслөн увтчөм. И тыдовтчис сикт.

МЕ СЕТИ КӨСҮЙСҮӨМ

Куим акта ворсантор

Драма

Ворсысьяс

Любаша — том ныв (батьтөм-мамтөм)
Вася — Любашалөн медся дона ёрт и друг
Анна Ивановна — Васялөн мам
Нина }
Надя } — Любашалөн пөдругаяс
Васька — жөник, вина юысь да косясьыс
Дружка — Васякалөн друг
Милиционер
Мужикъяс, бабаяс, нывъяс, зонъяс

Первой акт

Воссьө занавес. Ывла выв. Вася, вещей мешөка пельпом вылас, муно война вылө. Любаша пөдругаяс колльөдө, кутчысьөмөн муноны.

Вася. Но, вот, Любаша, дона нылөй, воис торйөдчан кад, дыр-ө кежлө янсалам. Тэ ни ме ог төдө, вөд война мөдөд во нин муно, мыйтөм нин йөзсө виисны, а кор помыс, аддзысьлам огө нин сэсся тэкөд ми, донайө?

Любаша. Аддзысьлам! Воан бөр, эн шу тадзи. Менам сьөлөмсянь пөся радейтөмөй мед видзас да кранитас тэнө война вылад быд лөксъыс и фашистскөй пуляысь. (*Пуксьөны скамейка вылө.*)

Вася. Коли өти час миян мунтөдз, другъясөй, кодъяскөд өтлаын мунам, и колльөдысьяс чукөртчөны Эжва берег дорө, регыд воас пароход и янсалам. Тэ, Любаша, колян сэсся өтнад, батьылөн, буракө, фронт вывсыяныс воис нин извещение?

Любаша. Да, геройскөя пө пөгибнитис (*Люба синвасө чышкалө.*) А мамөлы нин кымын во, ваас вөйөмлы... Меным вөлі 12 арөс, кор вөйи. И ме, Вася, эськө өні эг вөв, эн кө тэ спасит мэнө вөйөмсыс. Ме став олөмөн тэ водзын долга. Тэ менам спаситель. Ме тэнө сьөлөмсянь өна-өна радейта, и кыдзи ме кута тэтөг овны? (*Бара синвасө чышкө.*)

В а с я. Любаша, донай, эн бёрд, олан кызди и быдён. Менам мамкөд өтыв олөй, сийө тожө өтнас кольө, пыр шогсьө да бёрдө. Тэ лоан ме пыдди мамөлы нылөн. Любаша, кызд сэки ті мамыккөд веськалінныд кыкнанныд вабергачас?

Л ю б а ш а. Мамө мян видзис колхознөй куканьясөс, а ме сылы отсаси. Вуджөдім куканьясө ми йирсьыны мөдлапөлө, сэні видзьяс турунаось вөліны. И рытланыс локтам нин вөлі, заводитім куканьясө вуджөдны бөр гортлань ляпкыдинөдыс. А сэн улынджык юас вабергачьяс. И өти кукань ляпкыд местаас ваас эз кев, а гөнитіс ю пөлөныс вабергачланыс. Мамө вөтчис сы бөрся, көсийс куканьтө бергөдны стада дорас. А сийө лэччис, пырис ваас и веськавны кутіс вабергачас. Мама уськөдчис ваас, көсийс спаситны куканьсө и кыкнанныс веськалісны вабергач улас. *(Люба бара чышкалө синъяссө.)* Ме аддзи: мама вөйө, куті лёкысь горзыны «Спаситөй! Спаситөй, бур йөзөй. Спаситө!» И ачым тшөтш уськөдчи ваас, көсийс мамаөс кутны и ме веськалі вабергачас. Сэсся немтор ог помнит...

В а с я. Ме сэки вөлі матын юсьыс чери кыя-вуграся. Кылі горзөм шы и котөрөн. Қор ме вои, колхозницаяс вөлі котөрөн локталөны горзөм вылас, найө матын турун пунктисны. И ме аддзи, Любаша, тэнө васьыс, и сразу уськөдчи ваас тэнө спаситны. Қор тэнө кыски, тэ вөлін садьтөм, нывбабаяс тэнө заводитісны пальөдны. А йөзыс горзісны: «Мамыс, мамыс! То вабергачас! Спаситөй!»

Ме уськөдчи, муртса ачым тшөтш эг вөй вабергачас. Но кызкө сийөс берегас кыски. Бабаяс заводитісны пальөдны, но эз вермыны, пөдөма нин ванас...

Л ю б а ш а. Тэ, Вася, вөлін менам став гажлунөй и олөмөй, и вот тэ мунан... Вася, ме виччыся тэнө. Төрыт рытнас ми тэкөд сетім нин көсийсьөм мөда-мөдлы югыд төлысь да зарни кодзувьяс водзас. Талун вай шонді водзас ещө сетам мөда-мөдлы көсийсьөм пидзөс вылө сувтөмөн. *(Люба сувтө пидзөс вылас шонді водзө. Сы бөрся сувтө Вася. Кисө морөс вылас пунктөмөн шуалөны: «Көсийсыям нэм кезлө радейтны мөда-мөднымөс, кытчөдз лоам ловъяось и не вунөдны.»)*

Л ю б а ш а. Ме тэнө виччыся во, кык во, вит во, и некор, некор ог вунөд.

В а с я. Война өд. Ме кө война вылас уся? Тэ вөд ныв морт, нэмтө өтнад он ов?

Л ю б а ш а. А муна кө коркө верөс сайө — тэ нима

сайё, тэ кодь жё мед вёлі туша-модаыс. Мед тэно не вунёдны.

В а с я. А сійё кё зэв лёк морт?

Л ю б а ш а. Мед, тэ кё он ло, нинёмла мем гажлуныс. Мед нэмёс бёрда да шогся.

Қылё вадорын пароход свисток, зэв ёдйё чечёны кыкнанныс и котөрөн муноны. Недыр сцена вылын некод абу. Қылёны горзём шыяс, бёрдём шыяс колльёдчысыяслён. А сёсся кывны кутіс сьылём шы.

Медбёръя лунъяс ме гулайта,
Аслам милёй другъяскёд.
Аски кё чуть пондас югдыны,
Бёрддзас став менам семья.
Бёрддзасны чойяс, менам вокъяс,
Бёрддзасны бать и менам мам.
Ещё бёрддзас менам милёйёй,
Кодкёд ме куим во олі...

Бара пароход свисток, сёрни шыяс и петёны сцена вылё Л ю б а ш а, Анна Ивановна.

А н н а И в а н о в н а (синвасё чышкалё.) Вот и муніс менам дона отка пийёй, зарнийёй, коли чунь отнам, код дорё нё ме инася...

Л ю б а ш а. Анна Ивановна, эн бёрд. Васяыд шуис мем, олёй пё отвив мамкёд. Тэ пё ло сылы нылён. Воас, воас бёр... Ставыс ёд оз жё усьны, регыд помасяс война. Ми вермам фашистъясёс, и воаласны ставныс бёр гортё.

А н н а И в а н о в н а. Мед нё тэ ног лоё, дона нылёй, мед регыдджыка помасяс война...

З а н а в е с.

Мёд акт

Восёё занавес. Первой действиесянь кольё вит во. Любаша муно верёс сайё. Ыджыд пызан. Анна Ивановна ваялё пызан вылё сёян-юан. Нина да Надя пасьтёдёны да вёччёдёны Любашаёс. Люба зэв жугыль.

А н н а И в а н о в н а. Любаша, дона нылёй, тэ тай зэв жугыль, гашкё жёниктё бёр откажитам, пока абу на

сёр, мед бөр мунёны. Гашкё он пет татшом омоль жё-
ник саяс, тэн өд бурджыкъяс на сюрасны.

Любаша. Ме жё сетлі кёсийсьём тэнад пи Васялы, кёсийсьём колё пёртны олёмё, некутшом откажитчём озло, ме ог вермы. (*Ышловзё.*) Ме муна, мед ог кё радейт. Ме кодёс радейтлі, важён нин абу ловъя. (*Любачышкалё синвасё.*)

Нина. Муса пёдруга, кыз тэ сетін кёсийсьёмтё? Висьтав, миянлы наверно интересно зэв, миянлы окота тодны. Гашкё, ми коркё тожё сетам кодлыкё кёсийсьёмсё. Сідз өд, Надя? (*Мигнитё Надялы.*)

Надя. Да правда. Висьтав, Любаша, кызди сетёны кёсийсьёмсё.

Любаша. Но кывзё, висьтала ставсё. (*Люба пуксьё, сы дорё локтёны ставён.*) Тайё вёлі война воясё, Васялён киас повестка явитчыны военкоматё, воинской частьё мёдөдём вылө. Ті ставён төданныд — ми Васякөд школаын велөдчёмсянь нин дружитім, и ті, буракё, төданныд? Вася менсьым олёмёс спаситіс, кор менам мам вёйи ваё. Ме эськё тожё вёйи, если не Вася, и сы бёрын регыд кутім мода-мөдөс радейтны. И вот... Медбөръя рыт отлаынось. Ми сёр рытөдз ветлөдлім кыкөн ывла вылын, сиктсё ставнас кытшовтім и мунім сикт помё, көні быдмёны кык ыджыд мича кызд. (*Люба ланьтё.*)

Нина. Төдан, ми нывъяскөд ветлывлам жё сэтчө, кык кыз дорас. А сэсся мый?

Надя. Водзё висьтав, кызди сетінныд кёсийсьёмтё?

Любаша. Енэжыс сэзь, тырыс югыд кодзувъяс дзирдалёны, а төлысьыс сэтшөм мича да яснөй, и ми сэн, мода-мөдлы пидзёс вылө сувтөмөн, югыд кодзувъяс да югыд төлысь водзас сетім кёсийсьём. (*Люба сувтө пидзёс вылас и петкөдлө.*) Со таdzi. Вася сувтіс төлысь водзё пидзёс вылас, кияссё морёс вылас пуктөмөн, кёсийысис: «Сөмын менё отнамёс радейтны, кытчөдз лоа ловъя, и бөр кё воа война вылысь, нэмсё мекөд коллявны отлаын»,— и бёрыннас небыдика шуис: «Любаша, ме сэтшөм ёна тэнө радейта. Бура ов, виччысь менё». А сэсся ме сувті сы моз, и тожё Вася моз шуалі и кёсийси нэм чөж отнассё радейтны и виччысьны. И друг Вася юалө: «Ме кё ог во, пөгибнита кё война вылас?» А ме шуа: «Ме виччыся тэнө 2 во, 3 во, 5 во. А муна кё верөс сайё, муна тэ нима сайё, мед тэнсьыд нимтө век казътывны. И мед туша-модаыс тэ кодъ, мед тэнө не вунөдны некор, и казътывны нэм чөж».

«А зэв кӧ лёк да омӧль морт сійӧ?»— Бара юалӧ Вася.— «Мед лёк морт кӧ, мед мем нэмӧс бӧрдны, тэ кӧ он ло, нинӧмла мем гажыс да долыдлуныс». (*Люба лантӧ и чышкалӧ синва.*)

Н и н а. Ой, кутшӧм интереснӧ, кутшӧм страшнӧ. А водзӧ мый?

А н н а И в а н о в н а. Водзӧ мый? Извещение. «Геройскӧя пӧгибнитӧма Ленинградскӧй фронт вылын». Вот нин вит во регыд лоӧ. (*Ставныс шогынӧсь.*)

Л ю б а ш а. Удж вылын, фермаын, босътла кӧсйысь-ӧмтӧ да зӧля уджала, дай выполнита. И тайӧ колӧ выполнитны.

Н а д я. Любаша, тэ он радейт да сьӧкыд лоӧ овны верӧсыдкӧд. Гашкӧ он мун?

Л ю б а ш а. Ме эськӧ эг на и сӧгласитчы. Но кукань видзысь Настя кодкӧ лунӧ удж вылас сёрмис и омӧля дӧзьӧритӧ куканьяссӧ, пыр найӧ тшыгӧсь, няйтӧсь. И ме шуи сылы, мый колӧ бурджыка уджавныд. А сійӧ мем лёкыс: Тэ пӧ эн велӧд менӧ, тэ пӧ ме кодъ жӧ радӧвӧй фермаса уджалысь. Тэ пӧ пӧрысь ныв, эндӧм ныв. Тэно пӧ некод верӧс сайӧ оз босът, жӧникыд пӧ тэныд оз сюр.

Н и н а. Настя вӧсна! А ачыс кызди олӧ? Быд рыт пӧ гозъя косясьӧны гортас.

А н н а И в а н о в н а. Тырмылас варовитныд, регыд жӧник воас, аслас рӧднякӧд. Важӧн вӧлі невестаыс бӧрдӧ жӧник вотӧдзыс мам-батьлы да пӧдругасылы. Гашкӧ, Любаша, бӧрдыштан?

Мӧдӧдчӧны бӧрдны, невестаӧс пуксьӧдны, юрсӧ вевтӧны еджыд чышьянӧн и ставныс пуксьӧны Люба гӧгӧр.

Л ю б а ш а. Менам жӧ мам ни бать абу. Анна Ивановна, на пыдди ме тэныд бӧрда, кужа кӧ да артмас кӧ. (*Заводитӧ бӧрдны, кинас пидзӧсас швачкӧмӧн.*)

А н н а И в а н о в н а. Любаша, донаӧй, тырмас, тырмас, юрид кутас висыны, эн нин бӧрд. Миянӧс ставнымӧс бӧрдӧдін.

Ставӧн синванысӧ чышкалӧны. Люба дугдылӧ, и заводитӧ бӧрдны аслас пӧдругасылы.

Л ю б а ш а. А ӧні ме, нывъяс, тӧянлы бӧрда.

Н а д я. Бӧрдышт, донаӧй, зэв мичаа бӧрдан, ми кывзыштам.

Люба бӧрдӧ.

Н и н а (*видзёдлө бшиньö*). Ой! локтöны нин! (*Ывла-
ын кылöны гөлöсъяс, кок шыяс, Люба öдйö дугдö бёрдö-
мысь. Анна Ивановна и нывъяс встречайтöны гöстьясöс.*)

Пырö жöник, сы бөрся дружка — пельпом вылас полотенце
корталöма, а сэсса бабаяс, мужикъяс, нывъяс, зонъяс.

Анна Ивановна пуктö полотенце вылö нянь и сувтö паныд.

А н н а И в а н о в н а. Локтöй, дона гöстьясöй, лок-
тöй. Миян важөн нин ставыс гөтов. Виччысям тiянöс. Вай
пуксялöй пызан сайö.

Люба бокин сулалö, жöник муно невеста дорö, но пöдругаяс оз
кöсйыны сетны невестаöс дон мынтытöг.

Н а д я. Сьöмтöг огö сетö невестатö... Колö ньöбны,
вай сьöм.

В а с ь к а. Дружка, ноко волы татчö.

Д р у ж к а (*локтö*). Мый прикажитан, господин жö-
ник?

В а с ь к а. Ноко чукöрт зэв öдйö сьöм и ассыд зеп-
ссыд ставсö пукты. Видзөдтö, невестатö сьöмтöгыд оз
кöсйыны сетны.

Д р у ж к а. Вöчам ставсö пырысь-пыр. (*Босьтö пы-
зан вылысь тыртöм тарелка, муно йöз дорö*.) Ноко, код-
лөн мый эм зептаныд сьöм, невестаöс ньöбны колö. (*Йöз
сеталöны, тарелкаö пукталöны сьöм*.) Вот, молодцы! (*И
сьöмсö тарелканас сетö жöниклы. А жöник лайкнитöмөн
тарелкасö сетö нывъяслы*.)

В а с ь к а. Но, дона невестаöй, мунам, пуксям пызан
сайö. (*Киöдыс босьтöмөн муноны, пуксьöны пызан сайö,
и ставөн пуксялöны. Пызан сайын сёйöны-юöны, шум да
гаж. Васька-жöник öтарö юö и юö*.)

Л ю б а ш а. Эн ёна ю, Васька, талун кöть эн ю. Абу
öд лöсьыд, йöзыс дивитасны.

В а с ь к а. Йöз дивитасны, ме некодысь ог пов... Ас-
лам свадьба вылын ог ю? Кор ме сэсса юа, öнi кö ог?
Ю-а-а! (*Жöник стопка бөрся стопка юö, ёна коддзö.
Гöстъяс заводитöны сывыны*.)

Шондiбанöй олöмöй,	
Том олöмöй, том гажöй,	— 2 пöв
Том пöра коллялöмöй.	— 2 пöв
Кытчö бара кольöма,	— 2 пöв
Абу кö и вöвлöма.	— 2 пöв
Ва моз тай визувтöма,	— 2 пöв
Йи моз тай кылалöма.	— 2 пöв

Жёник пызан сайын ёна кодзё, горзё код вылё кё, кёсийё пызан
вомёныс петны, сийёс оз лэдзны, уговоритёны, кутёны. Гёгёр шум-
зык, горзём. Кодкё горзис:

— Ой, нылыс воши! Нылыс пропадитис! Татшём жё-
никсё колё тась бёр вётлыны... (шум, зык, горзём.)

З а н а в е с .

Коймёд акт

Мёд действие бёрын кольё нин бара вит во. Любаша нин зав-
фермаён уджалё, а Васька пыр юё. Воссё занавес. Люба ётнас.

Л ю б а ш а. Но и менам олём, абу олём, а мученье,
пыр юё и юё...

Пырё Н и н а .

Н и н а. Видза олан, пёдруга, кызди нин оланнуд,
Васькаыд тай пыр код ветлё-а.

Л ю б а ш а. Да менам олём зэв лёк, пыр юё, приди-
райтчё, косясьё...

Н и н а. Мый нё он торийёдчы ськёд, мучитчан, код
татшём пянникыдкёд олас.

Л ю б а ш а. Ме фермаё тэрмасы мунны, лок ывлаас
мунигмоз сёрнитам.

Петёны. Регыд пырё В а с ь к а .

В а с ь к а. Люба! Люба! Абу гортын. Зэв бур, оз-
джык пинясь! *(Кыскё зепсьыс водка бутылка, вайё пы-
зан вылё закуска и заводитё юны, стёкан-мёд юё, код-
дзё.)*

В а с ь к а. Лоёма предколхоза, ыджыд чин! На...
вётла пё тэнё удж вывсьыд — пыр пё юан. Ме шуа, ме-
ся, эн на вётлы — исправитча. Вётла пё... Вётла тэнё. А
ме сылы табуреткаён юрас, — вот, мися, и вётлы... Ёдийё,
небось, вирсермунис... А ми юам на тайё курыд васё
(Юё.)

Пырё Л ю б а .

Л ю б а ш а. Тэ мый абу удж вылын? Бара нин код?
Бара нин юан...

В а с ь к а. Юа... Код!... Менё предколхоза вётліс удж вылысь да... Убирайтчы пö... Тэ пö разлагайтан удж дисциплина... А ме сылысь юрсö разлагайті...

Л ю б а ш а. Бара косясин?.. Бара вётлісны?.. Ме тэн бурён шуа, вай дугды юёмсьыд. Юёмнад олём ладыд оз ло. Тэкөд вит во нин олам, да тэ нин даслаын уджалін... быдлаысь вётлöны... Ме кора колхоз правление-лысь и босьта ас дінö, миян фермаö разнорабочöй колö. Толькö он кут юны.

В а с ь к а. Ме ог ю?.. Ме юа... Тэ эн велöдны менö кöсйы, ме ачым тöда.

Л ю б а ш а. Мый кутан юны уджавтöгыд?

В а с ь к а. Тэ передöвöй фермаса заведующöй, тэн премияс сетöны, удждон ыджыдöс босьтан. Тэ кутан вердны, тэ кутан юктавны. Тэ менам гöтыр, тэ и верд, тэ и юктав, мый вылö сэсся гöтырыс.

Л ю б а ш а. Ме талунъя лунсянь ни öти шайт сьём ог сет юём вылö. И вообще, тырмас, кутан уджавны, а не юны.

В а с ь к а. А-а-а... тайö ещё мый? Мем прикажитны лысьтан? Ме вылын командуйтны? Ме вылын! Ме коді? Ме некодысь ог пов. (*Босьтö пызан вылысь кружка и шыбитö Любалы, сэсся тасьтöн шыбитö.*)

Л ю б а ш а. Бара нин кутін косясьны? Он лысьт. Он... (*Люба бöрынтьчö öдзöслань.*)

В а с ь к а. Ме ог лысьт?! (*Васька кватитö джоджын сулалысь табуретка и шыбитö сійöн. Люба удитö петны, и табуретка шмачмунö öдзöсö.*) Ме некодысь ог пов. Юлам на. (*Бара бутылкаысь кисьтö вина и юö, сэсся ещё содтö и пинясигтыр унмовсьö пуксöн пызан дорö.*)

Кост. Недыр мысти зэв гусьөн да полігтыр пырö Люба. Васька узьö. Люба сувтöдö местаас табуретка, джоджысь босьталö кружка, тасьтi и бөр петігмоз босьтö тыртём ведра.

Л ю б а ш а (надзöникöн). Ветла кöть вала, колö пыртны пес, ломтыны пач. (*Люба петö, недыр чöв-лөнь.*)

Пырö милиционер.

Милиционер. Видза олад, а көн нö кöзйякаыс. Кöзяиныс тай со узьö-а. (*Матыстчö Васька дорö, сійö узьö пызан дорын пуксöн, кияссö пызан вылö нюжөддöмөн. Милиционер матыстчö и нюжөддём киясас сразу пуктö наручник*) Тадзи лоö бурджык. Гашкö бара кутас косясьны да?..

Васька садьмō; княссō нетшкō да оз вермы.

В а с ь к а. Мый тайō? Коді лысьтіс?.. Мыйысь?! (*син-сō восьтō да аддзō милиционерōс*)... О... Коді воōма... Мыйысь?!

М и л и ц и о н е р. Мыйысь? Тэ ачyd тōдан мыйысь. Княстō вывті ёна лэпталан. Яндысь! Правление шōрын предколхозаōс нōйтны... косясьны, улōсōн юрас кучкō-мыд. Сійōс больницаō нуйсны. Ноко, чеччы! Мōдїм от-делениеō, сэн висьталасны, мый тэкōд вōчны.

Васька оз кōсїы чеччыны.

М и л и ц и о н е р. Кодлы шуōны! Встать! (*кыскō зепсьыс наган, Васька чеччō и мунō ѓдзōслань. Пырō нес моздорōн Люба, повзьō, пескыс ставнас киссьō джоджас.*)

Л ю б а. Ой! Мый нō тайō?.. Васька... (*Люба бōрдō.*) Мыйысь?

М и л и ц и о н е р. Предколхозаōс нōйтїс, сійōс боль-ницаō нуйсны. Кōзьяка, тэ эн бōрд, тайō оз сулав тїян синва дон. Мый корсїс, сійō и сюрїс. (*Милиционер пет-кōдō Васькаōс. Люба кольō ѓтнас.*)

Люба пуксьō пызан дорō да первой бōрдō чōла, а сєсся заводитō зєв нораа бōрдōмōн сьывны аслас олōм йылысь.

Пырō Анна Ивановна.

А н н а И в а н о в н а. Любаша, он-ō бōрд? Колō рад-лыны, а не бōрдны. Аддзан — кыз шуласны, енмыс шудтō вайō. Ме аддзи ѓшинь пыр: Васькатō нуōдō ми-лиционер, и котōрōн тэ дорō.

Л ю б а ш а. Ивановна, абу жаль. Но кызкō быттō абу лōсьыд — бōрдсьō... ѐбиднō став омōль олōмсьыс...

А н н а И в а н о в н а. Бōрдсьō, абу лōсьыд! Дыр нин бōрдїн. Тырмас, челядь эз коль. Любаша, если тэ ра-дейтлїн менсьым пїѓ Васяѓс и сетлїн кōсїысьѓм, ѓнї мем сет кōсїысьѓм и выполнит, кызди и менам пи Ва-сялысь.

Л ю б а ш а. Сета... А кызди?

А н н а И в а н о в н а. Сувт ме водзō пидзѓс пом йылад, сїдз жō, кызди пи Васякōд сувтлїн, шондї водзō, тōлысь водзō и кодзувъяс водзō...

Л ю б а ш а. Сувта, Ивановна. (*Люба сувтō.*)

А н н а И в а н о в н а. Талуњья лунсянь ме тэныд лоа мамōн.

Любаша. Кута шуны мамён. Қөсйыся, дона мамой!..

Анна Ивановна. Талунъя лунсянь некутшом шогсьом ни бёрдом мед эз вöv, челядь эз коль...

Любаша. Қөсйыся, дона мамой. Ог кут бёрдны, ни шогсыны.

Анна Ивановна. Васькатö, ме төда нин, судитасны, дай оз регыд кезлө, предколхозатö нөйтöмысь. Пукалiгкостi тэ сетан развод.

Любаша. Сета, дона мамой, дыр нин мучитчи.

Анна Ивановна. Воём бöрас ньöти он сибöд гортад, сийö керканыд тэнад батыдлөн стрöнтөм, абу сылөн. Қөсйысян?

Любаша. Қөсйыся, дона мамой.

Анна Ивановна. Но öнi сувт, дона нылöй. *(Любаша сувтö, кыкнанныс кутчысылöны, окасьöны.)*

Занавес. Пом.

ПЕТИС ПЕНСИЯ ВЫЛÖ

Оти акта ворсантор

Ворсысьяс

Мария Петровна — муртса петöма пенсия вылö, зэв авъя нывбаба

Тоня — Мария Петровналөн ныв

Надя — Мария Петровналөн монь

Сват — пенсионер

Митропановна — Мария Петровналөн пöдруга

Степановна — хорөн веськöдлысь

Ветеранъяс — хорын сылысьяс

Первой акт

Восьö занавес. Мария Петровна öтнас пукалö пызан сайын, сэни пуö самöвар, видлалö пенсионной книжка, «Ветеран труда» медаль, и удостоверение медальсыс.

Мария Петровна *(радлö)*. Но вот и олі пенсияöдз, со сетисны пенсионной книжка, кутасны уджав-

төг гортөдз вайны сьомтө. Удж вылын шуисны, Мария Петровна пö сесся шойччышт, 40 во нин уджалін, удж стажыд пö буретш 40 во. Дай вит челядьöс пö быдтін да воспитайтін... Да, өтнам быдтыси, зэв сьöкыд вöлі, лун и вой уджалі, кор тшыгöсь, кор пötöсь... Верöсö война вылад усн да, став челядьöс лон кок йылö сувтöдны өтнамлы. А öні со верстяммисны да пötкаяс моз ставныс лэбисны гортысь, коді кытчö. Со и өтнам коли... А удж вывсянь бура колльöдісны пенсия вылад, уна пöлöс козин сетісны и со — книжка да медаль. Дыр да бур уджысь пö горисполком тэнö наградитö «Ветеран труда» медальön. Тэ пö заслужитін и öні шойччышт. Но öні дерт нин шойччышта, карті гуляйтышта, кино вылö, ныв да пи ордö ветла, тадзи и кута овны. Сё майбыр, оз нин ков некытчö тэрмасьны, көть и лунын водыштла — шойчча, и гортса уджыс абу уна. Сэтшöм рад, көть сьывны горöда... (сьылö.) Кор сьыла ме, ставыс дзик ловзьö.

Мед сьылöмön гажöдчас йöз.

Мед сьылігön шондіыс ломзьö,

А енэжыс сөстөм да лöз.

Кор сьыла ме — пöрысьлун томмö,

Ме сьылігön кузь туйыс дженьдö.

Нэмтö көть мун — он и мудз.

Пырö Марья Петровналön сватыс.

С в а т. Видза олан, сваття! Сьылан тай, быдөн ывлаödзыс кылö.

Мария Петровна. Лок, лок, сватö, шойччы, сьыла со, радла, пенсия вылад петі да, а сьылöмнас и олі и челядьöс быдті...

С в а т. Да, ме кывлі, пенсия вылö пö петöмыд, шойччышт.

Мария Петровна. Лок пуксы, чай ю (кисьтö чай.)

С в а т. Гортад өтнадлы öд зэв гажтöм. Ми гöтыркöд кыкөнöсь и гажтöм овлö. Да ми веськыда кө шуны, огö гажтöма олö, гашкö сёйöмъясьыд омöльдзыка лöб, но сы пыдди зато юыштам да гажöдчам-сьылам... (юöны чай.) Да вот беда, сьыланкывъяссö огö кужö... Тэ вöд, сваття, помнитан, коркө 8 март рытад миянын кутшöма сьылін. Менсьым дыр на юасисны, кодъяс миянын вöліны, кутшöма пö нин сьылысь сваттяыд олö. Сэки на выль мужиктö кодöс босьтлін, Иваныд вöлі ловъя.

Мария Петровна. Да босьтлі тай со сэки, виль мужик, мися гашкӧ, челядьӧс быдтыны отсыштас. А нинӧм пӧльза эз вӧв, пыр юнс. Да еще челядь вылӧ вӧлі воӧ. Ыджыд пикӧд вӧлі оз ладмыны. Коркӧ ӧтчыд пий мунӧ школаас пионерскӧй сбор вылӧ, мича пасьтасьӧма. А сийӧ кутіс код юрнас шуны, пырт пӧ пес пач ломтыны да вӧлись мун, и кучкис пилы. А пи сэсса сы вӧсна боксӧрӧн лон... Пи вӧлі шулывлӧ, уна кучкӧм пӧ дядьлӧн мем эз веськавлы.

С в а т. А сийӧ сэсса регыд и оліс, кынмыліс, буракӧ, лымийӧ.

Мария Петровна. Да, кӧнкӧ удж бӧрас ӧна юӧма да туй вылас и кынмӧма, кӧдзыд тӧлыс сэк вӧлі да. А сэктӧ 8 мартад сийӧ ловъя на вӧлі. Мем шуӧ, нывбаба праздниктӧ пӧ гортын празднуйтам. Ме удж выльсь воигкежлӧ пӧ ньӧб водка бутылка.

С в а т. И тэ ньӧбин? А мыйла нӧ мянӧ ӧтнад локтін? И зэв ӧна сьылін мянын.

Мария Петровна. Сэки ме сийӧ виччыси. Эз во, и эз во. А сэсса воис, кок йылас оз вермы сулавны, код. Сувтіс ӧдзӧс дорӧ пельӧсас да сулалӧ. А ме шуа, мися, кӧть мед талун 8 март кузяыс эн ю, ме со ньӧби бутылка, а тэ садьтӧм код... И мем шуӧ, ме пӧ код? Вайӧд пӧ экспертиза. А ачыс сэсса сэтчӧ джоджас и уси, унмовсис. И ме тиянӧ, сват, бутылканас локті.

С в а т. Тэ сэк мянын узин, буракӧ?

Мария Петровна. Да, узи, волі гортӧ да игана, эз кывны челядьӧй, а сийӧ садьтӧм код. А мӧд луннас, рытнаӧ, висьталӧ мужикӧй, мян пӧ удж вылын мужикъяс шуӧны, ӧтилӧн гӧтырыс воӧма 12 часын, мӧдлӧн час войын. А ме пӧ налы шуа: ланьтӧй ті. Менам пӧ гӧтырӧй первенство босьтіс, воис пӧ 7 час асыв... Да... быд ногыс олі...

С в а т. А ме вӧд локті тиянӧ тэиӧ корны. Со ньӧби бутылка. (*Кыскӧ зепсьыс бутылка.*) Лок, мунам мянӧ, волывлыны кут. Тыртчӧмӧн кутам юыштны и гажӧдчыны-сьылыштны. Зэв гажаа кутам пӧратӧ коллявны.

Мария Петровна. Зэв ыджыд аттьӧ эськӧ корӧмсьыд. Но мый нӧ тэ, сватӧ, ме жӧ некор эг юлыв винасӧ, ачyd тӧдан.

С в а т. Мый нӧ эн юлыв, уджалігад ӧд он вӧлі вевъяв. А ӧні удж вылӧ оз ков мунны, сӧмын юышт ми моз. Юӧмнас став шогыд бырлӧ-палялӧ.

Мария Петровна (*сералӧ*). Но, сватӧ, петкӧдлін серамӧс. Сэсса нӧ пенсня вылӧ петі да юны кута.

О-ог... ог... Ті нин ас костаныд гётырыдкөд юыштөмнад гажөдчөй. Ме ог лок юанінад. Энөй и виччысьөй.

С в а т. Но он кө вөд, мырдөн ог жө кыскы. (*Бөр бутылкасө сүйө зептас.*) Ми вөлі көсьям тэн бурөс вөчны, медым гажаджыка олін-а... Но инө, мөдысь аддзысь-лытөдз. (*Петө.*)

Мария Петровна. Вот мый мөвпыштөмаөсь, юны пө оз-ө лок? Вот дивөйд. Ог...

Пырө Митропановна, пөдругаыс.

Митропановна. Видза олан, дона пөдруга. Важөн нин эг аддзысьлөй. Кывлі, пенсия вылө тэ петөмыд. Мый нө сэсся думайтан вөчны?

Мария Петровна. Шойччыштны көсья, шойччыштны.

Митропановна. Дерт өд сідз, но, гашкө, пөраыд өтнадлы гортад кузь лоө, да гажтөм лоө...

Мария Петровна. Ог төд... Уджыд век мыйкө лоө. Лок, чай кисьта, юам. (*Кисьтө чай и юоны орча пуксьөмөн.*)

Митропановна. Помнитан, пөдруга, коркө «Проводы зимы» празник дырйи площадь вылын карын, кызд тэ сьылін?.. А кызд йөзыс горзісны: ещө! Свиститісны тэнад коми сьыланкывъяс вылад, а бөрын качайтім тэнө — мичаа сьылөмсьыд.

Мария Петровна. Да, сідз вөлі, помнита. Сулалам площадь вылын йөз пөвстас, а йөзыс... уна-а-а. Площадь вылас вөчөмаөсь сцена кодьөс, кысянь выступайтөны, сьылөны, йөктөны и стихъяс висьтавлөны. Но ставсө рочөн. А ме тіянлы шуа:— Мися, ме кө эськө кайла сэтчө сцена вылас, коми сьыланкывъяс сьыла. А мен шуөны, слабо пө, сэні сьывны. А ме заклад варті и муні сцена дорад... Сэні мужичөй объявляйтө и мем шуө, мый пө тэн, гражданочка, колө. А ме шуа сылы, мися, коми муын олам. Тані видзөдысьясыс пөшти ставыс коми йөз, а ті ставсө рочөн сьылад и стихъяс висьталад. Коми йөзлы колө коми кыв, найө радейтөны асьыныс рөднөй коми кывсө и сьылөмсө!

А сійө мен шуө, но пө, инө, кайлы татчө. А он пө позоритчы?.. А ме шуа, мися вөд позоритчыныс тожө ог көсйы та мында йөз водзас, надея кө абу.

Но пө, сідзкө, репетируйтышт гудөкасысьыскөд. И вит минут мысти менө объявитөны.

Митропановна. Мый нин первой сьылін?

Мария Петровна. Нёбдіна Витторлысь «Ад-
дзысьлан тай». (Сьылд.)

Вөрөд, ягөд ветлөдлі,
Рыжик, ельдөг вотлывлі.
Тшак вотыськөд окасьлі,
Вотчигтырйи вочасьлі,
Зэв топыда кутчысьлі,
Полігтырйи окасьлі.

Чери кыйны ветлывлі.
Сьökыд тöня кыскывлі,
Войкөвъяснад ветлігөн,
Бипур дорад узьлігөн,
Зэв топыда кутчысьлім,
Гусьöникөн окасьлім.

А кор помалі — йöзыс горзöны, клопайтöны, свиститöны,
ещö пö, ещö. Сэк меным и шуö объявляйтысьыс, ноко
пö, ещö вай сьыв коминад.

Ме сэн ещö сьылі «Көн лоам ми», «Қор ме вöлі кызь
арöса» и важ сьыланкыв «Зарни чунькытш». А йöзыс
пыр на корисны, молодец пö, ещö пö! Ещö! Куті мунны
асланым йöз дорö, йöз пöвстыс, да коді кутлö, коді
окалö, сэтшöма налы колö коми сьыланкывъясыс... А
вои ті дорö да менö качайтінныд ки вылад.

Митропановна. Да вöлі быдтор, сәки ми том-
джыкөсь на вöлім. А ме вөд тэ дорö локті тожö могөн,
мися, мем тöварыш лоан, Қөчпон вичкоö кутам ветлы-
ны öтлаын мекöд енлы юрбитны. Тэнад гөлöсыд зэв ми-
ча да кутан вичкоас клирос вылас молитваяс лывкйөд-
лөмөн сьывны.

Мария Петровна. Мый тэ, Митропановна, ме
жö некор весиг вичкоас эг пыравльы, енлы эг верит-
льы... Да и енмыс, гашкө, абу.

Митропановна. Мый нö сёрнитан, пöдруга, ен
абу! (Юрбитö.) Свят, свят, господи! Мый шуан?

Мария Петровна. Но инöсь тэ, сідзкө, аслад
енмыдлы öтнад ветлы да юрбит, а ме тиянкөд ог öти
туйөд мун. Менам сэтчö немтор эз коль.

Митропановна. Но-о, он кө и эн, ог мырдөн
кор. Тэ тай со он пов ен ёрөмсөд-а. Енмыс кө накажи-
тас, казялан и веритны кутан. (Юрбитегыр петö.)

Мария Петровна. Дивö тай тайö, öти юны ко-
рö, мөд клирос вылын вичкоын сьывны. Мем гортын зэв
лөсьыд, шойччышта.

Пырö На д я моньыс. Öти кнас кутö зэв ыджыд ноп, а мöд кнас ичöтджык ноп.

На д я. Видза олан, энька-мамö. Ми кывлím, пенсия вылö пö петöмныд... Да ми, гозъя, ёна и радлím. Мися, вöлись миян олöмыс воссис, миян быттö бордъяс быдмисны. Тэ öд сэсся лун-лун гортын лоан, вöчныд немтор, удж вылö ми моз оз ков, майбырöй, мунны. Öдва кыски со. (Пуктö нопъяссö да индö.) Вайи ыджыд нопъяс пеласянъяс, тэныд öд немтор вöчныд, да весь олгмозыд пелыштан миянлысь няйт кöлуйсö.

М а р и я П е т р о в н а. Но-о, пеласян вайин? Аслыд некор. Мый нö... сэсся öд бөр он ну... Пеласьышта инö... сэн нö мöд нопъяс мый?

На д я. Танí со вурсян вайи. Нывкалы платтö колö вурны, пины — дөрöм, аслым — ковта, пины — трустик! Öни тэ лун-лун кутан весь овны гортад, да ог нин мастерскöяс ну, сэтчö öд бара вурсьöмсьыс сьöм ковмас мынтыны, а тэ вöд челядьлы рöднöй баб лоан... Дон он босьт, сідз вуран...

М а р и я П е т р о в н а. Но... кутшöм дон, шогмас кö, ставныдлы вурала, вайин кö, бөр он нин ну гортад.

На д я. Сэсся рытъяснас вольвльы миянö, челядьöс видзны, ми кутам рытъяснас гозъя ветлыны кино вылö, театрö, гöститны. А гожöмнас мунам югö — шойчыны, тэ горт олан челядькöд.

М а р и я П е т р о в н а. Но, мыйöн верма, отсавны кута.

На д я. Ещö мыйкö кöсья юавны да...

М а р и я П е т р о в н а. Но, юав... Мый нö?..

На д я. Мися, тэ öни пенсионерка, тэныд некытчö мунны ни вöччыны оз ков. Виль мича еджыд нейлон ковтадö, мися, меным он-ö сет?..

М а р и я П е т р о в н а. Нейлон ковтаöс? Гашкö, аслым на ковмас кытчöкö пасьтавлыны.

На д я. Кытчö нин тэ мунан? Пукав гортад, халаттö пасьтав да вöччöм тэныд, баблы, оз ков. Сэсся тай ньöблín шерстянöй отрезтö костюм вылад, тэ кытчö нин костюмнас мунан, сет пныдлы, вурам сылы костюм, югö ветлгкежлö, мед тшапитчас тэ ньöбöм костюмön лун-вылас.

М а р и я П е т р о в н а. Но... тí нин ставсö мöвпыштлínныд, кыз мем овны, мый кодлы сетны. А ме ещö эг на мöвпышт ни артышт. Олыштам да видзöдлам. (На д я нопъяссö кольö и петö.) Майбырьяслön, олöм пö вос-

сис, а мōдарōсō оз юавны? Оз-ō пō ков мыйкō, мамō, тэн отсыштны ли ньōбны. А ставсō вай да вай, да вōч.

Пырō Тоня.

Тоня. Видза олан, мамō, донаōй! (*Кутыштлō мамсō.*) Но, кыз сэсса, удж вывсяньыд бура колльōдисны пенсия вылад?

Мария Петровна. Бура, бура, дона нылōй, гōснечьяс сетисны, «Ветеран труда» медаль и. Бура да дыр уджалōмсьыд пō. Медальясыд эськō менам эмōсь нин да, кык-ō-куим, да сідзи и куйлōны. Но, Тоня, лок пуксы да чай кōть ю. (*Лōсьōдō пызан вылō сēян.*)

Тоня. Ме со тэн вайи жō гōснечсō, сумкаас мыйсюрō сēянторъяс вайи и. (*Перъялō сумкасьыс кōлач, печенньō пачка и бумагаō гартыштōм ёкмыль.*) А тані со ньōби тэныд шерстянōй чышьян, мича чветъяса, новлы на здоровье, эн вись, эн пōрысьмы. (*Чышьянтō навкнитō мамыслы юр вылас и бара кутлō и окалō мамсō.*) А тайō нō мый? Кык ноп? (*Индō нопъяс вылō.*) Отныс мый ыджа.

Мария Петровна. А тайō Надя моньō тай вайис пеласьны, съōд кōлуйнысō. Шуō мем, тэ пō оні лун-лун кутан весь овны да мянлы пō кутан пеласьны.

Тоня. Пеласян вайис?! Вот тайō да-а... Ачыс нō мый кутас вōчны?

Мария Петровна. Ми пō кинō вылō да театрō кутам ветлыны, тэ пō рытъяснас мянын челядькōд кутан овны. Дай ещō костюм дōраōс и нейлон еджыд ковтаōс корō менсьым.

Тоня. Но и Надя, мед асьныс ньōбасны, нинōм эн сет. И, мама, некутшōм удж эн примит сылысь, асьныс мед пеласясны. Да нōшта ковта да костюм дōра ковмōма, эн сет, а ачyd вōччы-пасьтась бурджыка да лунъяснас гуляйт картис, ветлы кино вылō, театрō, пасьтав медся буръяссō, мый эм тэнад, шойччышт, тэ заслужитін сійōс, 40 во, буракō, лои уджалōмыд, пыр съōкыда олін-уджалін, быдтін мянōс.

Мария Петровна. Да сідз, донаōй, быд ног олі, съōкыда олі, 40 во уджалі.

Тоня. Мама, тэ кужан зэв уна важ коми сыланкывъяс, тэнад, буракō, веснг песенникыд абу?

Мария Петровна. Абу гижалōма некытчō, ставыс менам юрын, дерт, эськō, колō гижавны да; мед

кула да ті кутінныд тōдны, кутшōм сьыланкывъяс сьыв-
львліс тіян мамныд.

Тоня. Вот тэнад өні кадыд эм. Мед кольō миянлы
и миян челядылы став тэнад сьыланкывъясид. Да, ма-
ма, кывзы, эм карас ветеранъяслōн хор. Зэв гажаа олō-
ны, петкōдлōны концертъяс. Мун на дорō, сьыв, тэнад
гōлōс эм, сьывны кужан. Менам тōдса пōдруга весь-
кōдлō сійō хорнас, ме сёрнитла ськōд и мед сійō бось-
тас и тэнō хорас. И кутан сэтчō ветлыны, сьывны на-
кōд. Бура пасьтасьōмōн мун да гажōдчы накōд, кōть
өні шойччышт.

Мария Петровна. Кысь ме аддза налысь хор-
сō, кытчō найō чукōртчывлōны.

Тоня. Ме аддзōдла, мам, пōдругаōс. Степановнаōн
шуōны, сійō мед ачыс волас тэ дорō. Но, мама, ме тэр-
масы, муна.

Тоня петō.

Мария Петровна. Со өд аслад нылыд жō мый-
кō вайыштас да жалитыштас-а. Со кутшōм мича шер-
стянōй чышьян вайис и. А моньыд уджсō вайō, а гōс-
нечсō пыр вунōдō вайныс. (*Идралō пызан вылысь сёян
дозмук.*)

Пырō Степановна, хорōн веськōдлысь.

Степановна. Бур лун тіянлы, видза олад! Мария
Петровнаōн, буракō, тіянōс шуōны?

Мария Петровна. Сідз, сідз. Локтō шойччō,
пуксьōй улōс вылас. (*Сетō улōс.*)

Степановна. Ті Тонялōн мам лоанныд? Бур да
тōлкōвōй ныв сійō тіян. Менō нылыд мōдōдіс тіян до-
рōдз.

Мария Петровна. Но и Тоня, кōсйис өд, ме пō
сёрнитла... Сідзкō, лоанныд ветеранъяслōн хорнас весь-
кōдлысьыс ті?

Степановна. Да... Ме... Менō шуōны прōстō Сте-
пановнаōн. Ме локті корны тіянōс хорō сьывны. Миян
хорын кызысь унджык морт, ветеранъяс. Гажаа кол-
лялам прōст кад, нуōдам репетицияс, важ и выль сьы-
ланкывъяс велōдам, сьылам. А сэсса выступайтам, пет-
кōдлам концертъяс, кытчō корасны, а уналаō корōны,
некытчō огō тырмōй. Тоня нылыд шуō, ті пō зэв радей-
танныд сьывны и уна тōданныд. Миян сэтшōмъясыс
колōны хорō.

Мария Петровна. Да, радейта съвнытö, сійөн и ассым олөмөс кокньодлі, мукөддырйи бөрдсө, а горда съвны и шогөй палялө. А челядьöй вöлі посни да то висьоны, то доймөмаөсь, то тшыгось, и ме налы заводита съвны и найö быттьö сразу кызкө вежсьоны, бурмөны, бурдөны, лантьоны. Но зэв ыджыд аттьö тиянлы корөм вылад. Ог öткажитчы, локта инö.

Степановна. Миян ветеранъяслөн асланыс форма. Съод сарафан да еджыд ковта, и медальяс — эмөсь кö.

Мария Петровна. Эм кык-куим медаль да öнi со нöшта сетисны «Ветеран труда» пенсия вылө петигөн.

Степановна. Но вот и бур. Съод сарафанад öшлөй медальястö и локтöй талун жö миян хорö. Ми кутам виччысьны.

Мария Петровна. Локта, локта. Зэв ыджыд аттьö тиянлы, Степановна, корөмсьыд. Талун жö и локта.

Степановна петö.

Занавес.

Недыр мысти воссьö занавес. Сцена вылын сулалö ветеранъяслөн хор. Ставныс найö съод сарафанаөсь — медальясаөсь, еджыд ковтааөсь, кöсьöны заводитны съвны. Степановна найö водзвылын. Пырö Мария Петровна съод сарафана, медальяса, еджыд нейлон ковтаа.

Мария Петровна. Видза оланныд!

Степановна. О-о, локтöй локтöй, Мария Петровна. *(Иöзлань.)* Миян хорö локтiс содтöд ёрт. Виль съылысь ветеран. Шуöны Мария Петровнаöн, зэв авъя бур нывбаба. Кужö уна сыланкывъяс, гөлөсыс бур. Лок, Мария Петровна, сувтöй миян ветеранъяс радö. *(Сувтöдö Мария Петровнаөс съылысьяс радö.)*

Хор заводитö съвны

ҚЫВБУРЪЯС

Ичӧтдыр

Ичӧт дырйи овлі лёка,
Гажлун ме эг тӧдлы,
Быдмим уна чоя-вока,
Овлім частӧ тшыглы.

Бать-мам зіля уджавлісны,
Удж некор эз бырлыв.
Бдждь семья, посни челядь,
Нянь некор эз тырмыв.

Ещӧ сэтчӧ война лоис,
Батьлы ковмис мунны.
Сэки коньӧр дона мамлы
Ёна ковмис бӧрдны.

Коркӧ эськӧ батыным воис,
Раненӧй — калека.
Ичӧтсянь челядьлы ковмис
Корсьны удж-нажӧтка.

Бара сэтчӧ мамным висьмис,
Бурдӧмыс оз тыдав.
Посни челядь горзис-бӧрдис,
Шог миян эз помась.

Дыр да ёна висьӧм бӧрын
Миян мамным куліс.
Кӧдзыд тӧвся турӧб войын
Олӧм сылӧн кусіс.

Қолим посни сизим челядь,
Гортын абу немтор.

Ставлы ковмис мунны гортысь,
Кыськӧ корсьны няньтор.

Кор нин лоины колхозъяс,
Олӧм вӧлись бурмис,
Сӧвмим, быдмисны и бордъяс,
Олӧм миян ладмис.

Уна чой-вок пиысь быдӧн
Ассьыс шудсӧ аддзис,
Ӧти учитель, мӧд-врачӧн,
Вок трактористӧн лоис.

Быдӧн шуда, олӧ бура,
Семья ставлӧн лоис.
Татшӧм бур да гажа олӧм
Мниакӧ таӳ воис.

Салдат воис гортӧ

Зарни шонді гажа петіс,
Ловзис ставнас Коми му.
Туй кузя машина тӧвзис,
А туй пӧлӧн уна пу.

Машинанас гортас локтӧ,
Дыр ветлӧм бӧрын, коми морт,
Гӧра йылын сикт тыдалӧ,
А сиктас сәні сьлӧн горт.

Том зонкаӧн гортсьыс мунліс,
Ылын ветліс, дыр эз вӧв.
Война вылын пыр косясис,
Косьын вӧлі уна пӧв.

Повтӧг пырліс сійӧ биӧ,
Уна кисьтліс сәні вир.
Эз веськӧдчыв враглы киӧ,
Найӧс веніс косьын пыр.

Би пыр, ва пыр сійӧ муніс,
Чегъясьліс сьлӧн ки и кок.
И ловйӧн сійӧ гортас воис,
Кӧть уна тӧдліс курыд шог.

Со и сикт, со бaтьлөн керка.
Сувт татчө керка дорас — стоп!
Восьт өдзөс и пета ме пелька,
Вай өдийö сэтысь менсьым ноп.

Тан бaть-мам, тан ме чужлі,
Тан школаө котравлі ме.
Тан первой радейтчөм ме төдлі,
И тасянь мунлі коркө ме.

Машина сувтис керка дорө,
Тэрыба петис коми морт.
Өдзөсө йиркөдө зэв яра,
Сы водзын сылөн рөднөй горт.

Веськыд кокнас сийө чотис,
Ёна вежсис чужөмбан.
Ранаяслөн места төдчис,
Чужөм вылас вөлі шрам.

Морөс вылыс сылөн вөлі,
Медальясөн ставыс тыр.
Гөрд звездаыс би моз өзйис,
Ленин орден югзис пыр.

Тэ миян пи, тэ вокным миян,
Тэ воин гортө, дона пи.
Радпырысь окалісны ставөн,
Кутлісны, топөдлісны ки.

А зарни шонді яра ломзис,
Снис ставлы шуда лун.
Рөдинаөс врагысь дорйим,
Вонс со Победа лун!

Кор сылам ми

Кор сылам ми, ставыс дзик ловзё,
Мед сылөмөн гажөдчас йөз.
Ми сылігөн шондіыс ломзё,
А енэжыс сөстөм да лөз.

Салдатө другыд кө мунө,
Сылөмөн колльодам пыр.

Граница видзиг мед кылö,
Сьылöмсö оз вунöд дыр.

Свадьба лун, ставыс со сьылö,
Быдöнлы долыд да рад.
Том гозъялөн олöмыс лöб,
Мед любовь, да сöвет, да лад.

Кор сьылам ми, пöрысьлун томмö,
Ми сьылигөн кокняммö удж.
Ми сьылигөн кузь туйыс дженьмö,
Нэмтö кöть мун, он и мудз.

Ми сьылам, ми гажöдчам, сьылам.
Коми йöз, микöд тшöтш сьыв!
Ми сьылам, ми гажöдчöм кылам.
И сьылам ми бур сьыланкыв.

Тувсовъя

Кутшöм кузя нюжöдчöма туйыс,
Кутшöм паськыд совхозыслөн му.
Кутшöм вылын енэжыслөн тасыс,
Кутшöм визув миян Эжва ю.

Локтö бара Коми муö тулыс,
Локтö кузь лун, локтö югыд вой.
Локтö туйысь менам дона нылöй,
Локтö менам медся радейтанатор.
Локтö менам сьöлöм гаж и дой.

Потшöс дорын

Миян гажа сиктын
Уджаліс том ныв.
Ывла вылын рытын
Сьывліс сьыланкыв.
Кажитчис мем сьылöм,

Сылөн серамбан.
Вөрзис менам сьöлöм,
Öзйис чужöмбан.
Рытнас сэтчö волі,
Гортас локтас кор.

Потшӧс дорас лолі
Сьӧлӧм вылын нор.

Пыригмозыс сувтліс
Ме дорӧ том ныв.
Меліа мем шуліс:
«Вай сьылам сьыланкыв».

Вӧлі сэтшӧм муса
Рытъя ывла выв.
Нэм чӧж дась ме нывкӧд
Сьывны сьыланкыв.

Ломзялысь тӧлысь

Кӧсья сьывны тэд баййӧдлан кывъяс,
Мед эськӧн чӧскыда унмовсин, мед.
Ме кӧсья вой чӧжыс тэ дінын сулавны,
Кытчӧдз лӧз енэжӧ шонді оз пет.

Лоа ме, юлы моз, тэд джуджыд берегӧн.
Лӧня мед визувтіс пармаса ю.
Лоа тэд войын ме ломзялысь тӧлысьӧн,
Туйясад некор мед шогыс эз су.

Виччысьӧм

Эжва берег дорын,
Кӧні паськыд видз,
Невеста кодь быдмис
Мича-мича кыз.
Кыз дорас сэн вӧлі
Ыджыд-ыджыд мыр.
Мича ныв том зонкӧд
Сэн пукавлісны пыр.

Эжва дорса кыздлӧн
Арнас уси кор.
Муніс армияӧ
Нывлӧн донатор.
Частӧ нылыд гижӧ,
Зэв пӧ гажтӧм мем.
Кор тэ гортӧ воан,
Оз ло шогыс мен.

Ответ воліс частö:

Эн пö шогсы тэ.

Регыд воа гортö,

Гижлыв частö мен.

Кöть и абу война,

Суис ыджыд шог:

Граница видзиг войнас,

Зонмöс виис враг.

Эжва берег дорö,

Мича кыз пу көн,

Частö волö том ныв

И синва лэдзö сэн:

«Шогсö менсьым пальöд,

Мича кыз пу, мойд,

Том ныв чужöм банысь

Косьты синва войт».

Некор оз вун

Шулісны менö шуда нылөн,

И збыльысь вöлі шуда ме.

Донай шуліс зарни тугйөн,

Быд рыт öтлаын вöлім ми.

Қор кино видзöдны ми ветлім,

Қор клубын рытивбыд йöктім ми.

А сэсся колльöдліс горт дорöдз,

Окыштіс, топöдлывліс ки.

Сетім көсйысьöм öта-мöдлы,

Нэм чöж öтлаын овны мед.

Мед шог некутшöмöс эг тöдлы,

Тэ лоан менам, зарни, тöд.

Но лои война — сьökыд вояс —

Янсалим муса зонкöд ми.

Нуисны война вылö сійöс,

Öтнамөн шөгөн коли ме.

Война вывсьыс бöрсö эз во,

Геройөн пöгибнитіс сэн.

Донаторйöй менам эз ло,

Көн тэ, муса зонмöй, көн?

Шудтöмөн, тай, менö вöчис,

Сэсся тан көть кызди ов.

Сыкöд öтлаын война вылас

Куліс тшöтш менам любовь.

Том и мича, ола ѳтнам,
Кѳть мукѳд зонъяс эмѳсь тыр.
Некодѳс радейтны ог вермы,
Из кодъ сьѳлѳм менам пыр.
Кѳні нѳ тѳ, кѳн дона зонмѳй?
Кытчѳ мунін-вошин тѳ.
Тѳ вѳлін менам олан гажѳй,
И некор тѳнѳ ог вунѳд ме.

Мамлы

Мыйкѳ тай, мамѳѳй, шога зѳв пукалан,
Лѳз синъястѳ лѳдзѳмыд муѳ.
Чужѳмыд стрѳг, ѳти местаѳ видзѳдан,
И быттьѳкѳ сьѳлѳмыд пуѳ.

Гашкѳ, тѳ мѳвпыштін ичѳтдыр кадтѳ,
Кутшѳм сьѳкыда быдмывлін тѳ.
Вит арѳн колин тѳ батытѳг да мамтѳг,
Мелілун эн кывлыв тѳ.

Унаысь узыныд сѳйтѳгыд водлін,
А кодзыдыс кынтіс ки-кок.
Уджалін, велѳдчин, кок йылѳ сувтін,
Эз отсав весиг тѳд вок.

Ѳбедтѳ эн сѳй да кѳм-паськѳм лѳсьѳдін,
Ас кинад вѳчин быд удж.
Мед эськѳн йѳз кодъыс паськѳма вѳлін,
Кѳть уна тѳд сюрлывліс мудз.

Ѳні со нюмъѳвтін, донаѳй, мамѳй,
И быттьѳкѳ керкаѳ югыдыс воис.
Ми вылѳ видзѳдлін меліа, мусаѳй,
И мянлы гажаджык лоис.

Дум вылад, гашкѳ, усис том кадыд,
Кыз том дырйи радейтчин тѳ.
Быд зон эськѳ рад вѳлі тѳдмасьны тѳкѳд,
А зонъяссѳ бѳрйивлін тѳ.

Миянѳс быдтін да кок йылѳ сувтѳдін,
Некор тѳ шойччѳг эн тѳд.
Лун и вой уджалін, миянѳс велѳдін,
Ставѳн бур йѳзѳн вѳлімѳ мед.

Ѳні вай шойччышт, бур мамѳй,
Ог вунѳдѳй тѳнѳ ми нѳм.
Ло пыр тѳ бурѳн, дзоньвидзаѳн, мусаѳй,
Сиа м тѳд бур шуд, кузь нѳм.

КОМИ СИКТСА АНЬ

Поэма

Муса коми аньöй,
Гижöд сиа тэд.
Тэнсьыд сьöкыд олöм
Том йöз төдас мед.

Кызди война кадö
Мырсин-пессин тэ,
Сувтін салдат радö,
Тылын — водзын тэ.

Тэнад посни челядь —
Кык ныв да кык пи.
Колö налы сёйны,
Кынмö кок да ки.

Муса коми аньöй,
Олöм эз вöв шань.
Юрсьыд шальтö сетін,
Вайин кусöк нянь.

Водз асывсянь рытöдз
Гöрин-көдзин му.
Выныд тырмис кытчöдз,
Пөрöдін тэ пу.

Мусö гөрны вöлыс
Эз вöв кодыр тэн,
Отувтчöмön гөрсö
Кыскид, аньяс, сэн.

Верöсыдлысь уджсö
Вöчин, коми ань.
Новлін киссьöм паськöм,
Зэв пö меным шань.

Ныж гөрбушön лунтыр
Ытшкин вутшка видз.
Оз шамыртчы кабыр,
А юрыд висьö сідз.

Юртö он и лэптыв,
Киад тырыс гадь.
Водö пырей турун,
Пөрö посни бадь.

Обед кад кор воас,
Сёйыштан роктор.
Унджык медым лоас,
Содтыштан шомкор.

Лысва усьöм бöрын
Мудзöм тэ он кыв,
Мöвпалан: «Мый гортын,
Кызд нин оліс ныв?»

Нылыд гортад висьö,
Огыр кодь дзик дон.
Тöрыт ичöt пилысь
Коксö курччöм пон.

Найöс колö вердны,
Шуны мелі кыв.
Батьлысь эз-ö вайны
Письмö — көть кык кыв.

Дыр нин письмö абу,
Мыйкö эз-ö ло?
Көть нин челядь вöсна
Бөр тэ гортö во.

Шойчөм пыдди гортад
Уджыд керка тыр.
Гортса уджыд тэнад
Некодыр оз быр.

Вуран нывлы платтё,
Дөман пились гач.
Тэрыба джодж мыскан,
Өдйө ломтан пач.

Чипаныд на вердтөм,
Лысьтытөм на мөс.
Керка бокысь киссьөм,
Разалөма тьөс.

Черөн петін, кылө,
Сөмын шкув да шков.
Бывла вылыс пемыд,
Некодысь он пов.

Дрөжжитө нин кийд,
Ёна мудзис кок.
Висьө тэнад коскыд,
Сутшкө тэнад бок.

Водлы, дона аньёй,
Шойччышт, муса мам.
Узышт, зарни, шаньёй,
Лоин нин зэв рам.

Қор тэн юөр воис,
Кодысь полін пыр,
Верөсыд пө усис,
Бөрдін сэки дыр.

«— Қывзёй, дона пиян,
Мый висьтала ме —
Эз ло батынды тиян,
Қыз нө олам ми?»

Батынды война вылын
Қосясис нин дыр.
Збой геройөн бойө
Ветліс сійө пыр.

Бөръя косьын сійө
Взорвитіс кык танк.

Ачыс пырис биө,
Мед немец эз ло тан.

Лоёй батынды кодьөн,
Дона челядь, ті
Уджын, велөдчөмөн,
Водзын ло ныв-пи.

Сьөкыдысь эн полёй,
Венёй любёй удж.
Йөзлы бур вөчөмөн
Некодыр он мудз».

* * *

Война важөн колис,
Өдйө мунө кад.
Олөм ёна бурмис,
Быдлаын дзик лад.

Челядьысыд лоис
Ставыс зэв бур йөз.
Сьөд кымөрыс вешйис,
Енэж лои лөз.

Қолхозөн веськөдлан
Зэв нин уна во.
Морөс вылад новлан
Ленин орден со.

Депутатскөй книжка
Сьөлөм бердад пыр,
Қөть нин ачыл пөрысь,
Дзормөм юрси тыр.

Муса коми аньёй!
Сиама тэныд бур.
Тэнсьыд сьөкыд уджтө
Ог вунөдөй дыр.

Зэв нин уна гижы,
Сэсса гижны шань.
Ставыс тэныд аттьө,
Муса коми ань!

ВАЖ ФОЛЬКЛОРНОЙ КОМИ СЫЛАНКЫВЪЯС

Зарни чунькытш

Вөлі кө менам, да милӧй друг,
Да муніс тай сійӧ, да зэвсьысь-зэв ылӧ
Да нуис тай сійӧ, да меліа кывсӧ.
Колис вӧд сійӧ, да зарниа чунькытш.
Да лунын ме сійӧ, да шӧр чуньын новла,
Да войын ме сійӧ, да юр улӧ пукта.
Рытъя кө вода, да синваӧн бӧрда,
Да асья кө чечча, да синваӧн мысся.
Вөлі кө менам, кык пухӧвӧй пӧдушка,
Да ставнас тай сійӧ, синваӧн кӧтасьӧма,
Да вӧлі кө менам, соболинӧвӧй ӧдеялӧ,
Да эз тай нӧ шонты, да менсьым морӧсӧс
Да эз тай нӧ нежит, да нежнӧй яйӧс.
Да лэбзя кө, лэбзя, да ас милӧй дорӧ,
Да пукся кө, пукся, да сы кильчӧ вылӧ.

Сад йӧрын

Сад йӧрын пӧ ныв гуляйтӧ,
Сэтчӧ зон воывлӧ, да.
Зонмӧ, зонмӧ, молодечӧ,
Шоча тай воывлан.
Да рад пӧ эськӧ ме воывла, да,
Нинӧмӧн козьнасьны.
Да Питерас нӧ ме ветла, да,
Дона козин вая.
Да дона козин, кык козин
Да кумач, да китайка.

Да кумачу я не хочу да,
Китаек не надо,
Кызд любитан, сідз любит,
А ньоб мен эзысь чунькытш.

Асья кыа водз лэбалө

Асья кыа, да кыа водз лэбалө
Да рытъя кыа, да кыа сёр лэбалө,
Да лэбалө, да ва вылын пыжаяс,
Ва вылын пыжаяс кывтöны.
Кывтöны да сынысьясыс-бöжалысьясыс
Да сынысьясыс-бöжалысьясыс — том молодецьяс.
А пыж шöрас пукалысьясыс,
Да пыжас пукалысьясыс — мича нывъяс.
Мича нывъяс, да найö сьылöны,
Да найö сьылöны да гажа, гажа.
А вадорын да ныв гуляйтö,
Да вадорын ныв гуляйтö да и бöрдö.
Да и бöрдö, да кокас тупель.
Кокас тупель, да бöр вылас талялө.
Тальялө да юрас чышъян,
Да чышъянсö вошталө.
Да этайö чышъян, чышъян мем абу жаль,
Да жаль мен сöмын, да муса другö.

Рыт нин воис

Рыт нин кутис воны, кельдöдис турун йыв.
Эз лок, эз лок милöйöй, ветла ачым динас.
Муна ме — кызд төв жургö, туйсö муртса аддза.
А сьолöм менам доймö, пыр матö матысмö.
Вои ме кильчö вылас, таркниті звöноксö,
И сийö жö минутас служанкаыс петис.
Пыри ме комнатаас, аддзи ме милöйöс.
Пукалö диван вылын, окалö мөд нылöс,
Милöйöй, тэ милöйöй, пöръясьлысьöй менам.
Пöръявлін менсьым сьолöм, и мөд динö мунін.
Пöдруга, тэ пöдруга, мырддин тай век кежлö,
Но радейт менсьым милöйöс, кызд радейтлывлі ме.

Гöтырöй оз любит

Менö гöтырöй оз любит,
Да крöвать вылö узьны оз лэдз.
Да койка вылысь менö йötкис,
Да киöй-кокöй менам чегис.
Веж кудриöс кö ме шыра,
Да сундук пиö сийö пункта,
Да ва горулыс сийö лэдза.
Мича нывъяс пожъясьöны,
Сундук сэтчö менам эз сувт.
Да том ичмоньяс пожъясьöны,
Менам сундук сэтчö сувтис.
Да öти ичмонь сийö босьтис.
Веж кудриöс менсьым аддзис,
Да морöс бердас топöдыштис
Тэ пö менам донаторийöй.
Да тэ пö менам сьölöмшөрöй.

Шогсьысь ныв

Қор ме вöли кызь арöса,
Ме вывтi вöли збой,
Лёк керкаö, важ керкаö
Ме ветлывлi быд вой.

Ме мыйла сэтчö ветлывлi?
Сэн олис мича ныв.
Эз некор сийö гажöдчыв,
Эз серав ни эз сьыв.

Пыр пукалис, пыр думайтис,
Мый думайтис, ог тöд.
И öтчюд менсьым юалис,
Тэ туйö он-ö мöд?

Вай мунам татысь ылöджык,
Мем танi вывтi шог.
Ог вермы овны танi ме,
И бөрда лун и вой.

Лёк йöз вылö эн видзöд тэ,
Лёк йöзлы кутшöм мог,
Дай любит менö ёнджыка,
Дай некодысь эн пов.

Ме буродлі, ме шуавлі,
Пыр шогсис мича ныв.
Ме ачым сэсса жугыльтчи,
Ме ачым эг ло збой.

Көн олам ми

Көн олам ми, сэн сулавліс
Зэв важбн пемыд вөр.
Сэн котравліс, сэн гуляйтис
Кузь сюра еджыд көр.
Сэн ош да көин шөйтисны,
Ур чеччавны эз мудз.
Сэн лыдтөм вөлі пөткаыс,
Эз бырлыв көч да руч.
Кузь вөръяс пөвстті ветлывліс
Зверь кыйысь коми морт.
Эз повлы ошкысь, көинысь,
Сэн вөлі сылөн горт.
Кыз плакаясөн вевттьөма,
Му джоджа, стенъяс съод.
Кык ичөт восьса өшина,
Тшын сәті петас мед.
Рытгоров тайө чом дорө
Том чукөртчывліс йөз.
Том войтыр пыр на гажөдчө,
Көть пөтөма, көть эз.

Раминик ныв

Дзор пөрысь гозъялөн раминик ныв.
Ланьтөмөн оліс, эз сыв сыланкыв.
Бать-мамыс ошкөны, ныв миян шань,
Юасьтөг весиг оз курчывлы нянь.
Кужим тай, майбырөй, быдтыны ми,
Сійөс нин коралис мельниклөн пи.
Мельникыс пиыскөд кодалис пыр.
Голь йөзлысь, лудік моз, нөняліс вир.
А нылыс эз повзы да батыслы сідз:
«Кулаклы ачымөс эг пө ме видз.
Мырдөн да нөйтөмөн он өні сет,
Сөветлысь законсө петкөдла сэк».

Мельниклысь писо нылыд вѳтліс бѳр,
Мун пѳ ме син водзысь и тані эн дзѳр.
Эм менам жѳникыс, мича да бур,
Приданнѳйтѳ меным пѳ, эн уна вур.

Тѳлысь вывса ныв

Керка стенѳ кѳдзыд швачкѳ,
Зѳв вѳд сійѳ лѳк.
Тѳлысь югѳр синмѳ вачкѳ,
Менам ун оз лок.

Пукала ме ѳшинь дорын,
Кывза мамлысь мойд.
Кызди овліс сьѳд вѳр шѳрын,
Детина ме койд.

«Мамѳ, мамѳ, тѳлысь вылас
Дерт вѳд кодкѳ эм.
Ещѳ карнан пельпом вылас,
Код нѳ, код нѳ сэн».

Коркѳ, пиѳй, зѳв нин важѳн
Овліс мича ныв.
Олѳм сылѳн эз вѳв гажа,
Эз кывлыв бур кыв.

Кѳньѳр, томѳн мамтѳг коли,
Вѳлі ичиньводз.
Уджавліс пыр рытын сѳрѳдз,
Асыв чеччис водз.

Ныв век кывзис, ыстас кытчѳ,
Вермѳ кѳть и оз.
А ичинь нывсѳ лѳка видзис,
Видзис понйѳс моз.

Коркѳ ѳтчывд тѳвся войѳ,
Вѳлі кѳдзыд зѳв.
Ичинь нывлѳс вала ыстис,
Лѳччыв, пѳ, ва вай...

Лѳччис нылыд йѳрдан дорѳ,
Босьтис нывтѳ шог.
Татшѳм олѳмсьыс пѳ, бара,
Коркѳ мынла ог.

Тѳлысь вылас кѳ ме верма
Ог мѳй эськѳн кай.
Тѳлысь, тѳлысь, тѳд ме кевма,
Босьт ас вылад вай.

Ичинь менсьым вирӧс юис,
Тӧлысь, кылан он?
Тӧлысь кыліс, кывзис, босьтис,
Онi ныв век сэн.
Кутӧ карнан пельпом вылас,
Быттӧ катлӧ ва.
Олӧ сэнi тӧлысь вылас,
Зэ-э-в нин уна во.

Ылын-ылын, роч Кавказын

Ылын-ылын, роч Кавказын
Уна-уна киссис вир.
Войска водзын вӧлі варыш,
Гӧрд офицер-командир.
Сійӧ мянӧс зэв ошкис,
Сэн жӧ сетис ён приказ.
«Мед быд кыын вӧлі, ёртъяс,
Выль ружье да патронташ.
Пуртӧсын мед лэчюд шашка,
Коскӧ ӧшны револьвер.
Мунамӧ ми враглы паныд,
Петкӧдлам ми налы шер.
Ставсӧ пасьям, огӧ полӧ,
Озыр понлы сэтi туй.
Коді кольӧ, босьтам пленӧ,
Этшаджык мед лоас шой».
Кустьяс дорӧ надзӧн водис
Паськыд рушку — генерал.
А кыз пу улын, рана понда,
Куйліс мян коми морт.
Став бур вирыс ёна мунис,
Кыз пу увсянь мӧдіс шор.
Вылын лэбаліс сьӧд кырныш,
Кыліс муысь «сёянтор».
Эн на, кырныш, ёна тэрмась,
Эз на лолӧй ставыс пет.
Лэбзьыв, лэбзьыв Коми муӧ,
Батьлы-мамлы юӧр сет.
Висьтав менам гӧтырпулы,
Мед оз виччысь менӧ бӧр.
Менӧ гӧтраліс тан сабля.
Воссис менам морӧс шӧр.

Кыдз пу кутас менö тöдны,
Улас лоас менам горт.
Сийö тöвнад кутас сьывны,
Кыдзи кольччис коми морт.

Мича пожöм

с. И. Вавилина

Ягын быдмис зэв мича пожöм,
Сылöн öткодь йыв и дин.
Сиктын быдмис гöгрöс чужöма,
Мича, мича öтка ныв.

Аски кая, пусö пöрöда,
Медбур ягсьыс кыскала.
Рытнас муна нылöс корасны,
Бать-мам диньыс нетшышта.

Ягö кайи путö пöрöдны,
Пуыд менам дыр эз пöр.
Рытнас муні нылöс корасны,
Нылыд ме сайö оз мун.

Коркö эськö пуыд пöрис да,
Сісьмö, вöлөм, сьömöсыс,
Коркö эськö и нылыд муніс да,
Да висьö, вöлөм, сьölöмыс.

Коми частушкаяс

Уна частушка ме тöда,
Уна сьыланкыв сьыла.
Сьылöмön да гажöдчöмön
Ассьым шогöс пальöда.

Визув ваыс тайö юас
Öдийö жö нин кылалö.
Том пöраыс, гажа кадыс
Öдийö жö нин коллясьö.

Томлунöй тэ, томлунöй,
Алöй чвет кодь томлунöй.
Регыд муна верöс сайö,
Бырö вöля и гажлунöй.

Мужик дорад лöсьыд овны,
Сöмын вöляыд абу.
Юасьныд абу лöсьыд —
А юасьтöг он лысьт петны.

Кодлөн милёйныд абу,
Висьталёй райсёветё.
Сёвет вылын бёръясны —
Быдёнлы милёй сетасны.

Милёй любитё, оз окав,
Сёмын сійё кёсийсыё,
А любовыс окасьтёгыс
Чорыда запретитсьё.

Мамё, узь, мамё, узь.

Ме тэнё шебрала.

Туй вылын гудёка кылё,

Ме пета да йёктышта.

Письмёөн ме пачёс ломті,

Пессё ме эг сюявлы.

Жара-яра сідз ломтысис.

Кызди милёйкөд любовь.

Гудёкасысыёс радейтлі,

Уна кадриль йёктивлі.

Гудёкасысы сайё муні,

Уна синва коялі.

Ёшинь улын лежнёг быдмё,

Алёй дзоридз сылён эм.

А ме уджала совхозын,

Морёс вылын орден эм.

Мёдлапёлын кык пон увтё,

Шарик да Бурьянушко.

Менё кык зон радейтёны,

Коля да Иванушко.

Придаш гёра, Придаш гёра,

Придаш гёра тыдалё,

Ёкаяннёй менам сёлём

Придашсасё радейтё.

Мыйла, мамё, уна вурин,

Мыйла уна лёсьёдін.

Неужели лишнёй лон,

Верёс сайё мёдөдін?

Уна сьёд чышъян ёшалё,

Сёмын еджыд оз ёшав.

Уна зонъяс пукалёны,

Сёмын милёй оз пукав.

Мыйкё тай нё, нывъясёй,

Ті ньёти онё сылыштёй.

Мыйкё тай нё, зонъясёй,

Нывъяссё он колльёдыштёй.

Ме кӧ эськӧ жонь вӧлі,
Морӧсӧй менам гӧрд вӧлі.
Ме кӧ эськӧ зон вӧлі,
Пӧдругаӧй сизим вӧлі.

Мамӧ куйлӧ паччӧр дорын,
Ме куйла пӧлать дорын.
Мамӧ шогсьӧ ме понда,
А ме шогся милӧй понда.

Мамӧ вылӧ и батьӧ вылӧ
Протокол составита,
Водз пыра, кӧть сӧр пыра,
Пыр ме куш вылын узьла.

Ӧти кага, ӧти кага,
Ӧти кага, а куйм бать.
Куйм батьсьыс бӧрйысьсьӧма
Еджыд тошка Спира дядь.

Гудӧк гажая зэв ворсӧ,
Ылӧдз кылӧ сьлӧн гор.
Уджным мунӧ гажкӧд орччӧн,
Налӧн йитӧдыс оз ор.

Илья-пророк небесаын
Вӧвъяс вылын гӧняйтлӧ,
Интереснӧ миян тӧдны,
Мыйӧн сэн вӧвсӧ вердӧ.

Ӧшинь улын шор визувтӧ,
Нывъяс коксӧ мыськисны. ✓
Нывъяс коксӧ мыськисны,
А зонъяс васӧ юисны.

Милӧйыд кӧ бригадир,
Оз ков уджавнытӧ дыр.
Окышта кӧ 25 раз
Трудодень лоӧ как раз.

Неужели тэ эн дӧзмы,
Вина юны-кодавны,
Милицыяын пукавны,
Комын шайт сэтчӧ сетны.

«Мый нӧ, другӧ, куйлан талун,
Ружтан, удж вылад он мун». —
«Другкӧд аддзысим да юнм,
Эг палявлӧй куйм лун».

Картупель лои пуктӧма,
А керӧмсьыс тэ эн пов.
Карсянь воласны — керасны,
Китӧ пуктыны оз ков.

Урожай ставсö идралім,
 Медым лым улö эз усь.
 Быдöнлы сёянтор лоас,
 Кöть и тöлыс вывті кузь.
 Став планъяссö ті тыртінныд,
 Бөрö кольчысыяс эз ло.
 Ставыс тырмö, нинöм шуны,
 Гажа встречайтам выль во.
 Милöйöйлөн кузь тушаыс,
 Сöмын корöсь чегъявны.
 Менö горт дорöдз колльöдас,
 Оз куж öтчyd окавны.
 Тэ кö, милöйöй, эн вöв,
 Некутшöм шог менам эз вöв.
 Вои эськö удж вылысь,
 Воді — эг думыштлы тэнö.
 Нывъяс, сьылöй, нывъяс сьылöй,
 Нывъяс, ёна гажöдчöй.
 Став ценаыс три копейки,
 Нывъяс, энö лөгасьöй.
 Кушман сёйи — эг курды.
 Галанка сёйи — эг юммы.
 Сэтшöм гöтыр мем веськаліс —
 Курыд и юмов тöдлі.
 Пятилетка тырöм бöрын
 Тöлыс гажаа коліс.
 Милöй армияö муніс,
 Карточкасö мен коліс.
 Менам гөлөсöй бырöма
 Гудök бөрся сьылöмысь.
 Менам милöй лөгасьöма
 Мöд зонкöд сёрнитöмысь.
 Оз вöлі кöсйы бабыс дедсö
 Дом отдыхаö лэдзны.
 И ньöбис бабыд телевизор —
 Дед бөрсяыс кыйöдны.
 Пöдругаöй шуö мем,
 Зэв пö мича жöник эм.
 Нинöм и думайтны дыр,
 Пет сы сайö пырысь-пыр.
 Да сійö миян бригадаын
 Медся омöль, медся дыш.
 Бутылка дорын пукалö,
 Шонді водзын пöжö мыш.

Сэтшөм жöникъясыд миян

Ньöти оз ковны.

Вина юысь саяд мунны,

Нывъяс, колö повны.

Вай жö, дона подругай,

Тан ми тэкöд йöктыштам.

Тайö нывъясыслысь тарыт

Зонъяснысö мырддылам.

Уна частушка ме тöда,

Уна сьыланкыв сьыла.

Сьылöмөн да гажöдчöмөн

Ассьым шогöс пальöда.

Тэа-меа, кык пöдруга,

Сёям-юам öтлаын.

Кык төварышöс радейтам,

Сöмын ним абу öткодь.

Ойя жö нин гажа тулыс,

Кытчö бара кольöма.

Ойя жö нин менам милöй,

Зэв тай ылö мунöма.

Слабо зэрны, слабо зэрны,

Слабо менö кötöдны,

Слабо милöйлы гöтрасьны,

Слабо менö эновтны.

Кудриа мича зонъясыс

Кытысь рöдитчöмаöсь?

Кудриалөн бать-мамыс

Кутшöм енлы кевмысьöмаöсь.

Зэв нин уна тан ме сьылі,

Сэсся сьывны меным шань.

Если кöсьянный кывзыны,

Верма сьывны «Коми ань».

БОРДӨДЧӨМЪЯС

*Важөн коми йӱзын вӱлі верӱс сайӱ мунігӱн не-
вестаыс юрсӱ еджыд чышгяньӱн тупкас, и кияс-
нас, пидзӱсас швачкӱмӱн, бӱрдӱ. Бӱрдӱ бать-мам-
лы, чой-воклы, пӱдругаясыслы и жӱниклы, бӱр-
дӱгтыр лыддӱӱдлӱ аслас олӱм йылысь.*

Мамлы

Югыд шондӱӱ дай Свет Ивановнаӱ,
Пасибӱ жӱ тэныд дай, сӱ пасибӱ.
Юрсяныд дай кок улӱдзыд,
Небесасяныыс дай муӱдзыс,
Бур вӱчӱмсыыд дай ныв пыдди пуктӱмсыыд.
Ме вӱд ӱтнам чунь кодь сирӱта.
Абу вӱд менам, дона мамӱӱ,
Абу вӱд менам, муса батьӱ.
Тэ вӱд меным дона мам пыдди.
Тэ вӱд меным рӱдимӱӱ батьӱ пыдди.
Шудтӱм часӱ мамӱӱ чужтӱма,
Бӱрдны-шогсыны енмыс сиӱма,
Сьӱд кырнышгяяс шудӱс кокалӱмаӱсь
Горш кӱннгяяс долыдлунӱс косявлӱмаӱсь.
Кодӱс любитлі, кодӱс радейтлі,
Ылӱ мунӱма, юрсӱ нуӱма,
Сэн геройскӱя пӱгибнитӱма.
Виччыси ме сӱйӱс, виччыси кык во,
Виччыси ме сӱйӱс, виччыси вит во.
Эз тай во сӱтысь менам донаӱ,
Эз лок бӱрсӱ сӱсь сьӱлӱм косьтысьӱ.
Кодкӱд кӱси ме нӱмӱс коллявны,
Кодӱс кӱси ме нӱмӱс радейтны.
И ме со мӱдӱдчи нелюбӱ сайӱ,
Нелюбӱ сайӱ, дай омӱль морт сайӱ
Энӱ дивитӱӱ, дай энӱ энӱвтӱӱ

Ме кӧ тшыг локта — менӧ вердыштӧй,
Ме кӧ кынмӧма — менӧ шонтыштӧй,
Войын кӧ локта — менӧ узьтӧдӧй,
Ыджыд шогӧс тӧ менсьым пальӧдӧй.

Пӧдругаяслы

Дона нывъясӧй, сьӧлӧмшӧръясӧй,
Рочаканьясӧй, пӧдругаясӧй.
Ме со жӧникӧс ӧнӧ виччыся,
И ме мӧдӧдча сы сайӧ мунны.
Кӧть и сӧйӧс ме ньӧти ог радейт,
Синмӧн аддзыны сӧйӧс ог вермы,
Пельӧн кывзыны сӧйӧс ог кӧсйы.
Кодӧс радейтлӧ, сылы кӧсйыси,
Зэв мустӧм сайӧ да нелюбӧ сайӧ.
Кӧсйӧм вӧснаыс ме со мӧдӧдчи
Муса нывъясӧй, пӧдругаясӧй,
Волӧй видлыны менсьым олӧмӧс,
Менсьым пальӧдӧй ыджыд шоглунӧс,
Менӧ гажӧдӧй бӧрдӧм-шогсьӧмысь.
Гажа рытьяснад менӧ казьтыштӧй,
Сьылӧг-йӧктӧгад менӧ гарыштӧй.
Ещӧ сиа ме, дона нывъясӧй,
Сьӧлӧмшӧръясӧй, пӧдругаясӧй,
Мед жӧ олӧмныд ме кодьӧн эз ло,
Мед жӧ мунанныд ас мусук саяд,
Мед жӧ оланныд нэмтӧ шудаӧн,
Мед эн аддзылӧ шогсӧ-горесӧ,
Мед эн кисьтӧй тӧ курыд синвасӧ.

Бӧрдӧ аслас олӧм йылысь

Ой тэ олӧм, том олӧмӧй,
Муса олӧм, дона кад.
Кӧн лэбалӧ менам шудӧй,
Сӧйӧс кутны ме нин рад.
Ой, тэ тӧлӧй, кӧдзыд тӧлӧй,
Некор ме дор тэ эн ов.
Кор мем ковмис ывла ывлӧ
Войын петны, кыдзи ньӧв.

Кынтін менӧ, кӧдзых тӧлӧй,

Тірзи-сулавлі ме кор.

Пурга шутьляліс ме гӧгӧр,

Нетшкис юрысь чышъянтор.

Ой, тэ тулыс, гажа тулыс,

Уналы вайлін долыдлун.

Тэнад югыд шоньд войыс

Уна кывліс мелілун.

Сӧмын меным, гажа тулыс,

Долыдлунсӧ тэ эн вай.

Тэнад югыд, шоньд войыс

Гажлунсӧ эз юкышт тай.

А тэ, гожӧм, шоньд гожӧм,

Ена шонтін Коми му.

Тэнад югыд, зарни шонді

Уна сетіс шоньдлун.

Менам шудтӧм олӧм гӧгӧр

Югыд лучтӧ тэ эн кой.

Эз мен инмыв шонді югӧр,

Луныс вӧлі, кызд сьӧд вой.

Сӧмын арлӧн, зэра арлӧн

Мекӧд ӧткодь оланног.

Быд лун синва лэччӧ шорӧн,

Пыр ӧд мыйкӧ меным шог.

Лэдза синва арся зэр моз,

Шогла доймӧ морӧс шӧр.

Некод энӧ олӧ ме моз,

Таысь омӧлыс оз тӧр.

Вывті дыр да вывті сьӧкыд

Вӧлі корсьны олӧм лад.

Менам олӧмыс ӧд овсис,

Регыд суас пӧрысь кад.

Олӧмыд ӧд абу чача,

Абу вуджны мулысь от.

Му шарсӧ вӧд он на мачав,

Енэжысь кодзув он вот.

Вывті жаль, мый тадзи олі.

Татшӧм шудтӧм вӧлі ме.

Нэмӧс ассым шудӧс корси,

Но сійӧ меным эз и шед.

ЮРИНДАЛЫСЬ

Придаш сикт	3
Ов, Придашöй (<i>олöмысь серпасъяс</i>)	5
Медводдза трактор	6
Аэроплан	7
Бать	8
Василей лунлы паньд (<i>висьт</i>)	14
Арся пемыд войын (<i>висьт</i>)	18
Война	24
Петров Иван	25
Валентина (<i>висьт</i>)	30
Валентина гу вылын бöрдöм	34
Начальник-бюрократ (<i>висьт</i>)	36
Энька-мам (<i>висьт</i>)	44
Олыштан да муса лоö (<i>висьт</i>)	48
Пинь висьöм (<i>теш</i>)	54
Семен лун (<i>серамбана висьт</i>)	56
Ме сеті кöсийсьöм (<i>пъеса</i>)	60
Петіс пенсня вылö (<i>пъеса</i>)	69
Кы в буръяс	78
Ичöтдыр	78
Салдат воис гортö	79
Кор сылам ми	80
Тувсовъя	81
Потшöс дорын	81
Ломзялысь тöлысь	82
Виччысьöм	82
Некор оз вун	83
Мамлы	84
Коми сиктса ань (<i>поэма</i>)	85
Важ фольклорнöй коми сыланкывьяс	87
Зарни чунькытш	87
Сад йöрын	87
Асья кыа водз лэбалö	88
Рыт нин воис	88

Гөтырөй оз любит	89
Шогсысь ныв	89
Көн олам ми	90
Рамник ныв	90
Тöльсь вывса ныв	91
Ылын-ылын роч Кавказын	92
Мича пожом	93
Кони частушкаяс	93
Бöрдöдчöмьяс	98
Мамлы	98
Пöдругаяслы	99
Бöрдö аслас олөм йылысь	99

Рогова З. И.

Р 59 Ов, Придашöй: Висьтьяс, пьесаяс, кывбуръяс, сыланкывъяс, частушкаяс, бöрдöдчöмъяс.— Сыктывкар: Коми книжнöй издательство, 1993.— 104 л. б.

ISBN 5-7555-0425-3

Зоя Роговалöн тайö нин мöд асшöр книга. Öткымын гижöдъясын автор висьталö Придаш, ас чужан сикт йылысь. Сидз жö книгаын лыддысьысь тöдмасыс коми частушкаясöн, важ фольклорнöй сыланкывъясöн, бöрдöдчöмъясöн.

84 2Рос-Ко

Р 4702310600 — 006 39 — 93 м
М 128(03)—93

Литературно-художественное издание

РОГОВА Зоя Ивановна

ЖИВИ, ПРИДАШ!

*Рассказы, пьесы, стихи, песни, частушки, плачи
На коми языке*

Редактор А. В. Тентюков. Художник С. В. Терещенко.
Художественный редактор В. Б. Осипов. Технический редактор
А. Н. Вишнева.

Сдано в набор 1.03.93. Подписано к печати 23.04.93. Формат
84×108¹/₃₂. Бумага № 2. Гарнитура «Литературная». Печать высокая.
Усл. печ. л. 5,46. Усл. кр.-отт. 5,88. Уч.-изд. л. 5,5. Тираж
1600. Заказ № 1119. Коми книжное издательство, 167610, г. Сыктыв-
кар, ул. Карла Маркса, 229.

Коми республиканская типография. 167610, г. Сыктывкар, ул. Пер-
вомайская, 70.

80-

КОМИ
КНИЖНОЙ
ИЗДАТЕЛЬСТВО
1993